

ISSN 0130-1624

ეროვნული
ბიბლიოთეკა

ბროშა

თქმობარი
№ 10 1989



საინფორმაციო ცნობა

საბჭოთა კავშირის კომუნისტური პარტიის სენგრაღური კომისიის პლენუმის შესახებ

1989 წლის 19 და 20 სექტემბერს მიმდინარეობდა სკკპ ცენტრალური კომიტეტის მორიგი პლენუმი, რომელმაც განიხილა გარდაქმნის, პარტიისა და ხალხის ცხოვრების კარდინალური საკითხები.

დღის წესრიგი: 1. სკკპ მორიგი XXVIII ყრილობის მოწვევის შესახებ. 2. თანამედროვე პირობებში პარტიის ეროვნული პოლიტიკის შესახებ.

პლენუმმა პირველ საკითხზე მოისმინა სკკპ ცენტრალური კომიტეტის გენერალური მდივნის მ. ს. გორბაჩოვის გამოსვლა და მიიღო დადგენილება, რომლის საფუძველზეც სკკპ მორიგი XXVIII ყრილობა მოწვეული იქნება 1990 წლის ოქტომბერში.

მეორე საკითხზე — „თანამედროვე პირობებში პარტიის ეროვნული პოლიტიკის შესახებ“ პლენუმმა მოისმინა სკკპ ცენტრალური კომიტეტის გენერალური მდივნის მ. ს. გორბაჩოვის მოხსენება, რომლის გამოც კამათში გამოვიდა 36 ამხანაგი.

პლენუმის მონაწილეებს დაურიგდათ მასალები, რომლებშიც განზოგადებულია წინადადებანი და შენიშვნები სკკპ პლატფორმის პროექტის განხილვის დროს რომ შეიტანეს პარტიულმა კომიტეტებმა, კომუნისტებმა, სახელმწიფო და საზოგადოებრივმა ორგანიზაციებმა, მეცნიერებმა ეროვნებათშორისი ურთიერთობის პრობლემებზე, ამ საკითხებზე მშრომელთა წერილების მიმოხილვა, აგრეთვე მთელი რიგი საცნობარო მასალები.

პლენუმზე შექმნილი სარედაქციო კომისიის სახელით გამოვიდა სკკპ ცენტრალური კომიტეტის პოლიტბიუროს წევრი, ცენტრალური კომიტეტის მდივანი ვ. ა. მედვედევი.

პლენუმმა მოიწონა შემოსული წინადადებების, შენიშვნებისა და გამართული განხილვის გათვალისწინებით დახვეწილი სკკპ პლატფორმის პროექტი „პარტიის ეროვნული პოლიტიკა თანამედროვე პირობებში“ და მიიღო ამ საკითხზე 1989 წლის 20 სექტემბერის დადგენილება, რომელშიც ნათქვამია:

„1. მიღებულ იქნეს სკკპ პლატფორმა „თანამედროვე პირობებში პარტიის ეროვნული პოლიტიკის შესახებ“ და ჩაითვალოს მისი თანამიმდევრული განხორციელება ყველა პარტიული ორგანიზაციის, თითოეული კომუნისტის ამოცანად.

პლენუმს მიაჩნია, რომ პლატფორმის იდეები და დებულებანი, რომლებმაც ფართო მოწონება პოვა საზოგადოებაში, შეესაბამება გარდაქმნის საარსებო მოთხოვნილებებს და შეიძლება გახდეს საბჭოთა ფედერაციის განახლების, ყველა ეროვნულ-სახელმწიფოებრივი წარმონაქმნის განვითარებისა და სხვა ეროვნული პრობლემების გადაწყვეტის საფუძველი საბჭოთა სოციალისტური რესპუბლიკების კავშირის ყველა ხალხის საკეთილდღეოდ.

2. პლენუმი ავალდებს სკკპ ცენტრალური კომიტეტის პოლიტბიუროს, მოკავშირე რესპუბლიკების კომპარტიათა ცენტრალურ კომიტეტებს, პარტიის სამხარეო და საოლქო კომიტეტებს, შეიმუშაონ პარტიულ ორგანიზაციათა საქმიანობის კონკრეტული გეგმები იმ იდეების სარეალიზაციოდ, რომლებიც მოცემულია სკკპ პლატფორმაში „პარტიის ეროვნული პოლიტიკა თანამედროვე პირობებში“.

პლენუმმა განიხილა ორგანიზაციული საკითხები.

დასასრულ, პლენუმზე დასკვნითი სიტყვით გამოვიდა სკკპ ცენტრალური კომიტეტის გენერალური მდივანი მ. ს. გორბაჩოვი, რომელმაც აღნიშნა: „ვაფართოებთ რა რესპუბლიკების, რეგიონების, ავტონომიური ფორმირებების პოლიტიკურ და ეკონომიკურ უფლებებს, დამოუკიდებლობას, ვიწვევთ რა დეცენტრალიზაციის პროცესებს, რათა გამოვიყენოთ ადამიანთა ენერჯია, ყველა ხალხის ძალისხმევა ქვეყნის სოციალურ-ეკონომიკური განვითარების დაჩქარებაში, ამავე დროს ჩვენ იმით ვხელმძღვანელობთ, რომ პარტიამ კიდევ უფრო მეტად უნდა შეასრულოს მაკონსოლიდირებელი როლი, გააერთიანოს ყველა ხალხი გარდაქმნის მიზნების გარშემო“.

ბაზულო, საპარალელი

649
1989

ეროვნული
საბჭოთა

დროშა

№ 10 ოქტომბერი. (394), 1989

შურნალი გამოდის 1928 წლიდან

ყოველთვიური საზოგადოებრივ-პოლიტიკური და სალიტერატურო-სამხატვრო შურნალი

ნ ო მ ი რ შ ი ა:

ოთარ ძინჭლავი. შინაური მიმოხილვა.

დავით ყანდავრილი. ვაჟის უძველესი ანაბეჭდი.

ილია რუჩუა. კულაშელი გულგული.

გალხაუ რადიანი. ეტა.

კლიმენტ ელიზბარაშვილი. ფას-წარმოქმნა.

არნოლდ გეგეჭკორი. ტყის სკულპტურა.

საინტერესო გამოცემები.

მიხეილ გიჟიყალი. მთიდან ყვირილი ხარისა.

გულიკო გუჯაბიძე. ჰუჯაბი უხმობს კვლავ უთამარავალს.

გივი ჩხიკვიშვილი. მოსადირის სიკვდილი.

ბია ტორიაშვილი. სავალი ფოსტა № 40586

სპარტაკ რეზვიაშვილი. ქართული პარტიზანი ძალი პარისში.

სარჯო ტურინე. მოდის ტოტემი (მოთხრობა).

საპარტეზლოს კა ცკ-ის გამომცემლობა


© „დროშა“, 1989 წ.

მ თ ა ვ ა რ ი რ ე დ ა ქ ტ ო რ ი

ოთარ ძინჭლავი

დროშა 1

საქ. სსრ კ. მარქსის
სახ. სახ. რესპუბ.



ეროვნული და პანათავისუფლებელი — მიხე ჯვარი — ვაი,
სიცხვილი — გიფვავთ სანჯალვალად — ქართული პარლამენტი

ამ ბოლოდროინდელი ჩვენი საშინაო ცხოვრების ყველაზე დამახასიათებელი და გამოკვეთილი თავისებურება უთუოდ არის ქართველების მზარდი ეროვნული თვითშეგნება და მასთან დაკავშირებული მტკივნეული პრობლემების წარმოჩენა, რასაც თან გამწვავებული, ხოლო ზოგჯერ ტრაგიკული სიტუაციების შექმნაც ახლავს ხოლმე.

ასეთმა სიტუაციებმა იმაშიც იჩინეს თავი, ერთა შორის ურთიერთობის გართულებას რომ ეტყვიან, და არც ეს უნდა იყოს მაინცდამაინც გასაკვირი. გასაკვირი, მე თუ მკითხავთ, ის არის, როცა ჩემს კაცთმოყვარე ბუნებას „მოსული“ ბოროტად გამოიყენებს, მასპინძლობას დაიჩემებს, მერე აქეთაც შემოგვდავება, ჯიბეშიც ჩაგიყოფს ხელს და თავად რომ არ გყოფნის, იმის წართმევასაც მოინდომებს.

აი, ეს არის გასაკვირი. მაგრამ ქართველი კაცის ბუნებას არც სხვისთვის რაიმის წართმევა ახასიათებს და, როდენ გასაკვირიც არ უნდა იყოს, არც იმის უსასრულოდ მოთმენა, რასაც ზოგიერთი „მოსული“ ჩვენი მიწა-წყალზე ბედავს და კადრულობს.

არაფის არ უნდა გაუკვირდეს ეს. მაინც უკვიროთ. არადა, ჩემს საკუთარ მიწა-წყალს, კარ-მიდამოსს, სახლს მე-დავებთან, ხოლო როცა ხმას ამოვიღებ და აუკვირდები, გაკვირვებული შემომხედავენ: — ნეტავი, ამ კაცს რა აუკვირებსო?

ვიყვირებ კი არა, მეტსაც ვიზამ, თუ ყველა წამგლეჯი და მოძალადე თავის საკუთარ კანში არ დაეცია და თავისსავე მიწა-წყალს არ მიაშურა.

ამ საქმეს ადრე თუ გვიან ბოლოს და ბოლოს მაინც მოვეცლება, მაგრამ იმათ რა ვუყოთ, ვინც ეს თავსატეხი გაგვიჩინა? ილია:

— დღეს ისეთი დროა, რომ თვითეული ჩვენთაგანი უნდა განკითხულ იყოს და პასუხისმგებელი ჩვენი ქვეყნის წინაშე.

დღეს მართლაც დადგა ასეთი დრო და ვისაც ქართული მიწა-წყლის ყიდვა-გაყიდვა თავის ხელობად გაუხდია, ყველა და უკლებლივ ყველა, უნდა განკითხულ იქნეს: გუშინდელიც, გუშინწინდელიც და დღევანდელიც. დღევანდელი კერძოდ და განსაკუთრებით — ვინც არ უნდა იყოს იგი: სოფლის საბჭოს თუ კომლუნიკაციების თავმჯდომარე, საბჭოთა მეურნეობის დირექტორი თუ საპასპორტო სამსახურის თანამშრომელი, პარტიული თუ საბჭოთა მუშაკი. სხვაც ყველა.

რალაც არ ეტყობა, რომ რესპუბლიკის ამჟამინდელი ხელმძღვანელობა ამ საქმეს ჯეროვანი პასუხისმგებლობით ეკიდებოდეს. თითქოს განიხილეს კიდევ მიწათსარგებლობის დარღვევისა და კანონსაწინააღმდეგო მოქმედების საკითხები, თითქოს გამოავლინეს კიდევ დამნაშავენი და მითითება-საყვედურებიც ჩამოარიგეს, თითქოს კიდევ აპირებენ რალაცას, მაგრამ...

არა, ასე არაფერი გამოვა: თითოეული ჩვენგანი უნდა განკითხულ იქნეს.

ეს არის და ამას გულისხმობს ჩვენი პასუხისმგებლობა ქვეყნის წინაშე და მხოლოდ ეს შეიძლება გახდეს იმის საიმედო გარანტი, რომ არაფერი მსგავსი არასოდეს აღარ განმეორდეს.

მეორდება. დღესაც-მეთქი, ვამბობ.

თბილისში, № 2 სამშენებლო ტრესტთან შეიქმნა კოოპერატივი „მატილი“, რომელმაც აზერბაიჯანის სსრ ტაუზისა და ყაზახის რაიონებიდან უკვე მოიწვია აზერბაიჯანული ეროვნების მუშები. ისინი ჯერჯერობით იქვე, მშენებლობის ტერიტორიაზე ცხოვრობენ, მაგრამ ალბათ მალე ცოლ-შვილსა და ნაცნობ-მეგობრებსაც ჩამოიყვანენ.

რა ვქნათ? ვინ დაეპირალოთ საკუთარი უბედურება? ვინ მოსთხოვს პასუხს, უმკაცრესსა და დაუნდობელს, ამ დღევანდელ „მატილელ“ კოოპერატორებს?

ისიცაა მხედველობაში მისაღები, რომ ეროვნულობა ამჟამად დროს თავისთავადობის გამოხატველი და დამადასტურებელი ცნებაა. ქართველი კაცისათვის კი ეს ორი ცნება საკუთარი მეობისა და კაცობის მაჩვენებელიცაა. ამიტომაც, რომ ჩვენი მრავალსაუკუნოვანი და მრავალტანჯული ისტორია ეროვნული და გან-

მათავისუფლებელი ბრძოლის ისტორიაა არსებითად და უპირატესად.

ძალიან შორსაც ნუ წავალთ. იქიდან დავიწყეთ, როცა 1801 წელს რუსეთმა შეიერთა საქართველო.

ილია: — ერთს უდიდესს საპოლიტიკო საგანს რუსეთისას შეადგენს ჯერ ის, რომ სხვადასხვა ტომის ერნი როგორ უნდა მოეწყონ შინაობაში სათითაოდ, და მერე — როგორ უნდა მოთავსდნენ სახელმწიფოსთან. ყველას უნდა წინასწარ სცოდნოდა, რომ დღეს თუ ხვალე ეს საგანი თავისას მოითხოვდა; რომ დღესა თუ ხვალე რუსეთი იძულებული შეიქმნებოდა დაენიშნა საზღვარი სახელმწიფო მოქმედების საზოგადოდ და ეროვნებისა ცალკე და ერთისა და მეორის მოედანი ცალ-ცალკე შემოეფარგლა.

რალაც მსგავსების მაგვარი რამ მომჩვენა იმდროინდელ და ამჟამინდელ საზოგადოებრივ-პოლიტიკური ხასიათის ვითარებასა და სიტუაციებს შორის.

ამიტომ გავაგრძელებ ილიასთან საუბარს. ილია:

— ქართველობამ, აქამდის ერთმანეთზედ დაშორებულმა, აქამდის ცალ-ცალკედ მოარულმა, იგრძნო, რომ ეგრეთ ყოფნა მწვადსაც სწევას და შამფურსაც, თითოეულს კაცსაც აენებს და მთელს საზოგადოებასაც; იგრძნო ეს ტყვილი და მალამოც უპოვა. იგრძნო, რომ ღონე ერთობაშია, ერთად თავ-მოყრაში, ერთად საერთო უღელის წევაში, ერთმანეთის მხარის მიცემაში. იგრძნო და გაშალა ხელი კიდევ, რომ დაქსაქსული, გაფანტული, ცალ-ცალკედ მოარული ღონე-ქონებითი თუ გონებითი — ერთს ყველში ჩაეყენებინა საერთო და საყოველთაო მოქმედებისათვის.

— ამ ბოლო დროს, ჩვენდა სანუგეზოდ და სასიხარულოდ, მრავალი სხვადასხვა საზოგადოება სდგება ხოლმე ჩვენში სხვადასხვა საჭიროების დასაკმაყოფილებლად. ყოველს მათგანს ჩვენის ცხოვრების არსებობის ძარღვისათვის წაუვლია ხელი. ყოველ ამისი მოქმედი კატასავით არა ჩხავიან, არა ყვირიან საჯაროდ: აი, რა კაცები ვართო. უფრო ბევრი მათგანი სადმე კუნჭულშია მიმაღული და ქვეყნის სიყვარულით აღტკინებული იბრძვის, მეცადინეობს, მხნეობს, საქმობს.

— ერთობის მლაღადებელთა არ გაუტუდდათ დალადება და აი, დღეს იმასა ვმკით, რაც ყმაწვილკაცობის უანგარო ღვაწლით წინა წლებში დათესილი იყო.

ყმაწვილკაცობის უანგარო ღვაწლით ახლაც, გარდაქმნისა და ჩვენი საზოგადოებრივ-პოლიტიკური ცხოვრების განახლების ამჟამინდელ ვითარებაშიც, რალაც ახალი მართლაც დაითესა, მაგრამ საერთო მიზნის მიღწევისათვის პრაქტიკული გზების ძიებისა და პოვნის ტაქტიკა ილიასდროინდელ ხანაში უთუოდ უფრო გამოკვეთილი და რეალისტურიც იყო. ამიტომ შედეგაინიც.


თუნდაც იმდროინდელი საზოგადოებების სახელწოდებებისა და მიზანდანიშნულების თვალსაზრისითაც.

ამიტომ მგონია მე, რომ ხუნა-თესვის განვლილი კამპანია ჩვენ ისე და იმდაგვარად ვერ ჩავატარეთ, როგორც ეს გვჭირდებოდა და შეგვეძლო კიდევ.

საქმე ის არის, რომ ზოგჯერ პრეტენზიულ სახელწოდებებიანი სხვადასხვა ოპოზიციური პარტიებისა და საზოგადოებების დაარსება-მომრავლებას დავებარებთ, ხოლო სამოქმედო პროგრამა და მისი პრაქტიკულად განხორციელების რეალური გზები ჯერჯერობით მიუკვლეველი დაგვრჩა.

მისი გაჩერება არ ხერხდება. ამიტომ, მოვეწონივდეთ იქნება, და უკეთესად, ვიდრე აქამდე, ვიართთ მომავალი თუნდაც ოთხი წლის საველ გზაზე.

ის ვინც ეროვნული დამოუკიდებლობისა და რეალური სახელმწიფოებრივი სუვერენიტეტისაკენ მოგვიწოდებს, ისიც უნდა იცოდეს, რომ ამ მიზნის მიღწევა დაქსაქსულობის, ქიშპისა და მარტოოდენ საკუთარი თავის გამოჩენისათვის ზრუნვის პირობებში ძალიან გაჭირდება და შეუძლებელიც არის. შესაძლოა ამის გამოცაა, რომ უკვე შექმნილმა საზოგადოებებმა ჯერჯერობით ვერ მოიპოვეს საყოველთაო აღიარება და სასურველი ავტორიტეტი. ის კი არადა, მათი მისამართით აქა-იქ უკვე უქმყოფილების ხმებიც კი გაისმის.



ასეთი ხმები დამაფიქრებელია და ახალგაზრდებში ეროვნულ მოძრაობას ავტორიტეტის შელახვის რეალურ საშიშროებას უქადის.

აბა, დასაშვებია, როცა ახალგაზრდების ჯგუფი ამა თუ იმ საზოგადოების სახელით ავტორიტეტს ვააჩერებს, მერე მგზავრებს ჩამოყრის და მძლავრ ფიზიკურად შეეხება, ე. ი. სკემს? ან კიდევ მუქარით შევა ვინმესთან და უკმეხი ტონით განაცხადებს: ჩვენ „ისინი“ ვართ და ესა და ეს, ასე და ასე უნდა გააკეთოთ, თორემ მიტინგს მოვაწყობთ.

ან თუნდაც გაფიცვისაკენ მოწოდება და ასეთი დიალოგი:

- რაო?
- რაოდა, უნდა გაიფიცოთ.
- მერედა, განაცდურს ვინ ანაზღაურებს?
- ეგ ჩვენი საქმე არ არის.

ასეთი შემთხვევები უკვე იყო.

იყო დაშინების, შანტაჟის და ამბობენ გამოძალვის შემთხვევებიცო.

არა მგონია, რაიმე გვარგოს ასეთი გზით სიარულმა.

რატომ რჩება ასეთი მოვლენები თუნდაც არაფორმალურ გაერთიანებათა წევრებისა და ხელმძღვანელების ყურადღების მიღმა?

დროზეა საჭირო შევნიშნოთ ყოველივე ეს და გავფრთხილდეთ.

არც „არევა“ რომ ჰქვია, ისაა საკადრისი საქციელი, მაგრამ კადრულობენ ნასვამ და აღზნებულ მდგომარეობაში მყოფი ახალგაზრდები.

არ ვარგა ეს.

არც ის ვარგა, როცა ერთმანეთს პირში ბურთს ეჩრით და განსხვავებული აზრის თქმის უფლებას ვართმევთ, ხოლო სიტყვით ადამიანის უფლებების დაცვას, სამართლიანობის დამკვიდრებას და კანონიერების დაცვას ვჭადავებთ.

მე მაინც მგონია, რომ „დაღვინდება“ და დაიწმინდება თავისთავად პროგრესული ხასიათის ახალგაზრდული მოძრაობა, რომელიც დღევანდელმა ეროვნულ-განმათავისუფლებელმა ტალღამ შვა და მთელი ჩვენი ძალების გაერთიანების გზით საბოლოო შედეგიც მიღწეული იქნება.

ჯერჯერობით კი დიდად დასანანია, რომ გამოღვიძებული და უკეთესი მომავლის მაძიებელი ახალგაზრდების ნაწილში მაინც განავრცობს არსებობას ბოროტების საწყისი. ეს მით უფრო გაუგებარია და დამაფიქრებელიც, რომ დიდძალი ახალგაზრდობა შემობრუნდა დღეს სარწმუნოებისაკენ და იმედგაცრუებული რწმენას ეძიებს. არაფერია ცუდი ამაში. ახალგაზრდული ხალხმრავლობა წირვა-ლოცვაზე, მასობრივი ვახდა ჯვრის ტარება, რელიგიური წიგნების კითხვა, მაგრამ ნუთუ ესეც მოდაა ჩვენთვის, არსის მარტოდენ გარეგნული, ფორმალური მხარე და არა ქრისტიანული მცნებებისადმი ერთგულების დასტური. რად გინდა ჯვარი, თუ მას თან არ ახლავს შენივე სათნოება. ქველმოქმედება, მოყვასისადმი თანაგრძნობა, მასთან თანადგომა?

„მძიმე ჯვარი“ არტუთ ისე ილლი და მსუბუქი სატარებელია.

არადა, კახიანი ხარაბაძეს კლავს, აბაშიძე კაციტაძეს, კოტრიკაძე ლამბაშიძეს და ა. შ. თბილისში, წყნეთის ქუჩაზე სამტრედიელმა ნუკრი ტრაპაიძემ მუცელში დანით სასიკვდილოდ დაჭრა ზურაბ მაისურაძე. მერე ერთი მათგანი სასაფლაოსაკენ მიმავალ გზას გაუყენეს, ხოლო მეორეს ციხის კარი გაუღეს. მათი თანატოლები კი გაყვირიან, ძლიერსა და თავისუფალ საქართველოს გაუმარჯოსო. ჭირს ყოველივე ამის ახსნა, ჩადენილი ბოროტმოქმედების მიზეზებში გარკვევა. წყალტუბოს რაიონის სოფელ ოფურჩხეთში ლამით ნიღბებაფარებული ოთხი ქუთაისელი ბოროტმოქმედი შევარდა ჩანელიძეების სახლში და ცეცხლსასროლი იარაღით მოკლა ოჯახის დიასახლისი — მასწავლებელი ქალი.

განშირდა საზოგადოებრივი წესრიგის დარღვევა. გაიზარდა ისეთი მძიმე დანაშაულობები, როგორცაა მკვლელობა, დაჭრა, ყაჩაღური თავდასხმა, ძარცვა, ქურდობა, ავტომანქანების გატაცება, ავტოავარიები და სხვ.

თუ არც ღმერთი გწამს და არც კაცი ხარ — ადამიანი, მაშინ რაღად გინდა ჯვარი?

ჯვარზე საცემელი ჩვენ შინაური მტერი გვყოლია, რომელმაც ვერც ყურადღება შეიფერა და ვერც მოფერება. ჩვენ კი ამ დროს ერთმანეთს არ ვინდობთ, რაღაც ვერ გავგეყვია და ზოგი ალთას ვართ და ზოგი ბალთას.

ქვემო ქართლში მომხდარი ამბები მთელი საქართველოსთვისაა ცნობილი. ქ. მარნეულში ტაქსის რიგში დაწყებული პროვოცირებული შეკამათება, რომლის ინიციატორი ადგილობრივი ახალგაზრდა აზერბაიჯანელი იყო, შემდეგ სერიოზულ კონფლიქტში გადაიზარდა, რასაც შეიძლება ტრაგიკული შედეგებიც კი მო-

ყოლოდა, რომ არეულობა ადგილობრივ სვანთა სახლებიდან არ შეენიშნათ და ქართველ ახალგაზრდებს დროულად არ მიშველებოდნენ. შემდეგ მოვლენები ასეთნაირად განვითარდნენ: სისწრაფით შეგროვილი აზერბაიჯანული ეროვნების ბელთა ჯგუფი დაიძრა ქართველთა საცხოვრებელი სახლებისაკენ და დაუშინა წინასწარ მომზადებული ქვეები, ბოთლები, რკინის ნაჭრები, ჩაამსხვრია მინები და რამდენიმე ადამიანიც დაშავდა. ვითარება თხუთმეტობედ ქართველი მამაკაცის გამძლეობამ და ვაჟკაცობამ განმუხტა, მაგრამ გამძვინვარებული ბრბოს თარეში დილაძე მაინც არ შეწყვეტილა. დილაძეიან კი მარნეულის ცენტრში შეიკრიბა თითქმის ათათასიანი არასანქციონირებული მიტინგი, რომლის მონაწილეებმა სხვა პრეტენზიებთან ერთად წამოაყენეს ქვემო ქართლის ავტონომიზაციის აბსურდული მოთხოვნა. კერძოდ, მარნეულის, დმანისის, ბოლნისის, გარდაბნის რაიონების ავტონომიაში გაერთიანება და მის ცენტრად ქ. რუსთავი დასახელეს. ამასთან ერთად, მოთხოვეს დასახლებული რაიონების ხელმძღვანელი კადრების აზერბაიჯანელებით შეცვლა, ქართველი მოსახლეობის გასახლება, არეულობაში მონაწილე დაკავებულ აზერბაიჯანელთა დაუყოვნებლივ განთავისუფლება, სასოფლო-სამეურნეო პროდუქტების რესპუბლიკის ფარგლებს გარეთ გატანაზე აკრძალვის გაუქმება და ა. შ. მარნეულის ინციდენტის პარალელურად აღმაშფოთებელ ექცესებს ჰქონდა ადგილი გარდაბანში, ბოლნისში და დმანისში, სადაც შეუტეეს ადგილობრივ ქართველ მოსახლეობას, გაიძახოდნენ ქართველთა შეურაცხყოფელ სიტყვებს.

ეს იყო წინასწარ დაგეგმილი, შორსგამიზნული აქცია, რომელსაც ორგანიზებული ჯგუფი განაგებდა. ქვემო ქართლში მცხოვრები აზერბაიჯანული მოსახლეობის გამოსვლები ვაგრძელებაა წლების განმავლობაში იმ ყოველად გაუმართლებელი ცალმხრივი დათმობებისა, რომელსაც ეწეოდნენ რესპუბლიკის პარტიული და საბჭოთა ხელმძღვანელობა, სამართალდამცველი ორგანოები. ჩვენ ყველანი ვეწეოდით. ამიტომაც გადააჭარბეს ყოველგვარ საზღვარს აქ გამეფებულმა უკანონობამ, დარღვევებმა, განუკითხობამ.

და, ვაი სირცხვილო!

ამ მძიმე განსაცდელის ქაშს, როცა ყველას ერთიანი ძალისხმევა გვემართა და ერთმანეთის მხარდაჭერა, დახმარება, მდგომარეობის შემსუბუქება გვევალებოდა, აზერბაიჯანელთა მიერ დაცაოიელებულ თბილისის ბაზრებში ისევ ქართველებმა განიზრახეს ხელის მოთბობა და თითქმის ყველაფერზე ასწიეს გასაყიდი ფასები. ბევრ ჩვენგანს იმ დღეებში ჭამის მადაც კი დაეკარგა. მაგრამ შემაზრზენი იყო თავად ეს უსინდისო და მზაკრული სიზარბე.

მე მომეჩვენა, რომ ისევ ქართველების ხელითვე მწვენილში და კიტრსა თუ ჰამიდორში, ერთი სიტყვით ნილ-ბოსტნეულშიც კი, საქართველო იყიდებოდა, და კიტრის ფასად იყიდებოდა.

გაუძლებს კია ყოველივე ამას ჩემი ქვეყანა?

უნდა გაუძლოს.

მაგრამ, როგორ?

დრო გავიდა, ხოლო ქვემო ქართლში დადგმული „სპექტაკლის“ არც რეჟისორები, არც მთავარი როლების შემსრულებლები და არც სხვა ვინმე იქ მცხოვრებ აზერბაიჯანელთაგან არ დასაჯილა. არც პოლიტიკური შეფასებაა მიცემული და ისევ ძველებურ ძმობასა და მეგობრობაზე ვაგრძელებთ შაბლონურ მასლათს ისე, თითქოს არაფერიც არ მომხდარიყო და ყველაფერი ორიოდვე უსაქმური ხულიგანის ბრალი ყოფილიყო.

არ არის ეს ასე და მოვეშვათ საკუთარი თავის მოტყუებას.

განუკითხაობა ახალ დანაშაულს შობს.

სწორედ ამიტომ არ დააყოვნა თვითმარქვია აფხაზების უტიფარმა და ყოველგვარ ჭკუა-გონებას მოკლებულმა შემზარავად მტრულმა აქციამ.

ესეც მოვითმინოთ?


არა!

მოთმინებითი და ისტორიული ძმობისა და მეგობრობის გულგაწყალებული, უნაყოფო და არსებითად საკუთარი ეროვნული ინტერესების საწინააღმდეგო ქადაგებით საქმეს უკვე აღარ ეშველება.

სათქმელი პირდაპირ უნდა ითქვას.

ის, რაც სოხუმსა და მის მახლობელ ქართულ მიწა-წყალზე აფხაზებმა მოიმოქმედეს, არავის აღარ ეპატიება. არავის და არასოდეს. ეს ჩვენ მტყიცედ, ყოველგვარი ყოყმანის გარეშე ხმაძალა უნდა განვაცხადოთ და გავაკეთოთ ის, რაც გამორიცხავს მსგავსის გამეორების ყოველგვარ შესაძლებლობას.

მოვეშვათ უნდა ბოლოს და ბოლოს ყველაფრის ექსტრემისტებისათვის გადაბრალებას და უმკაცრესი პასუხი ვაგვიბინოთ ადგილობრივ პარტიულ და საბჭოთა ხელმძღვანელებს, ადმინისტრაცი-



ციული ორგანოების მუშაებს, ინტელიგენციის წარმომადგენლებს და მასობრივი ინფორმაციის საშუალებათა თანამშრომლებს, რომლებსაც უმძიმესი დანაშაული ჩაიდინეს: ე. წ. „აფხაზური წერილის“ სამარცხვინო ფურცლები უკვე მეორედ შეიღება ქართველთა სისხლით და დამნაშავემ პასუხი უნდა აგოს.

მაგრამ არა ისე, როგორც ეს აქამდე ხდებოდა.

არა.

ასე აღარ გამოვა.

„დროშა“. 1989 წელი. ივნისი. № 6.

— „აფხაზური წერილის“ პრობლემა კვლავ ჩვენი დღევანდელი და ხვალისდელი დღის საზრუნავად რჩება. ამას ვერავინ და ვერსად ვერ გავექცევით. საქმე არც ერთი კაცის მეორეთი შეცვლით მთავრდება. ჩვენი მამინდელ ხელმძღვანელობას უფრო ღრმად და საფუძვლიანად უნდა ჩაეხედა ამ საკითხში და მართოდ აღწეროს მისი მდგომარეობის ინფორმაციით არ უნდა შემოფარგულიყო. სათქმელი დროულად უნდა ითქვას. გასაკეთებელიც თავის დროზე უნდა გაკეთდეს. არ გაკეთებულა“.

დასანანია, მაგრამ ფაქტია, რომ რესპუბლიკის ადრინდელი და, სამწუხაროდ, ამჟამინდელი ხელმძღვანელობის სრულიად გაუმართლებელმა უმჯობესობამ შექმნილი ვითარება უკიდურესად გამწვავა და საბოლოოდ მოუთმენელი გახდა.

ისევ დატრიალდა სისხლიანი ტრაგედია.

გზის ძებნა კი მაშინ დაიწყეთ, როცა ურემი გადაბრუნდა.

დროული თადარიგია საჭირო.

„დროშა“. 1989 წელი. ივნისი. № 6:

— „ვინ იცის, იქნებ „აფხაზური წერილი“ მთიანი ყარაბაღის ამჟამინდელი ადმინისტრაციული მმართველობის „აფხაზური ვარიანტი“ წარუმატებელი ცდა იყო. კიდეც ვილაკებებს იქნება აწყობდეს კიდეც ეს და იქნება ვილაკებები მიუხვდნენ კიდეც ამ პროვოკაციულ ჩანაფიქრს? ვინ იცის“.

მაშინ არა და ახლა უკვე დანამდვილებით ვიცი.

ვიცი იმიტომ, რომ სწორედ ამისაკენ სულწასული მისწრაფება ამოვიკითხე მოსკოვური გაზეთების აფხაზურ კორესპონდენციებში. აბა დავაკვირდეთ: „სოხუმში ბევრნი, მათ შორის ავტონომიური რესპუბლიკის პასუხისმგებელი მუშაკები, თვლიან, რომ ვითარების უკეთესობისაკენ შეცვლა მხოლოდ საგანგებო მდგომარეობის შემოღებას, კომენდანტის საათის დაწესებას შეუძლია“

(„იზვესტია“, 19 ივლისი, 1989 წ. №200). აი, კიდეც: „აფხაზეთის სახალხო ფორუმის ხელმძღვანელობამ ორჯერ მიმართა ხელისუფლების ორგანოებს თხოვნით კომენდანტის საათისა და საგანგებო მმართველობის რეჟიმის შემოღების შესახებ“ („კომსომოლსკაია პრავდა“, 20 ივლისი 1989 წ., № 166). და სოხუმში სსრ კავშირის შინაგან საქმეთა სამინისტროს შინაგანი ჯარების უფროსის გენერალ-პოლკოვნიკ ი. შატალინის პრესკონფერენციაზე მიცემული შეკითხვა: შემოღებული იქნება თუ არა სამხედრო მდგომარეობა დასავლეთ საქართველოს ტერიტორიაზე?

როგორ მოგწონთ?

ასე რომ, ყველაფერს ე. წ. „ექსტრემისტებს“ ნუ გადავბრალვებთ. ისინი მხოლოდ გაბოროტებული და გუნებაარეული შემსრულებლები იყვნენ.

საქართველოს კომპარტიის აფხაზეთის საოლქო კომიტეტის მაშინდელი მდივანი საიდ ტარკილი ა. წ. 1 ივლისს სოხუმში გამართულ შეხვედრაზე ამბობდა, რომ ჩვენი დღევანდელი მოსკოვის საგანგებო მისიით გაემგზავრა. იქ ჩვენ შევხვდით და ვესაუბრეთ სკკპ პოლიტბიუროს წევრებს, სკკპ ცენტრალური კომიტეტის მდივნებს ვ. მედვედევს და ვ. ჩებრიკოვს. აგრეთვე სსრ კავშირის უმაღლესი საბჭოს ეროვნებათა საბჭოს თავმჯდომარეს რ. ნიშანოვს და ამ საბჭოს ეროვნული პოლიტიკისა და ეროვნებათაშორის ურთიერთობის მუდმივი კომისიის თავმჯდომარეს გ. ტარაშვიცის.

კი მაგრამ, რა მოხდა ასეთი და რაში იყო საქმე?

ამ საუბრების დროს, განაგრძობს ს. ტარკილი, ყურადღების ცენტრში აფხაზეთის სახელმწიფო უნივერსიტეტის მთლიანობის შენარჩუნებისა და ამ საკითხზე სსრ კავშირის უმაღლესი საბჭოს დეპუტატთა კომისიის აფხაზეთში გაგზავნის საკითხები იყო.

აი, ასე.

თვითონ საქართველოს მთლიანობის წინააღმდეგი არიან და სულ უნდათ საქართველოდან გამოყოფა, შენ კი აფხაზეთის სახელმწიფო უნივერსიტეტიდან ქართული სექტორის გამოყოფასაც არ განებებენ და „დასახმარებლად“ მოსკოვიდან ჩამოჰყავთ კომისია. ეს აფხაზეთის სახალხო პოეტმა, სოციალისტური შრომის გმირმა ბავრატ შინკუბამაც დაადასტურა და შეკრებილთ სიხარულით ამცნო, რომ აფხაზეთში ესოდენ ავტორიტეტული კომისიის გამოგზავნის საკითხი გადაწყდა.

ახლა ვნახოთ, ვინ შეიყვანეს ამ ავტორიტეტულ კომისიაში, რომელსაც, წარმოდგენაც კი ჰქონდა, უნდა გადაეწყვიტა საკითხი

იმის თაობაზე, შეიძლება თუ არა თბილისის სახელმწიფო უნივერსიტეტს თავისი ფილიალი ჰქონოდა სოხუმში.

აი, ვინ ჩამოვიდა საქართველოს ზღვისპირა ქალაქში და უნდა აფხაზეთის ასს რესპუბლიკისაგან სახალხო დემოკრატიის მართვის შესწავლას: კრასნოიარსკის სამხარეო საბჭოს აღმასკომის ჩრდილოეთისა და არქტიკის ხალხების განყოფილების გამგე, გაზეთ „იზვესტიის“ საკუთარი კორესპონდენტი კრასნოიარსკის მხარესა და ტუვის ასს რესპუბლიკაში, სსრ კავშირის მეცნიერებათა აკადემიის სლავოლოგიისა და ბალკანისტიკის ინსტიტუტის სექტორის გამგე, უკრაინის სსრ კულტურის მუშაკთა პროფკავშირის რესპუბლიკური კომიტეტის თავმჯდომარე და სსრ კავშირის სახალხო განათლების კომიტეტის თავმჯდომარის პირველი მოადგილე.

მაინც რა დაადგინა კომისიამ?

თბილისის სახელმწიფო უნივერსიტეტის ფილიალად აფხაზეთის უნივერსიტეტის ქართული სექტორის გამოყოფა შეიძლება ჩაითვალოს დროებით ღონისძიებად გასული სასწავლო წლის ნორმალურად დამთავრებისათვის, ხოლო დღეისათვის კი მან თავისი დანიშნულება ამოწურა და პრაქტიკულად არღვევს სასწავლო პროცესს, ხელს არ უწყობს ეროვნული ურთიერთობის განმტკიცებას და საერთოდ „თქვენი“ ფილიალს გახსნა „ჩვენი“ საქმეა და ესეც იცოდეთ.

ელაპარაკე ახლა ამათ.

გააგებინებ რამეს?

ვერა.

ყველაფერს აქვს თავისი საზღვარი, აგრეთვე მოთმინებასაც.

„ჩვენი თავი ჩვენადვე გვეყუდნეს“ უნდა და ამაში ნურავინ, ნურც უნაური და ნურც გარეშე მტერ-მოყვარე ნულარ შეგვეცილება.

ქმარა!

ჩვენ უკვე ვიცანით და ვიცით, ვინ არის მტერი და ვინ მოყვარე.

შინაც და გარეთაც.

მაგრამ, ერთსაც და მეორესაც დახვედრა უნდა. მტერს მტრულად, მოყვარეს მოყვრულად. ეს კი ჩვენზეა დამოკიდებული. შესაძლოა, ამის გამოც სწორედ იმ დღეებში ვიგრძენი პრესისა და მასობრივი ინფორმაციის სხვა საშუალებებით გაჩაღებული ტრადიციული კამპანიის მთელი სიმწვავე და სამიშრობაც: „გიწვევთ სასწავლებლად“. განცხადება განცხადებას ცვლის, მიპატივება მიპატივებას, ტარდება ღია კარის დღეები, იბეჭდება საგანგებო კომისიის წევრების პორტრეტები და ვინ იცის, კიდეც რა სასწავლებლად მიწვეული ყველა.

კი, ბატონო!

კარგი საქმეა სწავლა.

თუ, რა თქმა უნდა, ისწავლი.

მაგრამ არავის არ გავხსენდა და ერთი სიტყვაც კი არ წამოგვედინა იმის თაობაზე, რომ საშუალო სკოლის კურსდამთავრებული ახალგაზრდობა ვილაკამ სამუშაოდაც უნდა მიიწვიოს, მიიპატიოს და კარიც გაუღოს. სოფლადაც და ქალაქადაც. მიწაზე სამუშაოდაც და დაზგასთანაც, რამეთუ ერთი, რომელიც მიწასა და დაზგას მოსწყდება, მისი მომავალი სერიოზული საფრთხის წინაშე შეიძლება აღმოჩნდეს და უთუოდ აღმოჩნდება.

ახლა მაინც. განსაკუთრებით ახლა, როცა სოფლად საკუთრების სხვადასხვა ფორმა მკვიდრდება და მიწის მუდმივი სარგებლობაში გადაცემის პირობები იქმნება. სწორედ ახლა უნდა მიაშუროს ახალგაზრდობამ სოფელს და სოფელში იცხოვროს. საქართველოს სოფლის გარეშე ვერ იარსებებს. ესეც ეროვნული და განმათავისუფლებელი მოძრაობის სამოქმედო პროგრამაა, მაგრამ, სამწუხაროდ, ეს არავის გვახსოვს — არც ფორმალურს და არც არაფორმალურს. სწორედ ის არ გვახსოვს, რაც საქართველოს ეროვნული დამოუკიდებლობის საფუძველთა საფუძველია.

სამაგიეროდ, ბევრს ვწერთ და ვლაპარაკობთ, ეროვნულ პარლამენტზე. უსაშველო რაოდენობის სხვადასხვა კომისიაც, შეიქმნა, მაგრამ რად გინდა ეროვნული შემოსავლის გარეშე დარჩენილი უმიწაწყლო პარლამენტი, თუ მას ქალაქისა და საწერკალმის მეტი აღარაფერი დარჩა.

ილია:

— ბევრი რამ გვაკლია ჩვენ, ქართველებს, მაგრამ ყველაზე დიდი ნაკლი ის არის, რომ ჯერ-ხანად არ ვიცით საზოგადო საქმეს როგორ მივცეთ მხარი, როგორ მივუაროთ, როგორ ვუპატრონოთ.

ეს თუ ვისწავლეთ, რაც გვაკლია, ის თუ შევივსეთ და შევიძინეთ, მაშინ ვერავინ და ვერაფერი ვეღარ დაგვამარცხებს.

სამშობლოსადმი ნაღდი სიყვარულით გამსჭვალული კაცია უძლეველი და გამარჯვებული.

ოთარ ჭინჭლაძე.

ვაზის უკველასი ანახავალი

ვაზი ჩვენი პლანეტის უძველეს მცენარეთა ჯგუფს მიეკუთვნება.

საქართველოში ვაზის მრავალი ჯიშის ხარობს და ქართველი ხალხი უძველესი დროიდან მისდევს მევენახეობას. საგულისხმოა, რომ ვაზის, როგორც უძველესი მცენარის დამატარებელი უტყუარი საბუთები, საქართველოშია მოპოვებული, ერთი მხრივ, ქისათიბის დიატომიტის საბადოს ქანში და მეორე მხრივ, ეგრეთწოდებულ გოდერძის წყებაში (გოდერძის ვადასასვლელი).

ახალციხის რაიონში არსებული დიატომიტის საბადო, სადაც მოპოვებულია ვაზის ლერწისა და ფოთლების ანახველები, მესამეული პერიოდისაა და ათი მილიონი წლით განისაზღვრება. რაც შეეხება გოდერძის წყებას, ისიც მესამეულ პერიოდს ეკუთვნის. მაგრამ დიატომიტის საბადოზე უფრო ძველია და 15 მილიონი წლით განისაზღვრება.

რადგან ქისათიბის საბადო შემოგვიანხა ჩვენთვის საინტერესო ვაზის ანახველები, ბუნებრივად საინტერესო ხდება თვით დიატომიტის საბადოს ისტორია და დიატომიტის. როგორც ქანის წარმოშობა.

დიატომიტის სახელწოდება დაკავშირებულია ერთუჯრედოვან წყალმცენარე დიატომეასთან, რომლის უჯრედის გარსს კაჟის ჯავშანი აკრავს. დიატომეას უჯრედის გარსის ნაშთებს ეწოდება დიატომიტი, ის არის დანალექი ქანი და გარეგნულად ჰგავს ცარცს.

დიატომიტი ცუდად ატარებს ბგერასა და სიბზოს, ამიტომ გამოიყენება საიზოლაციო მასალად.

დიატომიტმა დიდი გამოყენება პოვა როგორც სამშენებლო მასალად.

საზღვარგარეთ დიატომიტის უდიდესი, აგრეთვე მესამეული ასაკის საბადოები მოპოვება ცენტრალურ კალიფორნიაში (აშშ) და ალჟირში.

საქართველოს დიატომიტის საბადო საქვეყნოდაა ცნობილი მესხეთში. ერთუჯრედის ჩრდილო-დასავლეთ ნაწილში ქისათიბის დიატომიტის სახელით.

აი, როგორ ახასიათებს აკადემიკოსი ალექსანდრე თვალტრელიძე ქისათიბის დიატომიტს: „დიატომიტი, რომელიც მესხეთში (ქისათიბში) მოპოვდება, თავისი ღირსებით კალიფორნიის საუკეთესო დიატომიტს კონკურენციას უწევს“.

როგორც ირკვევა, ქისათიბის დიატომიტით საინტერესებულან მე-19 საუკუნის ბოლოს, ხოლო საბადოს შესწავლა და სამრეწველო ათვისება იწყება 1926 წლიდან.

საბადოს გეოლოგიური ძიება კი დაიწყო 1946 წელს გეოლოგიურმა სამმართველომ. გამოთვლილი და დამტკიცებულია ქისათიბის საბადოს მაღალხარისხოვანი, მათ შორის უნიკალური თეთრი სახეობის დიდი მარაგი.

მართალია, გეოლოგიური წელთაღრიცხვის განსაზღვრა მიახლოებითია, მაგრამ ეს არ ნიშნავს, რომ ამა თუ იმ ქანის ასაკის დადგენა არ ხერხდებოდეს. ამაში დიდ როლს ასრულებს ქანებში ნახული ფაუნისა და ფლორის ანახველები.

როგორც ზემოთ აღვნიშნეთ, დიატომიტის საბადოები საერთოდ, და კერძოდ, ქისათიბის საბადოც, მესამეულ პერიოდს განეკუთვნება. ამდენად ქანში ნახული ვაზის ანახველის ასაკიც ამის მიხედვით უნდა განისაზღვროს: ქვედა პალეოგენი და ზედა ნეოგენი. პალეოგენი ანუ ქვედა ნაწილი მესამეულის შედარებით ძველი დროა, ხოლო ნეოგენი ანუ ზედა კი შედარებით ახალი. თვით ნეოგენი კი თავის მხრივ ორ ეპოქად იყოფა: მიოცენური და პლიოცენური.

ქისათიბის დიატომიტის საბადო მიეკუთვნება პლიოცენურ ეპოქას. მსოფლიო და საბჭოური გეოლოგიური ქრონოლოგიით პლიოცენური ეპოქა განისაზღვრება 9 მილიონი წლით, თუ ამას დაუშვებთ მომდევნო მეოთხეული პერიოდის ხანგრძლივობას — ერთ მილიონ წელს, მაშინ ცხადი ხდება, რომ დიატომიტის საბადო დღევანდელიდან დაშორებულია 10 მილიონი წლით.

გეოლოგიურ მეცნიერებაში ფაუნისა და ფლორის ანახველებს ნალექების ასაკის განსაზღვრისათვის გარკვეული მნიშვნელობა აქვს, რადგან ძველი ეპოქის ნალექებში უფრო მდიდარია ფლორისა და ფაუნის ანახველები და ისინი თანამედროვე სახესხვაობებს უახლოვდებიან.

მინდა აღვნიშნო, რომ 1967 წელს დიატომიტის ქანში ნაპოვნი ვაზის ანახველის შესახებ ვაცნობე აკადემიკოს ნიკო კეცხოველს, რომელმაც მერე ეს ფაქტი მხატვრულად აღწერა თავის წიგნში „არსიანიდან მოვლივარ, მომიხარია“. მომყავს ნაწყვეტი ამ წიგნიდან:

„...აი, ამ პატარა დარბაზში გვაქვს ის მცენარე, რომელიც დიატომიტმა შემოგვიანხა ანახველების სახით. ესაა სხვადასხვა მცენარის ფოთლები, ყლორტები, ნაყოფი. ტბაში ჩამდინარე წყალს მოჰქონდა დიატომეა და ილექებოდა ტბის ფსკერზე, თან მოჰქონდა აგრეთვე მდინარის პირას მოზარდი მცენარის ფოთოლი, ნაყოფი და ყლორტი. ისიც აქ ილექებოდა. ეს

სწორედ ასეთი ანახველებია. როგორც ხედავთ, ცოტა არ არის...“

— ეს ვაზის ფოთოლი არაა? — მარტინაშვილი თხა გვიმ, რომელიც ვაზის ფოთლებს ანახველებს ჩასცქეროდა.

— სწორედ!

— განა აქ ათი მილიონი წლის წინათ ვაზი ხარობდა?

— ამაზე დამაჯერებელ საბუთს ვერ ნახავ, აი, მეორე კარადა მთელი ლერწის ანახველია...“

საქართველოს ტერიტორიაზე აღმოჩენილი ვაზის ფოთლებისა და რქის (ლერწის) ანახველები, რომელიც სათუთად შემოგვინახა მესხეთში მდებარე ქისათიბის დიატომიტის საბადომ, ბუნებრივია, გვაფიქრებინებს მესხეთის მიწაზე უძველესი ვაზის გავრცელების არეალზე. ასევე უნდა ვივარაუდოთ, რომ ქისათიბში აღმოჩენილ ვაზს წინამორბედი ეყოლებოდა საბადოს შემოგარენშიც.

ამ მიმართულებით ძიების ყველა გზას გოდერძის უღელტეხილის მიდამოებში მივყავდით, რომელიც ადიგენის რაიონშია, ქისათიბის დიატომიტის საბადოდან ორმოცდაათამდე კილომეტრზე.

დიდი ხანია, გოდერძის უღელტეხილის მიდამოებში, პატარა მდინარე ძინძეს ორივე მხარეს სპეციალისტების ყურადღება მიიქცია გეოლოგების მიერ კარგად შესწავლილმა ეგრეთწოდებულ — გოდერძის წყების ვულკანურ ქანებში შემონახულმა „გაქვავებულმა ტყემ“.

პალეობიოლოგებმა შეისწავლეს ფოთლოვანი, წიწვიანი და სუბტროპიკული მცენარეების — მუხის, თელის, წიფლის, ფიჭვის, ნაძვის, სოქის, პალმის, ბზის გაქვავებული ნაშთები.

ამგვარად, ძიებამ გოდერძის უღელტეხილის მიდამოებში მიგვიყვანა და ნასოფლარ ძინძეს სახლოვებს გოდერძის წყებაში გასაოცარი ნიმუში შემოგვთავაზა.

სამხრეთისაკენ დახრილ, გაშიშვლებულ ქანებში შორიდანვე შეინიშნება მოყვითალო ფერის გაქვავებული ხის საკმაოდ სქელი, გადახრილი ნაწილი. იგი, ერთი შეხედვით, გარეგნულად ვაზს უფრო ჩამოჰგავს, ვიდრე სხვა რომელიმე მცენარის გაქვავებულ ნაწილს.

როგორც მოსალოდნელი იყო, ნიმუში ამოღებისთანავე ჩამდენიმე ნაწილად გაიყო სიგრძეზე მასში არსებული ბზარების გამო. გაქვავებული ხე გიგანტური ვაზის ღერო (შტამბი) აღმოჩნდა.

გოდერძის წყებაში ვაზის ღეროს ნაპოვნმა ნიმუშმა დაგვიდასტურა, რომ საქართველოს ტერიტორიაზე დაახლოებით 15 მილიონი წლის წინათ საკმაოდ დიდი ზომის ვაზიც ხარობდა.

გიგანტური ვაზი არც თანამედროვე პირობებში აკლია საქართველოს მიწა-წყალს. მათი სახეობები გვხვდება ხერთვისისა თუ ხიზაბავრის ტერასებზე, ხოლო ადიგენის რაიონის სოფელ სმადამი გიგანტური ზომის ვაზის ასაკი სამ საუკუნეს უახლოვდება.

მაშასადამე, ერთი მხრივ ქისათიბის დიატომიტის საბადოში მოპოვებული ვაზის ფოთლისა და ლერწის ანახველები, რომელთა ასაკი 10 მილიონი წლით განისაზღვრება და, მეორე მხრივ, გოდერძის წყებაში ნახნი ვაზის ღეროს ნიმუში, დაახლოებით 15 მილიონი წლისა, უფლებას გვაძლევს ვივარაუდოთ, რომ ვაზის სამშობლო საქართველო უნდა იყოს.

დავით ხანდაუვილი,
ბიოლოგი

კულა კული სულა სული

ხ ი დ ი

ილია რუხუა



ქუთაისის გუბერნიის ებრაულ თემთა სულიერ მამებს დანიელამ უჩვეულო საფიქრალ-სადარღებელი გაუჩინა. აღებმციემობით, ცხოვრების მამა-პაპური წესისადმი ერთგულებით ცნობილი ოჯახის შვილს ნამდვილად მხარი ექცა. არა, ამ ლაზათიან, წარმოსადეგი გარეგნობის ახალგაზრდა კაცს არც მოსეს სჯული დაუგდია, არც სინაგოგის გზა დავიწყნია და არც თალმუდის შეგონებანი. უბრალოდ, იშვიათადი ლამაზი და ძლიერი ხმის პატრონი, სხვათა ჭკუაზე გადავიდა, ოჯახზე ლამის გული აიყარა, ვაჭრული მოდგმის კაცისათვის მიუტევებელი მკრეხელობა — ფულის დაუღვევად ფანტკა დასჩემდა. დღეს ქუთაისელი ერისთავებისა და მიქელაძეების სუფრაზე რომ ღიღინებდა, ხვალ ზუგდიდში ამოყოფდა თავს დადიანებთან, ზეგ — სენაკელ ჩიჩუებთან, მას ზეგ — ბანძელ ფალავებთან ან ანჯაფარიძეებთან, ხან კიდევ სულაც არავინ უწყოდა მისი ასავალ-დასავალი.

არადა, თავიდან საამისო არაფერი ეტყობოდა დანიელას. სხვა ებრაელი ბიჭებივით აღრიდანვე დაიწყო ტრიალი მამის პატარა დუქანში, ნელ-ნელა ეუფლებოდა აღებმციემობის საიდუმლოებებს, ზოგჯერ სოფლებსაც ჩამოივლიდა უფროსების დავალებით, რომ ნისით წაღებულ ფართლის ფულის გადახდა შეეხსენებინა ზოგიერთებისათვის. სიჭაბუკეში შესულს, მრავალმა ებრაულმა ოჯახმა დაადგა თვალი სასიძოდ. ხელიდან არ უშვებდნენ ღვინისა და ქორწილში მისი დაპატიჟების შესაძლებლობას. გლეხური ოჯახების ხშირი სტუმარიც გახდა, ბოლოს აღარც თავად-აზნაურები თავილობდნენ მასთან ერთად ქეიფს.

ცხოვრებით განებივრებული ადამიანების წრეში დანიელა, პირველ ხანებში, თავს რამდენადმე შებოქილად გრძნობდა, მაგრამ მალე თვალსა და ხელს შუა შეიცვალა: ნამდვილი დარღმინანი გახდა, მიხვრა-მოხვრით, სიტყვა-პასუხითა და ჩაცმულობით თავადიშვილებში ვერც გამოარჩევდით. ოღონდ ეს იყო, ტანზე კოხტად მომდგარ ჩოხაზე ხმლისა და სატევრის შემორტყმას ერიდებოდა, ემანდ რაიმე შარს არ გადავეყაროთ. არადა, მართალი იყო. რამდენი ტკბილი პურობა და ღვინო ახსოვს, სულ პატარა წალაპარაკების გამო მიწვევ-მოწვევითა და ხანჯლების ტრიალით რომ დამთავრებულა.

მოსეს სჯულის ვუშავნი ვერაფრით შეგუებოდნენ იმას, რომ მათმა საიძედო დანიელამ არშინი ყანწებზე გაცვალა, კალათებგადაკიდებული ჯავლაგი — ურა ცხენზე, ქათამ-ინდაურებსა და კვერცხებზე გროშების მოსაგებად ეზო-ეზო ხეტიალი — თავქეიფა ხალხთან პარი-პარალესა და დროის ტარებაზე. ისიც კი ეჩვენებოდათ — ებრაულ ნაღვლიან სიმღერებზე უკეთ ქართული სუფრულები და სატრფიალო-

ები ეხერხებოდა. მომღერალთა შორის მომღერნებიც კი გაუჩნდა, მაგრამ თავს ზემოთ ძალა არ იყო. მხოლოდ ბონდო მიქელაძე და კაკურია ფალავა არ უღებდნენ ტოლს. სამივე ერთად რომ მოიღერებდა ყელს სუფრაზე, იმათ მოსმენას არაფერი სჯობდა. სხვები, უბრალოდ, პირში წყალს იგუბებდნენ ან საერთო ბანის მიცემას სჯერდებოდნენ. აღიარება ებრაელ კაცს სახუმარო სიმღერითაც დაუდასტურეს:

„დანიელა ურია ჩვენი რამ გაურია...“
მოხდა ისე, რომ დანიელას ქუთაისის გენერალ-გუბერნატორმაც მოუსმინა ერთხელ. ეს შემთხვევა დაკავშირებული აღმოჩნდა ინციდენტთან, როცა ცნობილ დარღმინანდ ბარამ ჩიჩუას ბანძაში ერთი მაღალი რანგის ჩინოვნიკი შემოელახა. მკაცრი სასჯელისაგან ქართველი გოლიათის დახსნა ღიდად გავლენიანმა კოკი დადიანმა და მექი ფალავამ იკისრეს.

ოდესღაც პეტერბურგის სალონების სული და გული, პირველი მოქეიფე და ამკლები, მოულოდნელად გაუხალისებია ქართველ დიდებულთა ნაამბობს — მაგ კაცზე ბევრი რამ მსმენია, ერთი მანახვეთო. ბარამ ჩიჩუა ჯაბანი კი არ იყო, მსჯავრს სამალავში დალოდებოდა, იქვე მჯდარა, მისაღებში. შუა კაბინეტში ნაქალაქევის ციხის გოდოლივით აღმართული ვაჟკაცის დანახვაზე გუბერნატორს პირი დაუღია — ჩემს გუბერნიამი ასეთი კაცი თუ მყავდა, აქამდე რად მიმალავდითო.

საქმის კეთილად დამთავრების აღსანიშნავი სუფრის გამო ბარამის გადაბმულ ძმაკაცს ბუკულა მიქელაძეს უყისრია. ამ ტყვიერულ მემამულეს მდიდარი კაცის სახელი ჰქონდა გავარდნილი, თუმცა მთელ მიწებს უკვე გამოთხოვებოდა. ბოლო ხანებამდე ერთადერთი, რაც კიდევ შერჩენოდა, სანაქებო კარ-მიდამო იყო და ისიც ცეცხლმა გადაუბუგა. ხმა გაუვრცელეს — თვითონ დასწვოდა, მაგრამ დამზღვევი კამპანიის მიზეზიანმა ავენტურმა შარის მოსადები ვერაფერი გამოუჩხრიკეს და გერბიანი პოლისის პირობით აღთქმული ოქროები სულ კაკალ-კაკალ ხელში ჩაუთვალეს. უმამულოდ დარჩენილი მემამულე, საბოლოოდ, ქუთაისში გადმოვიდა და უკანასკნელი ოქროების ჩვეული ხელგამლილობით ფანტკას შეუდგა. საკუთარი საფირმო, მონოგრაფიანი პაპიროსიც კი გაიჩინა.

მა-ა-შ! იცოდა ქართულმა თავად-აზნაურობამ მამულების ქარისათვის გატანება და თვალში ნაცრის შეყრა!..

სწორედ ბუკულას ნაქებ სუფრაზე გამოუჩენია თავი დანიელას, თუ გამოუჩენია. სიმღერის ეზში შესულს, ალაბივის „ბულბული“ რომ ჩაურაკრავებია და ზედ ბოშური რომანსებიც მიუყოლებია, გულაჩუყებულ გენერალ-გუბერნატორს ებრაელი მკერდშიც კი ჩაუკრავს.

დანიელა მარტო თავისი უჩვეულო ხმით როდი ინადირებდა ადამიანის გულს. არც

ვაჟკაცობითა და სულიერი ღირსებებით უღებდა ტოლს ვისმეს. მის ვაჟკაცობაზე ხალხი განსაკუთრებით ალაპარაკდებოდა. ბანძაში ლთა მშვენიერების — მარიამ დანდანიას ქორწილის შემდეგ. მაყრონს, რა თქმა უნდა, დანიელაც ახლდა, მაგრამ კინაღამ სირცხვილში ჩავარდა, თანაც ერთი თავისი ძველი პატივისმცემლისა და თანამოინახის მიზეზით.

ცხენზე ამხედრებული ებრაელის დანახვაზე ბარამ ჩიჩუა, რატომღაც, თოფის წამალივით აფეთქებულა — ეგ უიარალო კაცი რაღას ამომიყენეთ გვერდზეო. ჩვეოდა ამ კაცს ამგვარი მოულოდნელი ახირებანი. მეტი რა გინდათ, ერთხელ ქუთაისში, რომელიღაც ოჯახში ნაადრევად დაქვრივებული გურიელის უმწვენიერესი ასული გაუცვნია და ისე მოხიბლულა, იმ ღამესვე მოუტაცებია. კეკელა ახალგაზრდა ქალი, რომლის თვალთა მომნუსხავმა ყუყუნმა სენაკელი ვაჟკაცი ცვილივით დაადნო, ახლა სალ კლდედ ქცეულა — ჩემი გული უკვე სხვას ეკუთვნის და ვერ გამოგყვებითო. ვაწილბულ, მაგრამ უზომოდ თავმოყვარე ბარამს ქალი თითდაუკარებლად უკანვე გაუბრუნებია და აღთქმა დაუღვია, რომ ცოლს არასოდეს შეერთავდა. სიტყვა მართლაც აღარ გაუტეხნია, თუმცა მას შემდეგ გულდარდიანობა და მოულოდნელი სიფიცხე დასჩემებია...

— ან ამ კაცს აასხით იარაღი, ან თქვენთან წამომსვლელი არა ვარ! — კვლავ ამორგებულა ბარამი და ცხენი ყალყზე შეუყენებია. ყველანი დაბნეულან, მაგრამ ბოლოს ვიღაცას აივინიდან დაუძახნია — ახლავე კაცია ფალავას ხმალს ჩამოვხსნით კედლიდან და ჩამოგირბენებოთო. ამაზე პატარძალის ძმა კაკურია გამხდარა დასაბმელი — რუხის ციხესთან სახელოვნად ნაქნევ პაპაჩემის ხმალს ვაჭრების ჩამომავალი კაცის წელზე რა უნდა, ღმერთი არ გაგიწყრეთ, ხელი არ ახლოთო.

პირგამშრალი მაყარი ისევე თემის უხუცესს აბრამა აჯიაშვილს გამოუყვანია მდგომარეობიდან — არც ისეა საქმე, ხმალიც გვეშოვება, სატევარიც და დამბაჩიცო. ვიღაც ბიჭი უფრენია შინ და დანიელასათვის ისეთი ძვირფასი, სულ ოქრო ვერცხლით ქარქაშაწყობილი ხმალი შემოურტყამთ წელზე, ყველას თვალი ზედ დარჩენია. ამ ხმლის დანახვაზე რომელიღაც თავადს სახეზე ფერ-ფერი გადასვლია, მაგრამ აბრამა ბიბლიურ მოსეს მარტო წვერებით კი არ ჩამოჭავდა. განა იმისი კაცი იყო, წმინდა ვაჭრული საიდუმლო გაემქლავნებინა და ხმლის დამვირავებლისათვის საქვეყნოდ თავი მოეჭრა?!

ბარამ ჩიჩუა კიდევ ერთხელ ახირებია დანიელას, ამჯერად ჩაჩხვებთან. მაყრებთან გამოსათხოვარი სუფრა გათენებისას ასწლოვანი მუხის ძირას რომ გაუშლიათ და ებრაელ მომღერალს ხმა ტოროლასავით ცაში აუფრენია, თავადს მერქიფესათვის უბრძანებია — მარტო სიმღერა რას მიქვია, მაგ ყმაწვილს ღვინო ჭიქით მაინც მიართვით, ნეფე-პატარძალი გვიდღეგრძელოსო. დანიელას შორს დაუჭერია — ებრაელებს მარხვა გვაქვს და ვერ გავტეხავო. ისე ვატენ, როგორც დამიბარებიაო, დაუყინია ბარამს. დანიელსაც ფეხი მაგრად გაუდგამს. მაშინ ჩიჩუას ქისიდან ოქროს თუმბიანი დაუძვრია და ღვინით საკსე ჭიქაში ჩაუტურებია — ახლავე ნახავთ, თუ არ დაღვესო. მომღერალ ვაჟკაცს ღირსეული სიტყვა უბრძანებია: ებრაელი კი ვარ, მაგრამ სულს ოქროზე არ ვყიდო.

თ

თავადს კიდევ ორი ოქრო შემოუვლია თავზე — მერიქიფევი, ეგ ჭიქა ცოტა ზევით ასწიე, მზეს კარგად დაახახვეო.

ქარვისფერი ღვინით გაპიბინებულ გათლილ ბროლის ჭიქაში ნაპერწკლების ფრქვევით ჩაივლივებული, გამდნარ ოქროსავით ალუბული, ქაერის ბუშტულუბით დაცვარული მონეტები თვალის მომჭრელად აკიაფებულან მზეზე, მაგრამ დახილა უფრო გაჩქებულა:

— რჯულის მადლმა, არა!

ბარამ ჩიჩუა ამგვარ ურჩობას ნახვევი არ იყო, ხელი სატევრისაკენ გაქცევია:

— ან ეგ ჭიქა, ან სისხლი!

— აკი მოგახსენეთ, თავადო, არ დავლევ-მეთქი!

ბარამისაგან კბილების გაკრაჭუნება ცუდად ჰქონიათ დაცდილი. რაღაც უბედურების მომასწავებელი სიჩუმე ჩამოწოლილა... და უცებ, ყველასათვის მოულოდნელად, წრეში შემოსულმა პატარძალმა, თურმე, მერიქიფევის ხელიდან ააცალა ჭიქა, ფოფინა ხელისგულზე დაიღო, მშვიდი ღიმილით გასხივოსნებული მზერა ირგვლივ შემოატარა, და ბოლოს, მარჯვენა კაკურთასკენ გაიშვირა. ძმა უმალ მიუხვდა, ერთი ნახტომით დასთან გაჩნდა და ხელი ჯიბეზე გაიკრა.

ჭაბუკ ფალავას სხვებმაც მიბაძეს.

გაპიბინებული ჭიქიდან ოქროს მონეტებით გამოდევნილი ღვინო თანდათან პატარა ტბად შეგუბდა პატარძლის ვარდისფერ ხელისგულზე, შემდეგ თითებს შუა გაძვრა და დილის ნიავის ფრთებს მინდობილი, მტვერივით გაიბნა პაერში. თვალსა და ხელს შუა ოქროს ზოდად ქცეული ჭიქა, ერთ დაქვეით თვადის ოჯახს ფეხზე რომ დააყენებდა, პატარძალმა ებრაელს გაუწოდა:

— გამომართვი, დანიელ, ღმერთმა სიკეთეში მოგახმაროს!

მომღერალი უმალ მარიამის წინაშე დაცა მუხლზე. მის თეთრად მოქათქათე კაბის კალთას ეამბობრა, კვლავ ფეხზე წამოდგა და ამოიღალდა:

— ფალავას ასულო, ღმერთსა და ჩემს შორის ჩადგომა რაკი ინებე, შეცოდებისა აღარ მეშინია! — ჭიქა ტუჩებზე მიიყუდა, შიგ ჩარჩენილი ნაუკური სულის ერთი მოთქმით, ხარბად გამოსრუტა, შემდეგ ხელისგულზე გადმოპირქვაებული ცარიელი ჭიქა შორს მოისროლა, ოქროებით სავსე მუშტი მალა შემართა და დასჭექა, — დღეის სწორს ყველანი ჩემი სტუმრები ხართ!.. ახლა კი ტაში თქვენს დანიელას!..

ერთბაშად აყიჟინებულმა ხალხმა საცეკვაო დასცხო და ბედნიერებით სახეგაბადრულმა ებრაელმა მკლავები ლაღად გაშალა.

თითქმის საუკუნე ვაშორებს ამ ამბებს. თითქმის დაცარიელდა ებრაელობისაგან კულაშისა და ბანძის, სენაკისა და საჩხერის თემები. საქართველოს სიყვარული სიყვარულად, მაგრამ მაინც თავისი გაიტანა ისრაელის შვილთა პირველდამადებული მიწის იღუმალმა ძახილმა.

არ ვიცი, ვერ მიგასწავლით იმ კაცის საფლავს, რომელიც საქართველოს სიმღერებად უფრქვევდა სიყვარულსა და მადლიერებას. სამუდამოდ ჩამდნარა დანიელას ხმა ჩვენი ცის სივრცეებში, მაგრამ დარჩა მისი ხსოვნის გადამრჩენი ეული სიმღერა, რომელსაც დღესაც წაიღიღინებს ვინმე შექვიფიანებული კაცი იმერეთისა თუ სამეგრელოს ორღობებში.

ერჯოლის რაიონში თუ იკითხავთ იონა კვიმსაძეს, უმალ გიპასუხებენ: ეს ის კაცია ქვის „ენა“ რომ იცის და თავის მოწაფეებსაც უმურველად აზიარებს მისი სიმფონიის მშვენიერებასო. მერე გაგიძღვებიან კაპიტანი ბუხაიძისა თუ გამარჯვებული ჯარისკაცების კვარცხლბეკისაკენ, მისი ხელით რომაა გამოკვეთილი (სკულპტურის ავტორი გურამ კვიმსაძე).

— ქართული ხუროთმოძღვრება ბიზანტიური ან სხვა რომელიმე ქვეყნის ხუროთმოძღვრების განშტოება კი არ არის, არამედ დამოუკიდებელი, თვითმყოფი, ეროვნული ნიშნების მატარებელი ხელოვნებაა, — ასწავლის იონა კვიმსაძე თავის მოსწავლეებს. როგორ არ ირწმუნონ ეს მათ, როცა თვალნათლივ უყურებენ მშობლიური რაიონის ცენტრსა და შესასვლელში ქვის ნაგებობაზე საჭრეთლით შესრულებულ პანოს, ნატურმორტს, ოთხი ძმის ქუჩაზე დადგმულ ნიშანსვეტს, — მისი ხელით გაცოცხლებულ მრავალ ქართულ ჩუქურთმას, ორნამენტს...

თეორიულ მეცადინეობას პრაქტიკული ჩვევების ჩამოყალიბების პროცესი ცვლის, მასწავლებელი მოსწავლეებს დაწვრილებით აცნობს და უჩვენებს ქვის ნაკეთობათა ტექნოლოგიურ თანამიმდევრობას.

როცა კაცი ძიებით ცოცხლობს, საფიქრალს რა დაუღევს. ქვის დასამუშავებლად საგანგებო ინსტრუმენტებიც კი შექმნა, მისი მომარჯვების ნაირგვარი ხერხებიც შეიმუშავა.

იქნებ ზოგმა ეჭვის თვალითაც კი შეხედა მეოცნებე შრომის მასწავლებელს ქვის ორიგინალური ტექნოლოგიით საწარმოო ნარჩენების საშენ მასალად ქვევის იღვარა რომ დაეხადა, მაგრამ ვილას რა ეთქმოდა, როცა სიტყვა საქმედ იქცა.

ეკლარის ქვის საშენ მასალათა კომბინატის საწარმოო ნარჩენებისაგან მოსწავლეები საშენ ფილებს ამზადებენ, მერე კედლის აყვანასაც ცდიან...

საშენი ფილებისა და ბლოკების დამამზადებელი საამქროს დაარსების აუცილებლობაზე საკითხიც დააყენა. მან ჩაუყარა საფუძველი სასკოლათაშორისო სასწავლო-საწარმოო კომბინატში მწარმოებლურ შრომას. სწავლების ერთ-ერთი პროფილი აქ ქვის მხატვრული დამუშავებაა.

...წასულა ომში სოფელ ჭოგნარიდან დედისერთა ბიჭი. იგი გმირულად დაცემულა ბრძოლის ველზე. დედა გარდაიცვალა. იშლებოდა უპატრონოდ დარჩენილი სახლი, დავიწყების ბურუსში ეხვეოდა ერთი ჩვეულებრივი, სამშობლოსათვის თავდადებული ახალგაზრდა კაცის სახელი.



რამდენი ჰყავდა სოფელს კიდევ ამგვარი... და ერთი ჯარისკაცის სახლი იონა მასწავლებლის ინიციატივით შინმოუხსვლელი ჯარისკაცის სახლმუხეუმად იქცა...


პატრიოტული აღზრდაო, ადამიანური სითბოს და სიყვარულის, მისი დაფასების გრძობის გადაცემა მოსწავლეებისთვისო, იტყვიან... რაც იმ სახლ-მუხეუმმა ხმაურისა და ჭარბსიტყვაობის გარეშე გააკეთა, თაობებს ეყოფა.

ღიახ, ცხოვრობს ერთი სულით შემოქმედი კაცი მშობლიურ რაიონში და უხმაუროდ, თავმდაბლად აკეთებს დიდ საქმეს.

ოთარ ვახტანგაძე

ქვის ენა იშვის...





ანასტას მიქოიანი სტუპრადა მეგობრებთან. უცრად კო-
კისპირული წვიმა წამოვიდა. მიქოიანი ფანჯარასთან მივიდა და
შემდეგ სასწრაფოდ დაემშვიდობა გაოცებულ მასპინძლებს.
„როგორ უნდა წახვიდეთ, ქუჩაში ხომ თქვენი? — ეკითხებიან
მას მეგობრები. — გარეთ თავსხმა, თქვენ კი ქოლგაც არ მი-
გაქვთ!“ ანასტასი იღიმება და უპასუხებს: „არაფერია, მე ნა-
კადსა და ნაკადს შუაღვ გავეძვრები“.

გაძვრა კიდევ.
იცის კაცმა თავისი საქმე

ოჯახში ხელოსანი გამოიძახეს. ზამთარი ახლოვდებოდა,
რამდენიმე რადიატორი კი დაზიანებული იყო. ხელოსანმა ყვე-
ლა რადიატორი ყურადღებით შეამოწმა, მერე კარგა ხანს
იფიქრა და მოთმინებადაკარგულ დიასახლისს მოულოდნელად
მიახლა: „არა, ქალბატონო, აქედან არაფერი გამოვა, მთელი
სისტემაა შესაცვლელი“.

მალალ ინსტანციაში თათბირი ტარდება. კაბიტალური და-
ბანდებების საკითხი იხილება. განაცხადები დიდია, მაგრამ ბო-
ლოს ირკვევა, რომ თანხები არა ჰყოფნით. „კი მაგრამ, რაღას
ვთათბირობდით, ან ამდენი დრო რატომ დავკარგეთ?“ — ჩი-
ლაპარაკა ერთმა. ჩუმად ნათქვამი მეორემ მაინც გაიგონა და
ისევ ჩურჩულით განუმარტა: „დრო ფულია. ფული არა
გვაქვს. ვხარჯავთ დროს“.

დრო მოვიდა და მამა, რომელიც თითქმის მთელი თავის შეგ-
ნებული ცხოვრება სახელმწიფო უშიშროების ორგანოებში მუ-
შაობდა, ბოლოს და ბოლოს, პენსიაზე გავიდა. შვილი, მამი-
საგან „წარმოებაში“ დარჩენილი საქმეები რომ მიიღო, გაეც-
ნო მათ და მამას ეუბნება: „მამილო, ეს რა საქმეებია, თხუთ-
მეტი წელია ჩაპკირკიტებ და ვერ დაგიმთავრებია? მე აგერ
გავეცანი და დავხურე კიდევ“. „ყოჩაღ, შვილო, — გამოეპა-
სუნა მამა — მაგ საქმეებით მე აგერ თხუთმეტი წელია პურსა
ვკამ და ოჯახს ვარჩენ, შენ კი გაეცანი და დახურე კიდევ?“.

მ

სოფლის მრავალრიცხოვან ტერორისტულ ორგა-
ნიზაციას შორის, რომლებიც ამჟამად მოქმედებენ,
არის ბასკების ორგანიზაცია, „ეუსკალი ტა ასკატასუ-
ნას“ („ბასკეთი და თავისუფლება“), შემოკლებით —
ეტტა.

გასულ წელს, 19 ივნისს, ბარსელონის მუშათა კვარტალ-
ში, სან-ანდრეს საავტორო ცენტრში ჩვეულებრივი საქმიანი ატ-
მოსფერო სუფევდა, როდესაც მოულოდნელად აფეთქდა
ბომბი. ამ აფეთქებამ 18 ადამიანის სიცოცხლე შეიწირა. თუ-
კი სტატისტიკას ვაყვებოთ, 1988 წელს კატალონიაში ეს რი-
გით მეცხრე ტერორისტული აქტი იყო.

ადგილობრივ ტერორიზმს ფესვები წარსულში აქვს ვადგ-
მული. დამოუკიდებლობისათვის ბრძოლამ ბასკებს 1936 წელს
ავტონომია მოუტანა, მაგრამ იგი, როგორც მოვლენათა გან-
ვითარებამ ცხადყო, დროებითი აღმოჩნდა. მომდევნო წლის
ივნისში ფრანკოს ჯარის ნაწილები ბასკთა ახალგაზრდა რეს-
პუბლიკაში შევიდნენ. ადგილობრივმა მოსახლეობამ მათ მედ-
ყარი წინააღმდეგობა გაუწია. მაშინ ფაშისტურმა რეჟიმმა
ბასკთა გენოციდი წამოიწყო. ამას მოწმობს ქალაქ ვერნიკის
ტრაგიკული ისტორია. 1938 წელს ფრანკომ ბასკეთის ორი
პროვინცია „მოლაღატე პროვინციებად“ გამოაცხადა, აკრძა-
ლა ბასკური ენა. ბასკი ხალხის ყოველგვარ მოწოდებას თუ
მოთხოვნას ფრანკოს რეჟიმი რეპრესიებს უპირისპირებდა —
ხალხის წინააღმდეგ გამოდიოდა პოლიცია, იუსტიცია, გვარდია...

სწორედ ასეთ ვითარებაში, 50-იანი წლების ბოლოს, ბასკ-
მა სტუდენტებმა შექმნეს ორგანიზაცია — ეტტა, რომლის მი-
ზანია ბასკი ხალხის თვითგამორკვევა და ავტონომიის დაბ-
რუნება.

ფრანკოს რეჟიმის სისასტიკემ, უცხოეთში მყოფი ბასკი ბურ-
ჟუაზიული ნაციონალისტების პოზიციამ და წვრილბურჟუაზი-
ულ-ანარქისტულმა გავლენამ ეტტა რადიკალურ ორგანიზაციად
აქცია. 1968 წელს თავისი ერთ-ერთი წევრის დახვრეტას ეტტამ
შურისძიებით უპასუხა — მოკლეს პოლიციის ოფიცერი.
ეტტას ტერორისტულ აქციათა შორის ირიცხება 1973 წელს
ფრანკოს მემკვიდრისა და მთავრობის მაშინდელი მეთაურის კა-
რერო ბლანკოს აფეთქებაც.

1975 წელს დიქტატორის გარდაცვალებამ და ესპანეთში
ბურჟუაზიული დემოკრატიის დამყარებამ გარკვეული კო-
რექტივები შეიტანა არსებულ სიტუაციაში. 1979 წელს ბასკე-
თის რეგიონმა შეზღუდული ავტონომია კი მიიღო. ამის შექ-
მედ ეტტა მცირე ხნით იატაკქვეშეთში გადავიდა. მაგრამ ბო-
ლო წლებში მან კვლავ გააქტიურა ტერორი.

რას წარმოადგენს ამჟამად ეს ორგანიზაცია? ეტტა მრავა-
ლი დაჯგუფებისაგან შედგება, რომლის წევრები განსხვავე-
ბულ მრწამსს იზიარებენ. თუკი ფრანკოს მმართველობის პე-
რიოდში საზოგადოებისათვის ეტტას მიზნები გასაგები იყო,
დღეს მისი მოქმედება აგრესიულ ფანატიზმსა და ტერორზეა
დამყარებული. ორგანიზაცია ამჟამად რეაქციის სამსახურშია.
ყოველი ტერორისტული აქტი იწვევს ხელისუფალთა მიერ ქვეყ-
ნის დემოკრატიული ძალების საწინააღმდეგო რეპრესიების
გაძლიერებას. ჯერ კიდევ 1970 წელს ესპანეთის კომუნისტურმა
პარტიამ დაგმო ეტტას ტერორისტული მოქმედება. მართალია,
პოლიციის ჩარევისა და ტერორსაწინააღმდეგო კანონის გამოსე-
ლის შემდეგ მადრიდის მთავრობამ შეძლო მისი ზოგიერთი
წევრის დაპატიმრება, მაგრამ ამით მაინც ვერ გადაწყვიტა არ-
სებული პოლიტიკური პრობლემები. ერთ დროს აყვავებულ
მხარეში მოსახლეობის 25 პროცენტი უმუშევარია. რაც ყვე-
ლაზე დიდი მაჩვენებელია მთელს ესპანეთში. მხარეების შე-
თანხმება თითქმის შეუძლებელია, რადგანაც ეტტა სხვა სა-
კითხებთან ერთად დაბეჭივებით მოითხოვს ნავარას პროვინ-
ციის შეერთებას ბასკეთის რეგიონთან. თვით ბასკეთის მოსახ-
ლეობაში ეტტა არცთუ ისე პოპულარულია. ამ ორგანიზაციას-
თან ახლოს მდგომმა ნაციონალისტურმა პარტიამ „პერიკო ბა-
ტასუნამ“ („ხალხის კავშირი“) უკანასკნელ რეგიონალურ არ-
ჩევნებზე ხმების 17,5 პროცენტი მიიღო.

1992 წელს ზაფხულის ოლიმპიურ თამაშებს ბარსელონა
მასპინძლობს. ტერორისტული ორგანიზაციის — ეტტას აქ-
ტიურობა კი შეშფოთებასა და პანიკას იწვევს მასპინძლებში...

მალხაზ რადიანი.

● ფასი ერთობ რთული ეკონომიკური კატეგორიაა. იგი „საქონელში გასაგნობრივებული შრომის ფულადი სახელწოდებაა... საქონლის ღირებულების სიდიდის მაჩვენებელია“ (კ. მარქსი).

ამ ბოლო ხანებში, როცა გარდაქმნა-განახლების მეორე ეტაპმა ფასწარმოქმნის რეფორმა მოითხოვა, ბევრი გაუგებრობა წარმოიშვა. ეს ბუნებრივიცაა. სოციალიზმის დროს არსებულ სასაქონლო-ფულად ურთიერთობებს თან ახლავს მის წიაღში ობიექტურად არსებული და მოქმედი ღირებულების კანონი, რომელიც საფუძვლად უნდა ედოს მთელ ვაჭრობას, ე. ი. ფასწარმოქმნის მოქმედ პრაქტიკას.

ბევრი ჩვენგანი სამართლიანად სევამს კითხვას, თუ რატომ მატულობს ფასები, თუ როგორ გამოიყენება მარქსის მიერ მეცნიერულად დასაბუთებული თეორია ფასის, როგორც ღირებულების გარდაქმნილი ფორმის შესახებ. ამ თეორიის მიხედვით ვიცით, რომ ფასი არის საზოგადოებრივად აუცილებელი შრომის გამოხატულება. ეს იმას ნიშნავს, რომ საქონელში გასაგნობრივებული საზოგადოებრივი შრომა შეადგენს მის ღირებულებას.

ამრიგად, ღირებულება სოციალისტური საზოგადოების მუშაკთა შრომის დანახარჯების გამოხატულებაა. თუმცა არც ის არის დასაფიქრებელი, რომ მოცემული პროდუქტის ღირებულების აბსოლუტური სიდიდე თავისთავად არ მოწმობს საზოგადოებისათვის მის სიძვირესა თუ სიაფეს. ჩვეულებრივ მას უნდა შევეფარდოთ ხარისხი, რომელიც სასარგებლო ეფექტით გამოიხატება. ეს არის მაგალითად, ამ პროდუქტის (ნაწარმის) ფიზიკური და ქიმიური თვისებები, დრო, რომლის განმავლობაშიც იგი გამოიყენება და ა. შ.

ბოლოდროინდელი პრესის ფურცლებზე გამოქვეყნებულ მასალებში უგულებელყოფილია საქონლის ღირებულების განმსაზღვრელი შრომის საზოგადოებრივად აუცილებელი დანახარჯების ობიექტური ხასიათი. არადა, მათი ოდენობა დამოკიდებულია საზოგადოებრივი შრომის ნაყოფიერების რეალურად მიღწეულ დონეზე.

სწორედ ამის გამო საზოგადოებრივად აუცილებელი შრომის დანახარჯების აღრიცხვა მოითხოვს სხვადასხვაგვარი სირთულის შრომის დაყვანას მარტივი შრომის გარკვეულ რაოდენობაზე და მრავალფეროვანი კონკრეტული შრომის დაყვანას შრომაზე საერთოდ. ეს იმას ნიშნავს, რომ ღირებულების სიდიდე არ არის უბრალო ჯამი სამუშაო დროის დანახარჯებისა წარმოების ყველა სტადიაში, პირველადი ნედლეულის მოპოვება იქნება ეს თუ მომხმარებლისათვის მზა ნაწარმის მიწოდება.

ამიტომ, სასაქონლო წარმოების პირობებში მოქმედი ღირებულების კანონი თავისი ობიექტური ხასიათის გამო მეტად რთულ გაანგარიშებებთან არის დაკავშირებული. უამისოდ სუბიექტური ფაქტორების სიჭარბის კარგი შესაძლებლობები წარმოიშობა ხოლმე. იქნებ ამიტომაც არის, რომ ჩვენში, სამწუხაროდ, ფასები კი არ ყალიბდება, არამედ წესდება.

ფასების საკითხზე გამოთქმულ პუბლიცისტურ მოსაზრებებს აქვთ კიდევ ერთი ნაკლი. მხედველობაში გვაქვს ბრუნვიდან გადასახადის უგულებელყოფა, ან მისი, როგორც საცალო ფასების ერთ-ერთი შემადგენელი ნაწილის, გაუთვალისწინებ-

ვასნარეოქენს

ქვეყნული
ბიულენი

ლობა. მეტიც, ბრუნვიდან გადასახადის გარეშე ძნელი წარმოსადგენია ქვეყანაში ჩამოყალიბებული მრავალფეროვანი, ურთიერთდაკავშირებული და ურთიერთდამოკიდებული ფასების სისტემა. ამ სისტემის მთავარი რგოლია საბითუმო ფასები. მათი საშუალებით ხდება მთელი საზოგადოებრივი პროდუქტის ნახევარზე მეტის რეალიზაცია. სახალხო მოხმარების საგნებით ვაჭრობის სფეროში მოქმედი სახელმწიფო საცალო ფასები განისაზღვრება სწორედ საბითუმო ფასებით. ახლა ამ ფასებით გაყიდული საქონლის მასა მთელი საცალო საქონელბრუნვის 98 პროცენტს შეადგენს. დანარჩენ საქონელს მოსახლეობა საკომერციული ბაზრებზე ყიდულობს, სადაც ფასები ყალიბდება მიწოდებისა და მოთხოვნის ზეგავლენით.

ამრიგად, საცალო ფასი იყო, არის და კვლავაც დიდხანს იქნება მშრომელთა კეთილდღეობის მნიშვნელოვანი ეკონომიკური ბერკეტი.

ამ საკითხს იმიტომ მივანიჭეთ ესოდენ დიდი მნიშვნელობა, რომ ვთქვათ: არამც და არამც არ შეიძლება ბრუნვიდან გადასახადის უსაზღვროდ ვადიდება. იგი ხელოვნურად ზრდის საცალო ფასებს, რაც თავის მხრივ უარყოფითად მოქმედებს ცხოვრების დონეზე.

ჩვენს ქვეყანაში დაწყებული ეკონომიკური რეფორმა სწორედ ამ მხრივაც იპყრობს ყურადღებას. წლის დამდეგიდან ამოქმედებული კანონი გულისხმობს ისეთ ფასწარმოქმნას, რომელიც ახალისებს საწარმოთა და გაერთიანებთა მოგების ვადიდებას.

ლიახ, ამიერიდან სწორედ მოგება და სამეურნეო-ანგარიშებრივი შემოსავალი განხდება როგორც თვით მოცემული შრომითი კოლექტივის საწარმოო და სოციალური განვითარების, აგრეთვე შრომის ანაზღაურების საფუძველი, ისე სახელმწიფო ბიუჯეტთან და ზემდგომ ორგანოსთან ანგარიშსწორების ძირითადი საფუძველი. ამასთან, როგორც ცნობილია, საწარმოო თავისი პროდუქციის რეალიზაციას ახდენს ცენტრალიზებულად დაწესებული ფასებითა და მომხმარებელთან მორიგებით ან დამოუკიდებლად. მეტიც, ახლებურად მომუშავე საწარმო პასუხს აგებს ფასების დისციპლინის მკაცრი დაცვისათვის. სხვაანაირად რომ ვთქვათ, საწარმო, რომელიც ფასებს მოუმატებს და დაუსაბუთებელ მოგებას მიიღებს, ბიუჯეტის სასარგებლოდ დამატებით გადაიხდის ჯარიმას უკანონოდ მიღებული მოგების ოდენობით. სრული სამეურნეო ანგარიშისა და თვითდაფინანსების განვითარების კვალობაზე კიდევ უფრო გაფართოვდება სახელმწიფოებრივი და დამოუკიდებლად დამტკიცებული ფასების გამოყენება.

ამასთან გასათვალისწინებელია, რომ საცალო ფასების სტაბილურ დონეზე მეტად უარყოფითად მოქმედებს ისეთი პრაქტიკა, როცა საწარმოში, რომლებიც სამეურნეო-ანგარიშებრივი უფლებებით სარგებლობენ, კდილობენ, ფინანსური მდგომარეობა გაიუმჯობესონ მხოლოდ იაფფასიანი საქონლის შემცირებისა და ძვირადღირებული ნაწარმის გამოშვების ზრდით. მ. ს. გორბაჩოვმა კრასნოიარსკის მხარის მშრომელებთან შეხვედრებისას ასეთ არასასურველ მოვლენებს ანტისაზოგადოებრივი და ჯგუფური ეგოიზმი უწოდა.

და ერთიც, ქვეყნის მსუბუქი მრეწველობის საწარმოებს უფლება მიენიჭათ, მომხმარებლებთან შეთანხმებით დააწესონ გადიდებული სახელმწიფოებრივი საცალო ფასები საქონლის პირველ საცდელ პარტიებსა და ვანსაკუთრებით მოდურ ნაწარმზე. სამწუხაროდ, ზოგან ამ უფლებას მომხმარებელთა საწინააღმდეგოდ იყენებენ. არცთუ მართლა მოდურ საქონელს ასეთ იარაღს ადებენ და ამრიგად ხელოვნურად ზრდიან ფასებს.

დასასრულ, ორიოდ სიტყვა შესვიდვისა და დამზადების ფასების შესახებ. პირველს კოლმეურნეობები იყენებენ, მეორეს — საბჭოთა მეურნეობები. მათ სტრუქტურაში, მრეწველობის საბითუმო ფასებთან შედარებით, მაღალი ხვედრითი წილი უკავია შრომის, საკვების, თესლეულისა და მექანიზაციის ხარჯებს. ამის გამო სასოფლო-სამეურნეო პროდუქტი ძვირი ჯდება, მათი საცალო ფასები კი დაბალია. ამიტომ სახელმწიფო მათ 1,5—2-ჯერ მეტს უხდის, ვიდრე იგი მოსახლეობას მიეყიდება. 1988 წელს მარტო ხორცისა და რძის გაყიდვის დოტაციამ 57 მილიარდ მანეთს მიაღწია.

ყოველივე ეს იმას ნიშნავს, რომ საზოგადოებრივი კვლავწარმოების ამ სფეროშიც ირღვევა ღირებულების კანონი.

ამიტომ, ფასწარმოქმნის მოწესრიგებასთან დაკავშირებული ყველა საკითხი უნდა გადაწყდეს სამეურნეო საქმიანობის გაუმჯობესებისა და ღირებულების კანონის მოთხოვნათა შესაბამისად, ცხოვრების დონის დაუქვეითებლად.

ახლა, როგორც ამის შესახებ XIX საკავშირო პარტიულ კონფერენციაზე ითქვა, სერიოზულად, ყოველმხრივ მუშავდება საცალო ფასების რეფორმის პროექტი, რომელიც საყოველთაო სახალხო განხილვის საგანი გახდება.

კლიმენტ ელიზაბარაშვილი,
თბილისის სახალხოეფო უნივერსიტეტის კო-
ლიტიკური ეკონომიის კათედრის დოცენტი.

არულ სანახობას დაემსგავსა, მოვისხი ლაბადა, ყოველ შემთხვევისათვის ფაქტობრივად ბის ჩანთაც გატყვევებული შიძეს მივაკითხე და სურვილი გავანდე. სიამოვნებით დამემგზავრა.

შევუყვებით აღმართს. ტყე კიდევ უფრო შეთხელდა. დაკნინებული, დაბრეცილი ხეები ნისლში ორ-სამ მეტრ მაინძილზედაც სილუეტებივით დგანან. შუადღისას ნახადივით სქელ ნისლს თქორიც დაემატა. წვიმის ეს წვრილი წვეთები ფაქტიურად იგივე ნისლია. ნისლის სქელი ფენა ხომ ღრუბელივით მოძრაობს, როცა ზემოთ მიიწევს. იქ მაღალმთის ჰაერის ცივ ნაკადს ხვდება, კონდენსირდება და წყლად — თქორად იქცევა, წვეთების ნაწილი ფოთლებზე იყრიან თავს, ერთდებიან, მიიმდებიან და ტყაბატყუპით მიწაზე ცვივიან. ჩვენც, შეძლებისდაგვარად, მხარს ვუჭევთ გალუმბულ ხეებს. განსაკუთრებით აპარატებიან ჩანთას ვუფრთხილდები.

მოულოდნელად, ზედ ცხვირწინ, ნაჯახით გვარიანად ნათავ ბუჩქებს შორის ხე-საოცრება წამოიძარა. უამინდობისაგან ამ ნახევრად წამლილ ლანდშაფტში წინარეესტორიული „ცხოველი მოაბოტებდა“.

— ასეთი რამ მეც იშვიათად მინახავსო, — მონუსხულივით მიაჩერდა, „მონსტრს“ აჯარული.

— ღმერთო, სად არის ზღვარი ფანტასტიკასა და რეალობას შორის, — ჩემი მხრივ ესო მოვახერხე პასუხად...

ის პირველი შთაბეჭდილება დღემდე ურყევი აღმოჩნდა. წარმოვიდგინე, რომ რაღაც ფანტასტიკური ძალის წყალობით მეზოზოურ ერაში გადავსახლდი. ჩემ წინ გადაიშალა დაახლოებით 150 მილიონი წლის წინანდელი ლანდშაფტი. იმ დროს დედამიწა უკვე აღარ იყო გახვეული ქვანახშირის პერიოდის ოსშიგარში, როცა მთელ პლანეტაზე ერთი კლიმატური სარტყელი ბატონობდა, პოლუსიდან პოლუსამდე ერთნაირად ცხელოდა და გადაუღებლად წვიმდა. მიუხედავად ამისა, დედამიწის დიდ ნაწილზე მაინც სუფევდა სათბურის ტიპის კლიმატი. და აი. გეოლოგიური წარსულის ამ ნახევრად გამჭორვალულ ატმოსფეროში წამომართული ეს „არსება“ უყოყმანოდ იწვევს ჩემში იურული პერიოდის ორფეხა დინოზავრის ასოციაციას. იმ შორეულ წარსულში მსგავსი ქვეწარმავლები მთელი დედამიწის ბატონ-პატრონები იყვნენ — დარბოდნენ ან დადიოდნენ ნახევრად გამართულები. სხეულის ბალანსირებას ახდენდნენ გრძელი და ძლიერი კუდით. ტანის მთელი

ტყის სკულპტურა

მცენარეთა საფარი — ტყე ბუნების მწვანე საგანძურია. ბევრ სხვა სიკეთესთან ერთად, იგი სრულყოფილ ესთეტიკურ ზეგავლენას ახდენს ადამიანზე. ზოგჯერ ფრიად დასამახსოვრებელია თვით გამხმარი ხე, ანდა მისი რომელიმე ნაწილი — ფესვი, ზრო, ტოტი. ბუნება დაულალავად ქმნის ფორმათა ამოუწურავ მრავალფეროვნებას. აქ ფაქტობრივად გამოირიცხებელია განმეორება, შაბლონი. ბუნების მსგავსი იშვიათობები დიდ გასაქანს უქმნის ადამიანის ფანტაზიას. მათი ძებნა და მოპოვება ყოველდღიური ცხოვრების რიტმისაგან განმუხტვის უებარი საშუალებაა.

ტყის უცნაურობებზე ნადირობამ დიდი გატაცება იცის. თოფიანი მონადირე ნადირობის ფრინველს ეძებს. მას თავისი, ხშირად მზაკერული ინტერესები ამოძრავებს. ჩვენ კი ტყი-

სა ან მთის ბილიკებს მხოლოდ ერთი მიზნით მივყვებით: იქნებ სადმე ბუნების შიერ გამოქანდაკებულ სასწაულს გადავყაროთ!

ზოგიერთს შეიძლება დონკიხოტობად მოეჩვენოს დაინტერესებული კაცის მსგავსი ინტერესი — რას წარმოადგენს გამხმარი ხე, მით უმეტეს მისი ფესვები, ანდა კუნძი? მაგრამ გამოვნიანიანი კაცის ხელში თვით კუნძიც კი შეიძლება ტყის სკულპტურად იქცეს, ფოტობიექტივმა კი მას ახალი სიცოცხლე შესძინოს.

ბევრი ჩვენგანი პატივს მიაგებს ბუნებრივს, ყოველგვარი ხელოვნური ჩარევის გარეშე მოძიებულ ტყის ნობათს. ასეთი აღქაჯები, კუდიანები, ჩიპოლინოები ამშვენებენ ჩვენს სამუშაო ოთახს. სხვები, გაცილებით დიდი ზომისანი, ფოტობიექტივის ნადავლი ხდებიან.

აპარატივით მოინადირებ თუ ხელით, ტყის უსულო პერსონაჟები კვლავაც განაგრძობენ

თავიანთ ზემოქმედებას — აღვიძრავენ ბუნებასთან ურთიერთობის იშვიათ ასოციაციებს.

მაინც რომელია ტყის ამ სკულპტურებს შორის ყველაზე დიდებული ნანადირევი? აი, ის, რომელიც პირველი შეხვედრისთანავე მიზნობის, მოუგვრებელი ხიზლის ტყვეობაში გაქცევს. ერთ-ერთ ასეთ იშვიათობას ზემო აჭარაში, უჩამბის ხეობის სუბალპურ წიფლნარში წავაწყდი. იმ ზაფხულს ჩვენს ექსპედიციას ბარში დროებით ჩასული მწყემსი დაემგზავრა. ნაკაშიძედ გავაცინო თავი. ხუთი თითივით იცოდა იქაურობა.

კარვები მის საზაფხულო ბინის მახლობლად დავდგით. წინა დღით ივლისის ფიცხი, მზიანი დღე იდგა, მეორე დღეს კი დილიდანვე ძალუმაღ დანისლა. მთაში და ისიც კარაში ავდარი დიდი ვერაფერი შვილია. სამაგიეროდ, ნისლში გახვეული მაღალმთის მეჩხერი, პარკის ტიპის ტყე ზღა-

საინტერესო გა მოსახლეობს

დატვირთვა უკანა ფეხებზე მოდიოდა. სხეულის სიმძიმისათვის რომ გაეძლოთ, უკანა ფეხები წინებზე გაცილებით ძლიერი ჰქონდათ. დაკარგეს რა საყრდენი ორგანოს ფუნქციები, დინოზავრთა წინა ფეხები ერთობ დამოკლდნენ და დასუსტდნენ, თუმცა გარკვეულ როლს მაინც ასრულებდნენ — საკვებს პირის ღრუსკენ იმარჯვებდნენ.

პირველი დინოზავრები სწორედ ორ ფეხზე მდგომები იყვნენ, ოთხფეხა ფორმები მოგვიანებით წარმოიშვნენ. ეს უკანასკნელები იმდენად კოლოსალურები იყვნენ, რომ ორი ფეხი ვეღარ უძლებდა ტანის მთელ სიმძიმეს და ამიტომ დაოთხდნენ.

ცოტა ხნის შემდეგ ოთხფეხა „დინოზავრიც“ ვაება ჩემი ფოტობიოქიტივის „მახეში“. ეს უკვე გულამაყარში სოფელ ბაკურხევის მისადგომებთან მოხდა. როგორც ჩანს, ვეებერთელა წიფელი ზევეს ძირფსვიანად მოეთხარა, ქერქისაგან ერთნაირად გაეყვლიფა, ფესვები და „ზედმეტი“ ტოტები გაესხიპა, მდინარის ჭალაში ჩამოევაკებინა და კისერმოღერებული ოთხ „ფეხზე“ დაეყენებინა.

...ეუყურებ უჩამბის ხეობის ამ თავისებურ ფენომენს და გონების თვალთ კვლავ ვაგრძელებ იმ გარდასულ ეპოქათა სურათის აღდგენას. არას-

ტუმართმოყვარე და საშინელი მოეჩვენებოდა კაცს იურული პერიოდის ტყეები. იმ დროს ჯერ კიდევ არ ყვაოდნენ ყვავილები, საერთოდ არ არსებობდნენ ყვავილოვნები ანუ ფარულთესლოვანი მცენარეები, არ დაფარფატებდნენ მათზე პებლები (მწერთა ზოგიერთი ჯგუფი — ტარაკანები, ჭიანჭველები და სხვები მანამდეც არსებობდნენ, მაგრამ ქერცლფრთიანების ანუ პებლების ევოლუცია მოგვიანებით დაიწყო). უცნაური, კბილებიანი, ნახევრად ფრინველები კი არ გალობდნენ, არამედ სისინებდნენ და ყოყინებდნენ. ძლივს ატანდნენ მზის სხივები ხემაგვარი გვიმრების ვეებერთელა ფოთლებში, გაუვალ კედლებად აღმართულიყვნენ საგოვანები — ერთდროულად გვიმრებისა და პალმის მსგავსი მცენარეები, მარაოსებრად გადაშლილიყო ვინკვოსნაირთა ფოთლები. ყველაფერს — ხმელეთს, ჰაერს, წყალს დინოზავრები დაჰპატრონებოდნენ: მობაჯბაჯენი და სწრაფად მსრბოლები, ტყავით დაფარულები და ბეწვიანები, თბილისისხლიანები და ცივისისხლიანები, ორფეხზე მდგომნი და ოთხფეხზე მოსიარულენი...

ივლისის იმ ბურუსიან დღეს რამდენიმე სხვა „მსხვერპლიც“ მოვინადირეთ, მაგრამ „დინოზავრივით“ მომნუსხველი არც ერთი არ იყო.

დასასრულს უახლოვდება ქართული საბჭოთა ენციკლოპედიის გამოცემა. უკანასკნელი, მეთოთხმეტე ტომი — სახელობით საძიებელი, მომავალ წელს გამოვა.

მკითხველს უთუოდ აინტერესებს, რაზე მუშაობს ამჟამად ქართული ენციკლოპედიის მთავარი სამეცნიერო რედაქცია. რა გამოცემებია უახლოეს ხანებში მოსალოდნელი.

ყოველივე ამის თაობაზე აი, რა უამბო ჩვენს კორესპონდენტს იამაში ბასილინს მთავარი სარედაქციო საბჭოს თავმჯდომარემ ავთანდილ საყვარელიძემ.

ამჟამად ვმუშაობთ ენციკლოპედიაზე „საქართველო“. იგი ოთხ ტომად გამოვა. ამ გამოცემას საფუძვლად ქართული საბჭოთა ენციკლოპედია დაედო, მაგრამ ის მასალები, რომლებიც შეეხება საქართველოს და ქართველობას, მნიშვნელოვნად გაფართოებულია. მიგვაჩნია, რომ ჩვენი ქვეყნისა და ერის შესახებ ბევრი რამ ახალი ითქმება. უხვად იქნება მასში მოცემული ნარკვევები გამოჩენილ ადამიანებზე — ქართველებზე და მათზე, ვინც საქართველოსთან არის დაკავშირებული, ქართველების სულიერ სამყაროსთან.

ჩვენი აზრით, ენციკლოპედია „საქართველო“ იქნება ჩვენი ერისა და ქვეყნის პირველი სრულყოფილი სადარბაზო ბარათი.

ხელმოწერა ჩატარდება ოქტომბერ-ნოემბერში, — ტირაჟი 150 ათასი ეგზემპლარია.

ფიქრობთ, საჭირო საქმეს ვაკეთებთ საქართველოს ისტორიისა და კულტურის ძეგლთა აღწერილობის თორმეტტომეულის გამოცემით. მისი დასრულება გადაწყვეტილი გვაქვს 2000 წლისათვის. ორი ტომი უკვე ჩამოყვებულია წარმოებაში.

წელს დამთავრდება აგრეთვე ორთოგრაფიული ლექსიკონების ციკლის გამოცემა. უკვე გვაქვს საქართველოს სსრ გეოგრაფიული სახელების, საბჭოთა კავშირის გეოგრაფიული სახელების და ბერძნული და რომაული საკუთარი სახელების ორთოგრაფიული ლექსიკონები. ამ ციკლს დაასრულებს საზღვარგარეთის ქვეყნების გეოგრაფიული სახელებისა და უცხოურ პირთა სახელების ორთოგრაფიული ლექსიკონები.

წელსვე გავიმეორებთ ქართული ენის განმარტებითი ლექსიკონის ერთტომეულის გამო-

ცემას. იგი ორ ნაწილად გამოვა.

ორთოგრაფიული და განმარტებითი ლექსიკონები გაკეთდა საქართველოს სსრ მეცნიერებათა აკადემიის ენათმეცნიერების ინსტიტუტთან ერთად.

2000 წლამდე დაგეგმილი გვაქვს მრავალი ენციკლოპედიისა და ენციკლოპედიური ლექსიკონის გამოცემა. ესენია: სასოფლო-სამეურნეო, პედაგოგიური, ხელოვნების, მსოფლიოს გამოჩენილ ადამიანთა ლექსიკონი. თითოეული მათგანი შედგება რამდენიმე ტომისაგან. გარდა ამისა, დაისტამბება ენციკლოპედიები „ქართული ენა“, საოჯახო, პოპულარული სამედიცინო და პოლიტექნიკური, ფიზიკის, მათემატიკის, ქიმიის, თეატრალური, გეოგრაფიული ენციკლოპედიური ლექსიკონები. სპეციალური გამოცემები მიეძღვნება ჩვენი რესპუბლიკის ქალაქებსა და რეგიონებს, მათ შორის პირველი ენციკლოპედია „თბილისი“ იქნება.

ვაპირებთ აგრეთვე პერსონალური ენციკლოპედიების გამოცემას: შოთა რუსთაველი, ილია ჭავჭავაძე, იაკობ გოგებაშვილი, ივანე ჯავახიშვილი, (ამჟამად ამ ენციკლოპედიებზე ვმუშაობთ). სულხან-საბა ორბელიანი, აკაკი წერეთელი, ვაჟა-ფშაველა, გალაკტიონ ტაბიძე. ერთი ტომი კი მიეძღვნება გამოჩენილ მეცნიერებს, ცნობილ მათემატიკოსებს.

ახლახან გამოვეცით ალბომი — „მწიგნობრობაი ქართული“, რომელშიც მოცემულია ქართული ანბანის სამივე სახეობის — ასომთავრულის, ნუსხურის, მხედრულის გრაფიკული თავისებურებანი. ასეთივე ალბომის გამოცემას ვაპირებთ პატარა ფორმატისას — მოსწავლეთათვის.

ჩვენ წინ დაძაბული პროგრამაა, დიდი მუშაობა გემართება. ბევრ სიძნელეებს ვაწყდებით პოლიგრაფიაში, ძალიან გართულდა ქალაქის საკითხი.

ჩვენ კი ვფიქრობთ, რომ სათანადო ენციკლოპედიური ლიტერატურის უქონლობის პირობებში ძალზე ძნელია რეალობად ვაქციოთ ქართული ენისა თუ საქართველოს ისტორიის, ასევე სხვა ეროვნული პროგრამა. საენციკლოპედიო საქმე — საერთო საქმეა. მასზე ყველას გემართება მზრუნველობა.

⊙ ტყე დედაა უანგბადისა, მამა ჩრდილისა და სივრილისა, ხოლო შვილი — მთელი ბუნებისა.

⊙ ტყემ დაიჩვილა: — ვინ მჩეხავს და, ჩემივე ხელით.

⊙ ტყე: ის ყველაზე დიდი სახლია, სადაც ნადირ-ცხოველნი თუ ფრინველები, მიუხედავად ერთმანეთის მტრობა-შუღლისა, მაინც უომრად ცხოვრობენ.

⊙ ტყის სიმდიდრესა და სიკეთეს

დროის მეტი ვერაფერი აფასებს.

⊙ ტყეს უფრო მეტად სჭირდება გაფრთხილება, ვიდრე საკუთარ სიცოცხლეს.

⊙ ახლანდელ ტყეში, გარედან შესული უფრო მეტი ტყეური და ველური დადის, ვიდრე თვით ტყეში ბინადრობენ.

⊙ ტყის ყველაზე მშვენიერი და ღვთიური არსება ეს — ყვავილია.

ნაზი ჰეღია.

თვალს ხედება ფერადი ილუსტრაცია. გარინდების ხანი მიგრძელდება. უჩვეულოდ დამუხტული კომპოზიცია გული-სუფრის ისრუტავს და მხატვრის ფიქრთა სამყაროში შეღწეული ცნობისმოყვარეობა ცხადისა და თვალნათის მიღმა გამოგზაურებს.

ისევ და ისევ ვრწმუნდები, თუ რაოდენ იხვეწება და იზრდება ფუნჯის ძალა, როცა იგი საკუთარი, საწყისისეული ბუნებისადმი ერთგულების ამგვარ მაგალითს ვეისახვს.

როცა სურათის ისტორიას ვეცნობოდი, ჩანაფიქრის ჩასახვიდან განხორციელებამდე, კიდევ ერთხელ წარმომიდგა გაკვეთილი იმისა, რომ ღირსეული ქმნილება მხოლოდ რიგ გარემოებათა შედეგად თუ იბადება.

უამსა სიკაბუთისას, მშობლიურ კუთხეში შენიშნული ცოცხალი კადრი. ალბომის ფურცელზე გადმოულია სამხატვრო აკადემიის პრაქტიკანტს. ჩანახატის თარიღი ერთგვარად ემთხვევა გულისწორთა დაწინდვის ვარდისფერ დღეებს. ემთხვევა და სულაც არ უკავშირდება. მხატვრის თვალთ გაზიარებული ნაღვლიანი სიუჟეტი და პირადი ბედნიერების უზომოდ განცდა ერთმანეთისაგან დამოუკიდებლად არსებობენ. შემდეგ კი უკვე დაოჯახებულ მხატვარს ცხოვრების თანამგზავრის აღბეჭდვის გადაუღებელი წადილი შეიპყრობს.

ჩინებული ადამიანისა და სამაგალითო მეუღლის პოვნით, იშვიათი, შეხმატკბილებული ცოლქმრობით დავიწყებას მიეცა ის წაქცეული უღელიც და ადრინდელი ჩანახატიც. მაგრამ წარსულ შთაბეჭდილებას უკვალოდ არ ჩაუვლია.

რამდენ ხაზსა და ფერს უნდა ეძებნა და ეპოვა თავისი ნასიათი და ადვილი სურათ-ტილოზე, რომ ქართული ფერწერის ისტორიას შეეძინა: „სოფელი გოლა“, „გამოშვებული კამეჩები“, „საჩხერელი გლეხი“, „ღარველი ქალი“.

„ხედავთ უჩა ჯაფარიძის სურათებს და ერთხელ კიდევ რწმუნდებით, თუ რა შთაბეჭდავი ძალა ჰქონია შემოქმედისათვის ბავშვობასა და ჰაბუკობაში ნახულ-გაგონილს. უჩა ჯაფარიძე ზემო რაჭის სოფელ ღარში დაიბადა 1906 წელს. ხალხში აღიზარდა და ამიტომაც ფარაჯიანი გლეხი,

გამრჯე და უტეხი სოფელი დედაკაცი, მწყემსი და მექონე, მთიბავი და მესტირე, ხარებშებმული ურემა, ჟღერ-ჩდაცობილი დოქი მხატვრის საყვარელ თემად იქცა, — სრულად დაეჭვება მხატვრის უანლოეს მეგობარს, ხელოვნებისა და მეცნიერების დამსახურებულ მოღვაწეს დიმიტრი ჯანელიძეს.

გავლებული ექვი, ფიქრად-მოსული ვარაული მიმუხტავს ყურადღებას. მხატვრის პირადი არქივიდან ჩემი თხოვნით მოძიებულ ჩანახატს ვაკვირდები. აი, ამ ფანქრის პირველი გავლებიდან დაწყებული ის, რაც, ჩემი აზრით, აუცილებლად უნდა განვიხილავს. დროისაგან გაყვითლებულ სიფრიფანა ფურცელს ისე ვეზიარები როგორც კვალზე გამყვან სინათლის წყაროს, ვიახლოვებ, ვუკირკიტებ, თვალეზით შეჭმას ვუპირებ და ალბათ ამიტომ უსათვალოდაც ვკითხულობ ბედად ნაპოვ ჩანახატზე, მქრქალად შერჩენილ „1931“-ს...

კომპოზიცია თითქმის არ შეცვლილა. იგივე კონფიგურაცია, განლაგება, მოძრაობის იგივე მიმართულება. ახალგაზრდა უჩა ჯაფარიძის ამ ნახელავს მისი პედაგოგის ლადო გუდიაშვილის ხაზის გამოსარჩევი პეწი დაჭრავს, მაგრამ არც ამ აშკარა გავლენის დადასტურებით, არც გამოყენებულ მასალათა სხვადასხვაობით და, ბოლოს, არც უმთავრესი გარემოებით, შეგირდისაგან ოსტატის გამორჩევით დგინდება ის, რაც ხუთი ათეული წლის შემდეგ ტილოზე გადატანილი, მხანველს შეაყოვნებს, მიიზიდავს და უსაშველოდ ღრმა ფიქრებში ჩაძირავს.

რალაც წინაგრძობის თუ მიგნების მაცნე თრთოლა მივლის შორიდან და შიგ საგულეში მიიპარება. თვალს ვაკვლებ მხატვრის სახელოსნოს, კედლიდან ამყვად იმზირება ჰოლანდიელი ქალბატონი სასკია, თავისი უკვდავყოფელი მეუღლის მუხლებზე რომ წამოსკუთებულა, და მე, აწ უკვე უფროსი თაობის ქართველ კაცს, ყოველგვარი რიდის გარეშე გადმოწყურებს.

მის გვერდით თავად პატივე-ცემული მასპინძლის ხელით შესრულებული მინიატიურული პორტრეტი. ბატონ უჩას ფანქარს ძვირფასი არსების

უბიწოების იერი შემოუნახავს. უნებურად მესახება მხატვრის ის შორეული სეანსი, რომელმაც სათავე დაუდო ორი ადამინის ურთიერთობის, ურთიერთშეწვევის, ურთიერთგაფრთხილების, ურთიერთგაგების ორმოცწლოვან გზას. ძიება სურათის დაბადების ისტორიას მიმხელს... ბედშავი დღით და ძაბით შეფერილს.

ძვირფასი არსების დაკარგვამ, სასოწარკვეთით აშლილი ფიქრების ქაოსმა ამოტივტივა დავიწყებული შთაბეჭდილება.

კვლავ ვუკვირდები ამ უღელჩამოშლილ მარტოობას, სულის სიღრმემდე ჩამესმის მთიდან ყვირილი ხარისა და ასე მეჩვენება, მხატვრის ფუნჯი ხედვის უჩვეულო სიფართოვეს მანიჭებს. ოდიფანვე ცნობილი — ქართველი მეურნის გამწვევი ძალა დედულ-მამულეთიდან აყრილ თაობას კი არ უხმობს მხოლოდ. დაქსაქსული, ფუძეს მოწყვეტილი შთამომავლობის კონსოლიდაციის დაუოკებელ წყურვილსაც გვიმხელს, გვაფიქრებს, როგორც ჩანს, ერთადერთ ხსნაზე: დაე ადამიანს საკუთარი ადგილისა თუ ღვიძლი საქმისაკენ მიმავალ გზას მიწის ყვილი უკაფავდეს! საგანგაშოა, — გვეუბნება მხატვარი, — ამ ბუნებრივი წადილის მოშლა.

ფიქრს წარსულში გადავყავარ... წარმომიდგება თანაკლასელი ოთარ ჯაფარიძე, ძე გრიგოლისა. უფროსი ძმის მუხლებზე ჯდომის გემო ბატონმა უჩამ ძმისწულზე აღრე შეიგრძნო და თავის აღმზრდელად თვლიდა ოჯახის თვალს, გრიგოლს. ალბათ ამიტომაც უჩასა და ოთარის ურთიერთობაში იკითხებოდა არა იმდენად ძმისწულთა, არამედ ადაც ძმობა გამოსჭვივდა.

ამჟამად სამხატვრო აკადემიის პროფესორი ოთარ ჯაფარიძე მახსენდება ნახევარი საუკუნის წინ პირველ საცდელ საჩვენებელ სკოლაში დაფასთან მდგარი. იგი განტოლებას იყვანდა — უცარცოდ! რამდენჯერ დაეფიქრებულვარ, თუ რამ შეაგულიანა ფენომენალური მათემატიკოსი, დასდგომოდა მხატვარ-პედაგოგის გზას?

იმან ხომ არა, რამაც რაჭაში პირველი ველოსიპედის კონსტრუქტორი და მით მოგზაური ყმაწვილი უჩა ჯაფარიძე აიძულა, რათა უარი ეთქვა ტექნი-

კის სფეროზე, რომლის მიმართ ბავშვობიდანვე აშკარა მიდრეკილებით გამოირჩეოდა.

იმან ხომ არა, რაც პატიოსან ღარელებს დროულად ენიშნათ და რაც სხვებისათვის მოგვიანებით გაცხადდა. ბარაკონმა, შაორმა თუ ნიკორწმინდამ ხომ არ გაუღვივათ მათ ინტუიტიური წვდომა იმისა, რომ ტექნოკრატიებისა და ჰუმანიტარების მოსალოდნელი დისპროპორცია, ჰუმანიტარების შევიწროებით და შემცირებით გამოწვეული, ჰუმანიზმის დეფიციტამდე მიგვიყვანდა.

როგორც ჩანს, არსებული ქვეცნობიერი შიში იმისა, რომ ტექნიკური პროგრესით ცალმხრივ გატაცებას დედამიწის რომელიც წერტილზე, მოჰყვებოდა რომელიმე კომპიუტერიანი ნერონის აღზევება.

ჩვენდა საბედნიეროდ, ბუნება საკვირველ წინახედულობას ავლენს ჩანსალი საზოგადოებისათვის აუცილებელი ჰარმონიის უზრუნველსაყოფად.

ღღეს ნამდვილად გაგვიჭირდებოდა სხვა ტილოს პოვნა. საიდანაც ასე ცხადად მოგვევლებოდა წინაპართა სიმწრით აღმონდომილი ხმა ვედრებისა და ასევე აშკარად ვიგრძნობდით თანამედროვეობის კატეგორიული მოთხოვნილების შეუთავსებლობის საშიშროებას. მერამდენედ დასტურდება, რომ თემის თავისთავადი მნიშვნელობა არ იძლევა შთაბეჭდობის გარანტიას. თუკერის საერთო საზრუნავში ავტორის პირადმა ტკივილმა თუ სინარულმა არ გაიარა და შემოქმედის წყალობით საზოგადოებრივი მნიშვნელობა არ შეიძინა.

სწორედ ამ ორი პირობის სამაგალითო ნაყოფად წარმოგვიდგება უჩა ჯაფარიძის „მარტოობა“.

დასასრულ. ერთ ფრიად საგულისხმო გარემოებას უნდა გაეყვას ხაზი. მხატვრის ტილოზე მიწერილი სახელწოდება თითქოს ემოციურ შეფერილობას იცვლის. თანამედროვე ვითარების ფონზე იგი იკითხება როგორც მკაფიოდ გამოსახული სიგნალი. მას განსაკუთრებულ ქმედითობას ანიჭებს წინაპართა ნასახლარებზე გაჩაღებულ სადღესო მოძრაობა, კერაგანახლებული სოფლების ამაღლების სამამულიშვილო საქმე.

მიხეილ გიგიშვილი.






ტყის სკულპტურა

ფოტო არნოლდ გეგეჭორიძე.





3

უჯაბის სამონასტრო კომპლექსი მდებარეობს მდინარე ფოლადაურის ხეობაში, მთა ლელვარის ძირას, ამაჟამად ახ-ქერფის სახელით ცნობილი უძველესი ქართული სოფლის მახლობლად. რომელიც ადმინისტრაციულად მარნეულის რაიონში შედის. მის ტერიტორიაზე მდგარ მთავარ, ცენტრალურ-გუმბათოვან ტაძარს ქართული ხელოვნების ისტორიის მკვლევარნი (გ. ჩუბინაშვილი, ვ. ბერიძე, პ. ზაქარაია, რ. მეფისაშვილი და სხვ.) ერთხმად მიაკუთვნებენ შუა საუკუნეების ქართული არქიტექტურის ისტორიაში ცხოველხატული სტილის მეორე ეტაპის — XII-XIII საუკუნეებში შექმნილ და საერთო სტილისტური კონცეფციით გაერთიანებულ ძეგლთა იმ ჯგუფს, რომელსაც შეადგენს ქართლის ტერიტორიაზე ჩრდილოეთიდან სამხრეთისაკენ დაყოფებით განლაგებული იკორთა, ქვათახევი, ბეთანია, კოჯრის კაბენი, ფიტარეთი, წულრულაშენი, ახტალა. ამავე ჯგუფში შედის აგურით ნაშენი და ქვით მოუპირკეთებელი და, მასასადამე, ქვაში ნაკვეთ მორთულუბას მოკლებული ტიმოთესუბანი და ყინწვისი.

ჰუჯაბის შესახებ წარსულიდან მწირი ცნობებია მოღწეული. ვახტანგ მეექვსის ბრძანებით 1721 წელს შედგენილ სტატისტიკურ აღწერილობაში როგორც სამეფო (სადედოფლო) საკუთრება მოხსენიებულია ორი სოფელი: „ხუჯაბი“ და „ხემო ხუჯაბი“.

ვახუშტი ბატონიშვილის თანახმად, რომელმაც 1742 წელს დაიწყო და 1745 წელს დაასრულა თავისი ნაშრომი „აღწერა სამეფოსა საქართველოსა“, ფოლადაურის ხეობაში „...არს მონასტერი ჰუჯაბისა გუმბათიანი, კეთილს ადგილსა, და აწ ცალიერ არს“. სოფლების ვახუშტისეულ სიაში კი გვხვდება სოფელი სახელით — „უჯაბი“.

ვახტანგ მეექვსის დასტურლამაღში (განწესებათა წიგნში) ქვემო ქართლის სხვა პუნქტებს შორის დასახელებულია „ხუჯაბის ქორის ბუდე“, რომელიც დაბეგრული იყო საქორე გადასახადით.

იოანე ბატონიშვილის მიერ 1794-99 წლებში შედგენილ „ქართლ-კახეთის აღწერა“-ში ნათქვამია: „ბოლნისის ხეობას რაც სამეფო სათავადო, სააზნაურო და საეკლესიო სოფლები მიეწერებინან, არიან ესენი: წულრულაშენი (2), ბოლნისელები (3), დარბაზი, სახუნდარი (2), ..., სამწვერისი, ბერდიკი, ლურჯი ვანჭი, ..., უჯაბი, ...“.

დ. ბაქრაძეს 1875 წელს გამოცემულ წიგნში რუსულ ენაზე შეტანილი აქვს ეს ძეგლი და წყაროდ ვახუშტის გეოგრაფიას ასახელებს.

ექვ. თაყაიშვილს 1894 წლის ზაფხულში უნახავს ჰუჯაბი და აღუწერია. მის არქივში ინახება უბის წიგნაკი, რომლის პირველ ფურცელს თაყაიშვილის ხელით აწერია: „გუჯაბი, წერაქვი, ლორე“. ამ წიგნაკის ფურცლებზე ნომრით 33-37 მოცემულია ჰუჯაბის მთავარი ტაძრის საველე აღწერილობა (რუსულ ენაზე).

თაყაიშვილის უბის წიგნაკში შეტანილია კიდევ ცნობა მთავარი ტაძრის ჩრდილოეთით მდგარი ორი მცირე, ადრინდელი ეკლესიის შესახებ. ერთ-ერთი მათგანი, რომელიც შუაში მდებარეობს, ამ საუკუნის დასაწყისში ჰუჯაბის მონასტერში თავშეფარებულ რუს მონაზვნებს დედა ინოკენტისა წინამძღვრობით რამდენადმე კე-

ჰუჯაბი უსკოუს კვლავ უთაყოფავალს

დაუჯაბნელი მოღვაწის სივილი, სულის ჩვენის ძველი ტკივილი

თიღმომწყევიათ ღვთისმსახურების ჩასატარებლად. 1910 წელს შემდგარა ამ საყდრის კურთხევა წმ. ნინოს სახელზე. ამასთან დაკავშირებით 1913 წელს გამოქვეყნდა ვ. პიგარიოვის ინფორმაცია ჰუჯაბის მონასტრისა და მასში მოქმედი რუს მონაზონთა „ივერთა უდაბნოს“ შესახებ.

1936 წლის ზაფხულში ბოლნისის ექსპედიციიდან ჰუჯაბის მონასტერს ეწვევნენ ვ. ჩუბინაშვილი, ირ. სონღულაშვილი, ლ. მუსხელიშვილი ც. გაბაშვილი, ი. გილგენდორფი და სხვ. ამას მოჰყვა ჰუჯაბის შესახებ ცნობები მუსხელიშვილისა და გაბაშვილის შრომებში. ლ. მუსხელიშვილი აღნიშნავს „ტაძარი ხუჯაბისა, მშვენიერი ჩუქურთმებით შემკული მრავალ ანალოგიას გვიჩვენებს წულრულაშენთან“... შემდეგ იგი მიუთითებს, რომ არაბულიდან „ხუჯაბი“... ქართულად შეიძლება ვთარგმნოთ როგორც „ეჯიბნი“... არის ქართული გვარიც — ხუჯაბიძენი“, თან დასძენს, რომ „ხუჯაბის“ არაბული ეტიმოლოგიისათვის განმარტება... ხუჯაბიძეთა გვარის არსებობაც“ მისთვის უცნობებია ივ. ჯავახიშვილს. თავის მხრივ, მუსხელიშვილს აგონდება ფიტარეთის საამშენებლო წარწერაში მოხსენიებული „ამირეჯიბი ქავთარ ქუჯაფაასქე („ქუჯფასქე“) და შემდგომ ძველი ქართული სახელი „ქუჯი“. ც. გაბაშვილი აღწერს ჰუჯაბის მთავარი ტაძრის სამხრეთ შესასვლელს ფოტოსურათისა და სქემის თანდართვით (პორტალის ფოტო შებრუნებით არის დაბეჭდილი).

1959 წელს გამოცა თ. ბარნაველის მიერ შედგენილი ცნობარი „საქ. სსრ კულტურის ძეგლები“ გ. ჩუბინაშვილის წინასიტყვაობითა და ვ. ცინცაძის რედაქციით. მასში მითითებულია: „მარნეულის რაიონი. ...ახქერფი, მიდამოები:

- ხუჯაბი, სამონასტრო კომპლექსი —
- 1. ეკლესია გუმბათიანი, XIII საუკ.;
- 2. ეკლესია, აღრ. შუა საუკ.;
- 3. სატრაპეზო, განვითარ. შუა საუკ.;
- 4. გალავანი, „ „ „ „ ;
- 5. სხვა ნაგებობანი „ „ „ „ .

შემდგომ პერიოდში დღემდე ჰუჯაბი რამდენიმე მკვლევარმა მოინახულა. მათ შორის აღსანიშნავია ქართლის ისტორიულ-გეოგრაფიული ექსპედიციები 1956-58 წლებში, რომელთა შედეგები 1960-64 წწ. გამოქვეყნდა.

უმნიშვნელოვანესი სამუშაო ჩაატარა არქიტექტორმა ავ. შავერდაშვილმა, რომელმაც 1978-79 წლებში რამდენიმე თვე დაჰყო ჰუჯაბში: შეისწავლა, აღწერა და აზომა იგი. მის მიერ მოპოვებული მასალა განსაკუთრებით ფასეულია, რადგან ამაჟამად ძეგლზე მუშაობა გაძნელებულია. შავერდაშვილმა თავისი კვლევის შედეგების საფუძველზე ლ. ხიმშიაშვილის ხელმძღვანელობით შესრულებული სადიპლომო ნაშრომის სახით შეადგინა ჰუჯაბის მთავარი ტაძრის აღდგენა-გამაგრების პროექტი, რომელმაც სპეციალისტების მაღალი შეფასება დაიმსახურა. 1979 წლის ზაფხულში შავერდაშვილმა სამხატვრო აკადემიის სტუდენტთა ჯგუფი ჩაიყვანა ჰუჯაბის მონასტერში რესტავრაციისათვის ძეგლის მოსამზადებლად. სტუდენტებმა გულდასმით გაწმინდეს მონასტრის მაღალი და ხშირი ბალახით გადაბურული ეზო, ტაძრის პერანგისა და მორთულობის ჩამოცვენილი ქვები შეაგროვეს... მათ მიერ ჩატარებულმა სამუშაომ გააადვილა ძეგლის შემდგომი შესწავლა. ქვედა ნაწილი ფასადებისა გამოჩნდა და აღრე შეუმჩნეველი ზოგიერთი ხუროთმოძღვრული დეტალი გამოჩნეურდა.

ჰუჯაბის მონასტერში პირველად 1978 წელს გახლდით. იმ დროიდან მოყოლებული მის შესახებ ჩემთვის ცნობილი ინფორმაციის შეგებას ვახდენდი კოლეგებთან ერთად 1978-83 წლებში ძეგლის ადგილზე შესწავლით, ჩვენს მიერვე გადაღებული დიდძალი ფოტომასალის ანალიზით, არქივებში მუშაობით. და, როგორც მოსალოდნელი იყო, ექვ. თაყაიშვილის არქივში დაცულ ერთ-ერთ უბის წიგნაკში კიდევ მიკვლეულ იქნა ჰუჯაბის მონასტრის მოკლე აღწერა.

ამ აღწერაში გამოყენებულია სახელდება „გუჯაბი“ და შეიძლება გვეფიქრა, რომ „ჰუჯაბი“ თაყაიშვილმა რუსულად ჩაწერა „გუჯაბ“-ის ფორმით, მაგრამ უბის წიგნაკის პირველ ფურცელზე მისივე ხელით არის ქართულად დაწერილი „გუჯაბი“ (ქართული ენის განმარტებითი ლექსიკონის თანახმად „გუჯაბის“ ერთი მნიშვნელობა არის ჯილაგი, ჯიში, მოდგმა).

გელათის 1259-93 წლების სიგელში ნათქვამია: „...ამაჟამად ჩემი მკუთრი პატრონთაგან ბოძებული... ხახულისა ღვთისმშობლისათვის შემეწირა და აწცა, ვითა

მომხსენებია, განაღამე ჰაგრევე მას ჰმსახურებდეს :... , სამნი პარტახტი, რომელთაცან გამოსავალნი: გუჯაბური, დერუ-კული, ქორაული, ზისლაური...“.

„გუჯაბური“ მოხსენიებულია მე-18 საუკუნის საბუთშიც, რომელიც კოდის პურის ნუსხას წარმოადგენს.

1915 წლის სტატისტიკური აღწერილობით 217 ქართველი მოსახლე იყო სოფელ გუჯაბურში.

ჰუჯაბში პირველი ჩასვლისთანავე შეგნიშნეთ, რომ მთავარი ტაძრის სამხრეთი შესასვლელის თავზე, მოჩარჩოების თაღის ქვეშ, ქვის ზედაპირი გულმოდგინედ არის ამოტეხილი. ეს იმას მოწმობს, რომ სამხრეთი პორტალის ტიპიანზე სამშენებლო წარწერა ქართულად იქნებოდა ამოკვეთილი. აქ წარწერა 1894 წელს უკვე არ დახვდრილა ექვ. თაყაიშვილს. მაშასადამე, ქართული კვლის წაშლის ქმედება „არ ახალია, ძველია“ და ჩაღწეულია ამ ტერიტორიაზე მოთარევე თუ ჩამოსახლებულ უცხოთა მიერ...
სხვადასხვა ჯურის მომხდურთა მიერ მრავალჯერ დარბეული და დაკარგებული ეს უძველესი ქართული სოფელი ახლიდან იქნა დასახლებული სხვა ადგილებიდან გადმოსული სომხებით, რომელთა ბოლო ნაკადი მოვიდა შნოლიდან (ყარაბაღი).

ამჟამად ქართველთა ნასახლარი, გადმოსახლებული სომხებით გამოცოცხლებული, მაგრამ უკვე არაქართული, თურქული „ახქერფის“ სახელწოდებით, ტერიტორიულად მარნეულის რაიონს ეკუთვნის. მარნეულიდან ახქერფში მანქანით შეიძლება ჩასვლა შულავერის ან სადახლოს გავლით. ორივე ეს გზა ერთმანეთს უერთდება მდ. შულავერის-წყალთან, ზოგორის საბჭოთა მეურნეობის ახლოს. აქედან საკმაოდ გრძელი და ცუდი გზით, რომელიც სოფელთან მკვეთრად დაბლდება, მანქანა რიბტომ მეფის დროინდელი ერთმალისანი თეთრი ხილით (თურქულად: ახქერფი) სოფლის ცენტრში შედის, გადაჭრის მას სამხრეთ დასავლეთი მიმართულებით და მდინარეში გატოკვის შემდეგ იწყებს ასვლას ბუჩქნარის აღმართზე. აქედან უკვე საკმაოდ შედამართებული გზა შედის ხშირ ტყეში, სადაც იგი ნელ-ნელა ისევ დაბლდება. მაღე, ტყიდან დასავლეთით განაპირებისას, გზის დონეზე, არცთუ ისე შორს, ერთბაშად გამოჩნდება ჯერ სახურავგადაცლილი და მცენარეულით დაფარული გუმბათი, შემდეგ თვით ტაძარი. იგი თანდათან მალდება თვალწინ იმის გამო, რომ მასთან აღმოსავლეთიდან მიახლოებული და მკვეთრად თავიკვედამებული გზა დასავლეთით, ღრმა ხევისკენ, დაფერდებულ ეზოს გარს შემოუვლის სამხრეთიდან.

სწორედ ამ მხრიდან არის შესასვლელი ჰუჯაბის მონასტრის ტერიტორიაზე. აქედან მთელი სიმაღლით მოჩანს ხეობის ტყიანი ფერდობების მყუდრო გარემოცვაში გარინდებული კოხტა ტაძარი. მას მუქი ისფერი ქვის პერანგი (აქა-იქ გაბნეული ჩაღწევი ლაქებით) განდევლობის იდუმალებით მოსავს.

ტაძრის კედლები შიგნიდან შეღესილია; ამჟამად ქვედა ნაწილებში ბათქაში ჩამოკვენილია და აგურის წყობა მოჩანს. ამ საუკუნის დასაწყისში, უფრო ადრეც თუ არა, უპატრონო, კარებგაღიავებულ ტაძარში, პიგარიოვის თქმით, უამინდობის დროს თავს აფარებდნენ არაქრი-

სტიანი მწყემსები თავიანთი ფარით და რა დღეც დაადგებოდა ტაძრის კედლების ქვედა ნაწილებს, ადვილი წარმოსადგენია... მოხატულობის არა — თუ ნაშთი არ ჩანს, მისი ფერადოვანი კვალიც ჩამორეცხილია. კედლის მხატვრობა გაფერმკრთალებული ფრაგმენტების სახით შემორჩენილია ჩრდილოეთ კედელზე, კამარის კალთაზე, აღმოსავლეთი სარკმელის ჭრილში, ისიც იმის წყალობით, რომ ტაძრის სამხრეთ-აღმოსავლეთი კუთხე ორსართულიანია და ძირითად ლორწინგადაცლილ სახურავში ჩაყონილი წვიმა, ან გამდნარი თოვლი, რამდენადმე ფერხდება საღიაკვნესა და მის ზემოთ, მეორე სართულის, სათავსს შორის არსებული კამარული გადახურვის სისქეში.

1983 წლის ივნისში მოვახერხებე მოხატულობის ნაშთთა ფოტოფიქსაცია და კედლის მხატვრობის სქემის ნაწილობრივი აღდგენა. საღიაკვნის კამარის ჩრდილო კალთასა და ჩრდილო კედლის ზედა ნაწილზე განთავსებულ რეგისტრში ფრაგმენტულად შემორჩენილია „ნათლისღება“.

საღიაკვნის ჩრდილო კედლის ქვედა ნაწილები დაფარულია უამრავი ნახშირით შესრულებული თანამედროვე წარწერით...

საღიაკვენდან დარბაზში გასასვლელთან, ჩრდილო-დასავლეთ კუთხეში, ჩრდილოეთ კედლიდან ერთი საფეხურით წინ გამოწეულ, დაახლოებით ერთი მეტრის სივანის სიბრტყეზე შემორჩენილია საერო პირის გამოსახულება იატაკიდან, ასე ორი მეტრის სიმაღლეზე. ჩამორეცხილ მოხატულობაზე, როგორც ნისლში, მოჩანს მავდრებელი მამაკაცი. ყველაზე უკეთ განიჩრევა აღმოსავლეთისაკენ სამი მეოთხედით მიბრუნებული სახე, რომელიც განსაკუთრებულ შთაბეჭდილებას ახდენს რაღაც შინაგანს მიყურადებული მხრით და სინანულისმავგარი გამომეტყველებით. აქვს ოდნე მორკალული, ფაქიზი მოხატულობის თხელი წარბები, ნუშის მოყვანილობის თვალები ქუთუთოების მკაფიო ხაზით, თხელი, სწორი ცხვირი რბილად დაბოლოებული, თითქოსდა, მითრთოვარე ნესტოებით, ზომიერი სისქის ტუჩები კუთხეებში სევდანარევი ღიმილის ჩქამით, მუქი ფერის მომრგვალებული წვერი საკინძემდე, წვერსშეერთებული არც თუ სქელი უღვაშები, ყურის ძირთან შეკვეცილი მუქი თმა.

მისი საზეიმო სამოსელის თეთრ ფონზე მუქი მოჩითვის ძლიერმსამხნევი კონტურული კვალია. ცალი მხრიდან მკერდზე ირიბად გადმოშვებული აქვს განიერი ლენტე (ლორანი?), რომლის ღია ფონზე მუქი, არათანაბარი ზომის ლაქების თაკისუფალი განლაგებაა (იქნებ, მსხვილი ძვირფასი ქვების შესაძლო მორთულობისა), კიდევზე კი ჩასდევს არშია ორ ხაზს შორის მოქცეული მუქი ზოლის სახით. განიერი, ნაპირებზე თეთროლიანი, მუქი ფერის სამკალაური წაბლწულია ნახშირით შეიარაღებული თანამედროვე „ბარბაროსის“ მიერ. მკრთალი ფერის თავსაბურავს ზემოთ აქვს შროშანისებური კუწუბოები, რომელთა უკან მოჩანს მრგვალი თაღი ღილისმავგარი წვერით და, თითქოს, განზე ცერად გაშვებული წვეტები (ამ უკანასკნელთა შესახებ დაბეჯითებით თქმა ძნელია). აქვე, მამაკაცის გამოსახუ-

(დახასრული 28-29 გვ-ზე).



აბუა წერილში მწუხარებით მიუწყებდა: „ალარა გეყავს მარსი. ამ ორი ღლის წინ დავასვენებ...“
საცოდავი. რას იზამ...
ალბათ, თავისი ჯერი წუთისწილად...

ფელი. ლეკვი მინდა, მაგრამ სადაა...“
ბაბუაჩემი ლეკვს საგანგებოდ არჩევდა, წრთვინდა და რომელიმე ციური მნათობის სახელს არქმევდა. კარგი და ერთგული ძალი იქაც სულს უნათებდსო, არაერთხელ უთქვამს.

როგორმე უნდა გამექარვებინა მონადირისთვის დარდი, მაგრამ რამდენიმე უიღბლო ცდის შემდეგ, ხელი ჩავიქნე ისეთი ლეკვის შოვნაზე, რომელიც მარსის შეცვლას შესძლებდა. ყოველდღიურმა დიდმა და პატარა საზრუნავმა ისევ ჩამათრია თავის მორვეში და ბაბუას საზრუნავიც გადამაკიწყა.

წერილზე პასუხიც არ მქონდა გაცემული, რომ ტელეგრაფმა მივიღე, სასწრაფოდ ჩამოდიო. ბებიაჩემი ტყუილუბრალოდ არ შემაწუნებდა. დარდისგან გახდა, ალბათ, ბერიკაცი ავად.

ულეკვოდ სოფელში არ ჩამესვლებოდა. ავაწრიალე თანამშრომლები, მეზობლები. ნაცნობ-მეგობრები. ვალიც დავიღე და მიზანს მივალწიე. სასწრაფოდ მივატოვე ქალაქი და სოფლისკენ გავეშურე.

ჩია, დალეული მოხუცი საწოლზე იწვა და განძრევის თავიც ალარ ჰქონდა.

— რა მოგივიდა, ბაბუა?
ბერიკაცმა აჯანკალებული, ძვალზე ტყავგადაკრული მარჯვენა გამომიწორდა. ეტყობოდა ლაპარაკი უჭირდა. ჩემი შეკითხვა ვერ გაიგონა და ხმის აწვეა მომიხდა.

— თავს როგორ გრძნობ?
ისე შეატრიალა გაძვალტყავებული ხელი ჰაერში, თითქოს უნდოდა ეთქვა, მე რაღა საკითხავი ვარო.

— შენ როგორ ხარ? — გაჭირვებით ამოღერდა.

— მაგრამ! — მოჩვენებითი სიმხნევით ვიყვირე მე.

— გავლიმა.

— ხო, მართლა, შენი სურვილი შევასრულე!

მეორე ოთახში გავედი, ლეკვი შემოვიყვანე და საბანზე დავუსვი:

— ხომ კარგი ლეკვია? მარსის ჯიშისაა...
ალერსიანად გადაუხვა თავზე ხელი ლეკვს და გულზე მიიკრა. თავს მიქნევდა, რითაც შეფასებასაც გამოხატავდა და მადლობასაც.

— აწი რა უჭირს! — დაასვენა ოთახში შემოსულმა ბებიაჩემმა.

ბაბუამ ისე აიქნია ხელი, თითქოს მანიშნა, ქალებს რა ჰქუა მოეთხოვებათო.

— მაგი უნდა მაგას? წამალი ჩამოგეტანა ქემანც.

— ჩვენ ვიცით, მონადირის წამალი რაცაა, — თვალი ჩავუკარი ბაბუას.

ღიმილით დამიქნია თავი. ბებიას ლეკვის წაყვანა არ დაანება და ასე ჩამიძინა. მგზავრობით დალილიმა ლეკვმაც მიღულა თვალი მის გვერდით.

სიგარეტის მოსაწევად აივანზე გამოვედი. ბებიაც გამომყვა.

— რა დაემართა?

— ხომ იცი, მაგის მოუხვენრობის ამაზი. სულ მთლად გალუმბული და გრძობადაკარგული ამოიყვანეს მეზობლებმ. ლელედან, — რალაცას მიმაღლავდა ბებია. თვალს მარიღებდა და ჩუმად ოხრავდა.

ორიოდე საათის შემდეგ რაიონული ცენტრიდან საგანგებოდ ჩამოვიყვანე

ადგილობრივი მთავარი ექიმი და ბაბუს დაეყენე თავზე. რაიონის მთავარმა ექიმმა აულელებლად გასინჯა. კარადაზე დაწყობილ წამლებს დახედა. სწორი მკურნალობა დაუნიშნავს სოფლის ექიმსო, თქვა.

ხელები დაიბანა. ღიბზე ღილი შეიხსნა. მდიანად ივანშმა. ჯიბეში ჩაცურებული ოცდახუთმანეთიანისთვის არც დაუხედა, მაგრამ უტყუარი გუმანით განსაზღვრა გასამრჯელოს რაოდენობა, ეტყობა ეცოტავა და ჩქარი ნაბიჯით მიაშურა ეზოში გაჩერებულ მანქანას.

— რას გვირჩევთ, ბატონო? — დავეწიე მიმავალს.

— რა უნდა გირჩიო? სხვა დროს ტყუილად ნუ მომაცდენ!

— რა ბრძანეთ? — ავენთე.

— რამდენი წლისაა ბაბუაშენი? — მოლბა ექიმი.

— ოთხმოცდაცამეტისა.

— უკვდავი არავინაა ამქვეყნად. სუფთა ჰაერმა, არხეინმა ცხოვრებამ გააძლგებინა ამდენ ხანს, თორემ სული როგორ უღვას. საოცარია.

არც დამშვიდობებია, ისე მიიჯახუნა მანქანის კარი. ბოლბა მომწვა ყელში, მაგრამ თავი შევიკავე. ოდას მივაშურე. ბაბუამ საწყლად გამიღიმა.

— სუფთა ჰაერმა, ნადირობამ, არხეინმა ცხოვრებამ ას წელზე მეტი უნდა გააძლგებინოსო!

— არხეინმა ცხოვრებამო? რა. ესმის მაგას! მთელი ჩემი სიცოცხლე გადასახლებაში ვავატარე. — გაბრაზებამ მთელი ფრაზა გამართულად წარმოათქმევინა ბაბუს.

ძლივს! დავამშვიდე. დილოვს თავი ავარიდე, რადგან არ მინდოდა ვადამელალა. ისევ აივანზე გამოვედი სიგარეტის მოსაწევად და შევებით ამოვისუნთქე. ბოლო ფრაზამ ბაბუს გამოჯანმრთელების იმედი დამიბრუნა.

ოთახში დავბრუნდი და მხოლოდ ახლა შევათვალიერე იქაურობა. თვალში პირველად კედელზე ირმის ქორბულა რქები მეცა. ახლა შევამჩნიე, რომ სწორედ ამ რქებზე ჩამომეკიდა პალტო. თუმცა ბეზიას თავშალი, გვერდით, ქალაქში შექენილ ტანსაცმლის სტანდარტულ ჩამოსაკიდზე ეკიდა.

ირმის, ისევე როგორ მეზობელ ოთახში ჯიხვის რქებს, გარეული ტახის ეშვებს, ბაბუა ტანსაცმლის ჩამოსაკიდალ ხმარობდა. მე აღრეც ყოველთვის ბაბუს ნანადირევზე ვკვიდებდი ტანსაცმელს, რითაც ბეზიას ფარულ ღიმილს და ბაბუს მრავალმნიშვნელოვან თვალის ჩაკვრას ვიმსახურებდი.

სტუმრების მისაღებ ოთახს, „ხალას“ რომ ვეძახით, ისევ ამშვენებდა ორი დათვის ტყავი, რომლებსაც თითქმის აღარ შერჩენოდა ბეწვი და განეხეშებული კანიც აქა-იქ დასკდომოდა.

ჩვეულებრივ იატაკზე დაგებული ტყავები ამჯერად ტახტზე დამხვდა სათუთად დაფენილი.

ვეფხვის ტყავი კი კედელზე გაეკრათ გულმოდგინეთ. საგრძნობლად შელახული გახლდათ, მაგრამ უსურის ტაივარში ნადირობის ამბავს იმდენად შთამბეჭდავად ჰყვებოდა მონადირე, რომ თანამეცხედრეს აზრდაც არ მოსკლია, როდესმე ესთეტიკური, ან თუნდაც ჰიგიენური მოსაზრებით გაეხედა მისი ხელყოფა.

გაზაფხული იყო, მაგრამ ღამით ოდის ცარიელ, თითქოს დაობლებულ ოთახებ-



გივი ჩხიკვიანი

მონადირის სიკვდილი

გოთხროვა

ში ციოდა. შეშა შემოვიტანე და ბუხარს შევუკეთე.

ბებია სასთუმალთან იჯდა და ისეთი სევდა დაგუბებოდა თვლებში, რომ უცებ ჩემთვის ნათელი გახდა იმ ორი ადამიანის დიდი სიყვარულისა და სინაზის, ურთიერთგაგებისა და გატანის შეუტნობლად დარჩენილი ისტორია, რომლებსაც ბებიას და ბაბუს ვეძახდი.

ბებიასა და ბაბუს ტანსაცმლის ჩამოსაკიდი! აქამდე მეგონა, რომ ამ ერთი შეხედვით უმნიშვნელო საგნით, ორი ერთმანეთს შებერებული ადამიანის ცხოვრებისეული პოზიცია მკლავდებოდა და ამიტომაც ხაზგასმით წარმოვაჩენდი საკუთარ დამოკიდებულებას. მხოლოდ ახლა-და მივხვდი, რომ ბებია კი არ უპირისპირდებოდა დაბერებული მონადირის ახირებას, არამედ უფროთხილდებოდა ნანადირევს, რომლისთვისაც დროს თავისი დალი დაესვა.

პალტო ბებიას ჩამოსაკიდზე გადმოვკიდე. უსიტყვოდ მიმიხვდა ბებია ყველაფერს და ცრელმომდგარი თვლებით მითხრა მადლობა. მხრებზე მოვხვიე ხელი და ბუხრის წინ დავსვი. მონადირეს ეძინა.

ბაბუს უყვარდა ბუხართან ჯდომა და სანადირო თავგადასავლების მოყოლა.

მზად ვიყავი დაუსრულებლად მესმინა ეს ამბები, რომლებიც ყოველთვის ახალ-ახალი ვერსიებით მდიდრდებოდა. ბავშვობაში თვითონ ამბავი მიტაცებდა, შემდეგ კი მისი ვარიაციებიცა და ბაბუაჩემის, როგორც მთხრობელის ამოუწურავი შესაძლებლობანი.

სოფელში ისინი ლეგენდებად ვრცელდებოდა. მხოლოდ ბერიკაცებს, ვინც ახალგაზრდობაში იცნობდა ბაბუს, და ბავშვებს სჯეროდათ მონაყოლისა. გაზვიადების ელემენტი მათში უთუოდ იყო და სწორედ ეს იწვევდა მსმენელთა ირონიულ დამოკიდებულებას.

მოხუცი მონადირე გრძნობდა ამ ირონიას და მსმენელთა რაოდენობის შემცირებასაც მწვავედ განიცდიდა. მისთვის სულ უფრო ძნელი ხდებოდა ღუმელი და თხრობის დროს დამაჯერებელი პრობორციების დაცვაზე ზრუნვა.

იქნებ ნანადირევს იგი არგუმენტის მნიშვნელობას ანიჭებდა? ნივთიერი მტკიცების მოშველიების საჭიროებასაც ვერ შერიგებოდა და უფრო საკუთარი თავის, ვიდრე სხვების დასაჯერებლად ცდილობდა, ნანადირეისთვის ყოფითი დანიშნულება მიეცა.

ულმობელი დრო კი თავისას აკეთებდა. მონადირის ნადავლს უკვე კარგა ხანია და-

ეკარგა არამარტო ყოფითი, არამედ ყოველგვარი ფუნქცია. ძველი მონადირისთვის კი წარმოუდგენელი იყო ნადავლთან ისევ, როგორც წარსულთან, წუთისოფელთან, სამარადისო განშორება.

— დაწევი, ბიჭო, დაისვენე, დაიღებოდი მგზავრობის მერე, — ჩურჩულით თქვა ბებია. ეტყობა პირველად არ ათენებდა ღამეს ავადმყოფის სასთუმალთან. დიდხანს ვერ დავიძინე. ვვარაუდობდი. რა უნდა მომხდარიყო ისეთი, რომ ჯერ კიდევ ჯანმავარი ბერიკაცი, ლელედან მეზობლების ამოსატანი გამხდარიყო. ვერაფერი მოვისახურე. მეხსიერებაში ამოტივტივებული თევზაობის ეპიზოდებიც თანდათან გაქრა და ჩამიძინა.

რატომღაც იმ ღამეს ყველაზე უსიამოვნო მოგონება გამიცოცხლდა სიზმარში. თითქოს ერთხელ კიდევ ამოვიყვანე უხსენებელი ბადით...

აფართალბული თევზების სიმძიმით გახარებულს ლამის იყო ყოყინა ამეტებს, მაგრამ ბადიდან თავგამოყოფილი ქვეწარმავლის დანახვამ და მკლავებზე ცივი, დაკლანჯილი სხეულის შეხებამ, ენა წამართვა. ცივმა ოფლმა დამასხა. ბადე მოვისროლე და თავქუდმოგლეჯილი გავიქეცი...

ოფლში გაწურულს გამელვიდა. სასწრაფოდ გავვარდი მეორე ოთახში. ბაბუა უქეთესად გამოიყურებოდა.

— რა ლეკვია, ბიჭო! — შემეხმიანა ჯერ კიდევ სუსტი, მაგრამ გახარებული ხმით.

— ვისაუბრებოთ, მგელივით მშია, — ვთქვი დამშვიდებულმა და მართლაც ვიგრძენი შიშშილი.

თავი დამიქნია.

ბებია დაფაცურდა, სასწრაფოდ შემოიტანა საჭმელი. ბაბუა უმადოდ ილუქმებოდა. მერე ლეკვს მიაწოდა ხორცის ნაჭერი და მის მსუნავობაზე გაელიმა.

— მაგის გასაძლომად ვიკლავდი თავს? — აწუწუნდა ბებიაჩემი.

თუფშები რომ გაქონდა დიასახლისს ოთახიდან, საიდუმლოდ მიხზო ბაბუამ სასთუმალთან.

— ჩვენი თავმჯდომარის მძლოლი მოინახულე, შემატყობინე როგორაა. ნურაფერს დამიშალავ თუ კაცი ხარ.

— სად ცხოვრობს?

— ასმათთან არის ჩასიძებული... ვინც კაცად ვარგოდა, ყველა ქალაქში გაგვქეცა. დარჩა მაგას ბურთი და მოედანი.

ჩავიცი და წასასვლელად გავემზადე.

— არ უთხრა, რომ მე გამოგაგზავნე, — კარებთან დამეწია მისუსტებული ხმა. — თუმცა ასმათი მაინც გიცნობს.

მინდოდა მეკითხა ასმათი ვინაა-მეთქი, მაგრამ თავი შევიკავე.

კითხვა-კითხვით მივაგენი თავმჯდომარის მძლოლის ორსართულიან სახლს. ცუდ დროს მომივიდა მისვლა. ოჯახის წევრები საუზმობდნენ. პირველი სართულის ერთ-ერთ ღია კარში ჩანდა მაგიდასთან თავდახრილი ორი ბიჭი, ქალი და კაცი. კაცი ზურგიდან იჯდა ჩემკენ და თუმცა მარჯვენა მხარი შეხვეული ჰქონდა, ორივე ხელს სწრაფად ამოძრავებდა.

— მასპინძლო! — დავიძახე მე.

კარი მიიხურა. მცირე ხნის შემდეგ ქალი გამოვიდა გარეთ და საგულდაგულად ამათვალიერ-ჩამათვალიერა.

— რა გნებავთ?

— თავმჯდომარის მძლოლის ნახვა მინდოდა.

ქალი შეკრთა, თვალს არ მაცილებდა,

თითქოს მიცნო. მეც გავიფიქრე, რომ ეს ჯერ კიდევ ახალგაზრდა, მაგრამ თავლებელი შრომისგან უდროოდ დაბერებული სოფელი ქალი სადღაც მენახა.

— ცუდაა, ბატონო, ვნახავ თუ არ ძინავს.

კარი ისევ საგულდაგულად მოხურა. საკმაო ხანს ვყურუყურებდი გაურკვეველ მდგომარეობაში. უკან გაბრუნებაც კი დავაპირე, მაგრამ ბაბუას მოლოდინით სავსე თვალები გამახსენდა და დავჩვი.

— მობრძანდით! — დამიძახა ქალმა მეორე სართულიდან.

ზევით ავედი. მასპინძელი მდიდრული ავეჯით მოწყობილ ოთახში შემიძღვა. საწოლზე უხეშნაკეთებიანი სახის კაცი გაქიმულიყო და დაძაბულად მომჩერებოდა. არ მომეწონა ამ კაცის დაქინებული და გაბოროტებული მხერა, მაგრამ არაფერი შევიმჩნიე.

— გამარჯობათ, როგორ ბრძანდებით! — უხერხულად ავიტუხე საწოლთან, რადგან დაჯდომა არავის შემოუთავაზებია.

— ინვალიდადა არ ვარ, მაგრამ ჩემ მტერს მაინც არ გავახარებ! — რატომღაც დაუფარავი მუქარით მიპასუხა მწოლიარემ.

დავიბენი, აღარ ვიცოდი, რა მეთქვა.

— თუ კაცი ვარ, მაგ ტყუილების გულის ოხტში ამოვალ — სიბრახისაგან დორბლმორეულმა საბანი გადაიხადა და მძლავრი აღნაგობა გამოამჩურა.

ვიცანი. ის კაცი იყო, ამ მცირე ხნის წინ მაგიდასთან რომ იჯდა და საჭმელს ორი ხელით იტენიდა პირში. ცივ მხერას არ მაცილებდა.

გაოგნებული ვიდექი. თავი სიზმარში მეგონა. ისევე დამეუფლა ის გრძობა. ღამით რომ განვიცადე. თითქოს ისევ ამოვიყვანე ქვეწარმავალი ბადით.

— ამისხენით, რაშია საქმე? — რაც შეიძლება მშვიდად ვიკითხე.

— ვითომ არ იცი, იმან არ გამოგაგზავნა?! მძლოლა დაბნეულობა შემატყო.

— გადი, ქალო, გარეთ, ჩვენ მამაკაცური ლაპარაკი გვექნება! — ახლა ცოლს უყვია.

ქალი უსიტყვოდ გაიძურწა ოთახიდან.

— დაგიშალა არა? მოგიყვებოდა, როგორ გაწყვიტა ტაიგაში დათვები და ვეფხვები, მაგრამ ამ სიბერეში ადამიანზე ნადირობა რომ დაიწყო, იმას გაგიმხელდა?

თავჩაქინდრული ვიჭექე და ვუსმენდა. არ შემიძლო ამ კაცის უტიფარი სახისთვის მეცქირა.

— თავმჯდომარეს სტუმრები ჰყავდა რაიკომიდან. ისიც იყო, — რატომღაც ხმას დაუწია მძლოლა და თითი ჭერისკენ აიშვირა. — ჰოდა, რომ დალიეს, ცოცხალი მოუნდათ.

მაგან მანამდე სოფელში ჭორი გაავრცელა, ლელეში თევზი მომრავლდა და დაუჭარე მეც. ორი თავი ღორჯოს მეტი ვერაფერი ვიშოვე.

მოვარდა ცოფიანივით, მოყვა გინებას და გაგდება მომინდომა. ცარიელი ხელით ვერ მივალ, სტუმრები გყავს-მეთქი, ავუხსენი. მამაზეციერი რომ გყავდეს სტუმრად, მაინც არ მოგკემ ნებასო. — გამეჭიმა. წადი ზიძია სახლში-მეთქი. კვარი ხელი.

გავარდა სახლში, მოიტანა თოფი და დამიხიზნა. რომ ვერ შემაშინა, მესროლა, — ბოლმიანად, ნაწყვეტ-ნაწყვეტ ყვებოდა მძლოლი.

ვხვდებოდი, არ იყო ბოლომდე გულახდილი.

— ახლაც გაუგებარია რამე?! — იყვირა.

— დიახ, რის ნებას და რატომ არ გამლევდათ?

— მაგას თავისი გონია ლელე, სოფელი.

— დინამიტს ისროდი? — ჭიქურ დავუსვი კითხვა.

დაეჭვებით შემათვალიერა.

— შენ იმის შვილიშვილი ხარ, თუ გამომძიებელი?

— გამომძიებელი ნამდვილად არა ვარ.

— იმ თავქარიანის შვილიშვილი ხომ ხარ?

— ვის გულისხმობთ? — ჯერ კიდევ ვცდილობდი, შემენარჩუნებინა ზრდილობიანი ტონი.

— ვითომ არ იცი, ვისი? — აგდებულად მიპასუხა. — აქ მოსვლა თუ გაბედვნი გეშინია, სტუმარი ხარ, ვინც არ უნდა იყო.

— მერე, ვინ გითხრა, რომ მეშინია? — გავუსწორე თვალი.

— შენ ცალი ხელით გიჩვენებ სერიას! — ისევ აყვირდა და საბანი გადაიხადა.

— ნუ შეწუხდები, იწექი, — საწოლთან დავიხარე, ხელი დავუჭირე და საბანი გადავაფარე.

აფართალბა, ხელის ვანთავისუფლებას ეცადა, მაგრამ არაფერი გამოუვიდა და ნირი წაუხდა.

— ყველაფერი თქვი უკვე?

— დანარჩენს სასამართლოზე ვიტყვი, — ჩაიბურღლუნა ჩემს ვასაგონად.

— ჯერ ერთი, დინამიტისათვის დასასჯელი თვითონა ხარ. ამიტომ არ იჩივლებ. მეორე, თუ გავიგე, რომ ბაბუას მისამართით წამოგვდა კიდევ რაიმე უხიავი სიტყვა, მაშინ იცოდე, მე არ აგაცდენ, — დაგროვილ ბოლმას ვერ მოვერიე და მუშტი სახესთან მივუტახე.

ამ არგუმენტმა სწრაფი ზემოქმედება მოახდინა.

მე რომ რაიმე მომსვლოდა, ჩემ ბიჭებს ის მოუვლიდა, თუ შენ? — მოისაწყლა თავი მძლოლა.

— უშენოდ შეიძლება ადამიანებად დაზრდილიყვნენ, შენს ხელში კი ძალიან საექვლა.

— ზარალსაც არ ამინახლავრებთ? — ახლა ვაჭრობის ხასიათზე დაღვა იმედგადაწურული.

— ეგ კიდევ გასარკვევია, ვინ უფრო დაზარალდა. იცოდე, ავადა ბაბუა და რამე რომ მოუვიდეს...

— ქალო! — აღრიალდა უცებ მძლოლი, ოთახში ქალი შემოიძურწა. სახე გაწითლებოდა და თვალს მარილებდა. ახლალა მენიშნა ბაბუას სიტყვები, ასმათი გიცნობსო. გამახსენდა, ბავშვურ თამაშობათა მონაწილე სოფელი ცქრიალა ვოგონა. როცა წამოიზარდა, ჩემს დანახვაზე რატომღაც წითლდებოდა და მემალდებოდა. ბებიაჩემი ისე მიქებდა ასმათს, რომ ვატყობდი, საითკენაც უმიზნებდა...

— გააცილე სტუმარი! — უბრძანა ქმარმა ცოლს და თვალები დაუბრიალა.

— კარგად ბრძანდებოდეთ! — აღარც მე დავარღვიე ეტიკეტი.

— წამოვდგები და მოგივლით ორივეს ერთად, — კარის ზღურბლთან დამადევნა გათამამებული.

აღარ შემოვბრუნდი. ასმათი და კართან ატუხული ბიჭები დავინდე.

ბაბუაჩემი მოუთმენლად მელოდა.

— როგორაა? — მკითხა ოთახში შესვლისთანავე.



— ჰრილობა უმნიშვნელოა და მალე შეუხორცდება.

— კარგი ერთი!

— გეუბნები, დათვივითაა-მეთქი და დამიჯერე.

თუმცა უკვე ვიცოდი, რაც მოხდა, მაგრამ მაინც ვთხოვე ბაბუას, მოეთხორო ყოველივე. მინდოდა, დარდი გაეზიარებინა ჩემთვის და ამით შემსუბუქებოდა მძიმე ტვირთი.

მიყვებოდა ბერიკაცი. ყოველთვის მოცუბდა მისი თხრობის უნარი, თითქოს ხატავდა, ისე ხატოვანად აცოცხლებდა ამბავს.

მიყვებოდა ბაბუა და თვალწინ მედგა აფეთქების ხმაზე დელესაკენ გაქცეული მოხუცი. ამღვრეულ წყალში გულადმა ამოტივტივებული ლიფსიტები. აღლეკვებული ბერიკაცი, რომელიც ჯერ დარწმუნებას ცდილობდა, მერე ევედრებოდა. ბოლოს იმედგადაწურული ეჯაჯგურებოდა თავმჯდომარისა და მისი სტუმრების იმედით საკუთარ სიძლიერეში დარწმუნებულ ავკაცს.

დადუმდა თხრობით დასუსტებული. ვგრძობდი, დუმილი უნდა დამერღვია, მეთქვა რაღაც, მენუგეშებინა.

— შარშან კარგი მიმინო გყავდა ბაბუა? გაოცებულმა შემხედა და თავი დამიქნია.

— ასე იცის მიმინოთი ნადირობამ.

ვერ მიმიხვდა მონადირე. ალბათ ეგონა, რომ მინდოდა უსიამო თემიდან გადამეხვია და მხარი ამიბა.

— კარგი თოფი ახლა ყველას აქვს. იშოვება მალაზიაში და ყიდულობენ. ორიოდე მწყერილა-ლა თუ დაფრინავს ჩვენს ყანებში და ათი მონადირე დასდევს თოფით...

— სროლა ხომ არ დაგავიწყდა?

ახლა კი მიმიხვდა, საითკენ ვუმიხვებდი და თავი იმართლა:

— შევაშინებ-მეთქი, მაგრამ ხელი ამიკანკალდა და...

— მსუბუქად დაჭერი, თუმცა აჯობებდა უფრო ზუსტად მოგვევადრებინა.

— რას ამბობ, ბიჭო, ის ვერ მომინელებია, კაცს როგორ ვესროლე-მეთქი.

— ორი მსოფლიო ომის მონაწილე მეუბნები მაგას?

— იქ მტერს ვესროდი.

— მტერს... ეგ შენ ვინ გგონია? მაგისთანები მარტო ბუნებისა კი არა, ყველა ჩვენგანის მტრები არიან.

ბერიკაციმა თითქოს შევბა იგრძნო.

— მაინც დასაფასებელი კაცია...

— რა თქვი? — გაოცებული ჩავეკიოხე.

— მტერი დაუძახე შენ. ეგ არსად არ გარბის. არც აპირებს.

მივხვდი, რისი თქმაც უნდოდა ბერიკაცს და სიტყვა ყელში გამეჩხირა.

— მითუმეტეს, ჰკუის სწავლება არ აწყენს.

— ვიცოდი, გამიგებდი. სასამართლოსი არ მეშინია. პასუხსაც ვაგებ. მაგრამ, — ნაწყვეტ-ნაწყვეტ ლაპარაკობდა, ეტყობოდა ძალზე გადაიღალა.

— დაისვენე ახლა ბაბუა, დანარჩენზე მერე ვილაპარაკოთ.

იმ დამეს აღარ დავანებე ლამის თევა ბებიას. ვიჯექი ავადმყოფის სასთუმალთან და ჩემი ბავშვობის საუკეთესო ეპიზოდები მახსენდებოდა.

ბაბუას წყალობით საზაფხულო არაღდეგების სოფელში გატარება ყოველ-

თვის დღესასწაული იყო ჩემთვის. ახლაც წარმომიდგა თვალწინ ვათილი ჯიხვე, რომელსაც შუაში კალიების ან სველი ქადის გუნდა ეკრა, კრძელი კანაფით მიბმული მოფარფარე ლყო, რომელიც თანდათან სწავლობდა მონაცვლე ორიენტირის მიმართულებით ფრენას.

დაუფარავი აღტაცებით ვაკვირდებოდი ყოველ მოქნივას. დაჟო სულ უფრო იშვიტად ეკიდებოდა თავუკულმა. ბოლოს მშვენიერი სანახავი იყო ბაბუას დაკოწრულ ხელში საოცარი რიტმით ათამაშებულ ჯიხვე აქეთ-იქეთ მფრინავი ჩიტი.

ბექობზე წნელის ქონში გატარებულ საათებს რა დამავიწყებდა! ჩემს სიხარულს საზღვარი არ ჰქონდა, როცა ბაბუა მიმინოს მოსატყუებლად ჯიხვეს მანდობდა. ერთხელ ტყვიასავით წამოსულ მიმინოს ვერ ავაცილე ჩიტი და ბადე ორივეს ერთად გადავაფარე.

თუმცა ხელოვნება სწორედ იმაში გამოიხატებოდა, რომ მსხვერპლი მოხერხებულად ამეცდინა კლანჭებისაგან და ბადე დროულად დამეფარებინა მხოლოდ მტაცებლისათვის. გამოცდილ მონადირეს არაფერი უთქვამს.

იმ მიმინოს ჩასისხლიანებული თვლები ჩემში კარგა ხანს იწვევდა შიშნარევე ძრწოლასა და ბრახს. მხოლოდ მაშინ, როცა ისწავლა მონადირის სურვილის უყოყმანოდ შესრულება, შევამჩნიე, როგორ დაწმენდა თვლები მტაცებელს.

მიმინოთი ნადირობა მართლაც დიდებული სანახაობა იყო. ბაბუას ხელიდან აფრენილი მტაცებელი, მსხვერპლს რომ დააცხრებოდა, საკუთარ ნადავლს დაუფიქრებლად მიუტანდა მონადირეს.

ჩამძინებოდა სასთუმალთან. ფეხაკრეფით დადიოდა ოთახში ბებია. ლეკვს ეფერებოდა ბაბუა. საათისკენ გავაპარე თვალი. დილის ათი საათი იყო.

— წელს არ აპირებ მიმინოს გაწვრთნას? — უფრო უხერხულობის დასაფარავად ვკითხე.

— მინდა.

— ღირს კი შრომად და წვალებად?

— ღირს, — გადაწყვეტით მითხრა. — არ არსებობს მტაცებელი, რომლის მორჯულება არ შეიძლებოდა.

— მტაცებელ კაცს ვერ მოარჯულებ, თორემ, — დაუმატა ბებია და საუზმის მოსატანად გავიდა.

ჩაფიქრდა ბაბუა:

— თუ სოფელი სოფელს არ ემსგავსება და კაცი კაცს, რაღა იქნება მაშინ ჩვენი ცხოვრება...

— გულს ნუ გაიტეხ, არც ეგერა საქმე, თავი დამიკრა მონადირემ.

— ის მითხარი, როდის ვინადირებთ ერთად?

ამ სიტყვებზე ბაბუა წამოდგა, წელგამართულმა რამდენიმე ნაბიჯი გადადგასიარული უჭირდა და ხელი შევაშველე. დასუსტებულმა ისევ საწოლს მიაშურა.

ვისაუზმეთ. საგანგებო თათბირის შემდეგ გადავწყვიტეთ, როგორც კი ფეხზე წამოდგებოდა, ლეღზე წავსულიყავით. საუზმის შემდეგ ჩაეძინა მოქანცულ ბერიკაცი.

აივანზე გამოვედი. ეზოში გვრიტი დავინახე. გამაღიზიანებლად დახტოდა ჩვენი ოდის წინ.

ბაბუას თოფი გამოვიტანე და ვესროლე. გვრიტი შეფრთხილდა, გაფრენა სცადა, მაგრამ უსულოდ დაეცა მიწაზე.

თავქუდმოგლეჯილი გავვარდი ეზოში. ხელში ავიყვანე უსულო ფრინველი და

მონადირისეული სიამაყე ვიგრძენი, მივაბიჯებდი ოდისკენ და თან ვაფრქობდა ბაბუას გაეხარებ-მეთქი: გიგ...
 თოფის გავარდნის ხმაზე გაღვიძებოდა. — რა ამბავია? — მომესმა მისი ხმა.

გაბრწყინებული, ნანადირევით ხელმართული შევედი ოთახში. სახე შეეცვალა მოხუც მონადირეს.

— რა მოხდა?!

— ამდენი არ იცი ამხელა კაცმა, ამ დროს ბარტყები რომ ყავთ ჩიტებს? — ბაბუას მაგივრად მიბასუხა გულდაწყვეტილმა ბებიაჩემმა.

გავშრი. ხმა ვერ ამოვიღე. თავჩალუნული ვიდექი ერთხანს. ეტყოდა შევეცოდე და ისევ ბაბუამ დაარღვია დაძაბული სიჩუმე:

— მონადირეებს ბუნების პატივისცემა გვმართებს და მტაცებელი ცხოველების განუკითხავი ხოცვა-ჟლეტაც კი არ გვებატება. მაგრამ ამას ვინ ჩივის. როცა უფრო დიდი ცოდვისგან ვერ დაგვიღწევია თავი.

— რა ცოდვაა ასეთი?

— ადამიანების ადამიანებზე ნადირობა. ომის დროს კლდე შეიძლება შეეგუო ამას, მაგრამ მშვიდობიანობისას, თანამემამულისა და თანამშობის გამეტებას, გამართლება არ მოეძებნება.

— სიბერეშიც არ იშლი შენსას? ახალგაზრდობა ხომ გაიმწარე და თუ გადარჩი, მხოლოდ იმიტომ, რომ ერთ-ერთი პირველთაგანი გადაგასახლეს. — აბუზღუნდა ბებია.

— მოაზროვნე ხალხს რომ ვაუწყორდენ, მერე ისე გაუჯდათ ძვალ-რბილში სისხლის წყურვილი, ერთიმეორეს დაერივნენ. ასეც იყო მოსალოდნელი, რადგან შეუზღუდავი ძალაუფლება იმათ იგდეს ხელთ, ვისაც სამშობლოს ცნებაც კი დაკარგული ჰქონდათ.

— „დიდ ქართველს“ გულისხმობ?

— მარტო რას განდებოდა. ახლა ყველა უბედურებას მაგას აბრალებენ, ავიწყლებათ, რომ კლასობრივმა დაუნდობლობამ, წითელმა ტერორმა და დიქტატურამ დაბადა დიქტატორი, ჩააყენა იგი იმ ხელისუფლების სათავეში, რომელსაც განუკითხავი რეპრესიები, ადამიანებზე ნადირობა ედო საფუძვლად.

მიგჩერებოდი ჩემს სისხლბორცულ წინაპარს. მეგონა ყველაფერი ვიცოდი მის შესახებ, თურმე არც მცნობია. ვერაფრით წარმოვიდგენდი, ასეთ ტკივილს თუ ატარებდა მთელი ცხოვრება.

— გიკვირს? მამაშენისთვის არ გამიმხელია, მაგრამ შენ ვერ დაგიძალე. არ მინდა, ნაოცნებარი თან ჩავიტანო, შენ მაინც უნდა მოესწრო სანატრელ დღეს. მე ჩემი ჯერი წუთისოფელი მოვინადირე უკვე...


— რას ამბობ!

— ახალს არაფერს. ისიც კი, ვისაც აქ მარადიული მასპინძელი ჰგონია თავი და სხვებს ისტუმრებს იმქვეყნად, წუთისოფლის სტუმარია. სწორედ იმიტომ, არავისა აქვს სიცოცხლის ხელყოფის უფლება. დემერთმა ქნას, შენ მაინც იცხოვრო ადამიანურად.

დაუსუსტდა ხმა მოხუცს. თვლები მიეღულა. ბებია მანიშნა და ფეხაკრეფით გამოვედი ოთახიდან.

მცირე ხნის შემდეგ წმუტური შემომესმა. საწყლად, გულისწამლებად წმუტუნებდა ლეკვი. საწოლთან მივიჭერი. გაქვავებულივით იდგა სასთუმალთან ბებია. ბაბუა აწი ველარასოდეს ინადირებდა.

1903



ერთმანეთს, უძირო თვალები, ხშირი წარბები, პატარა, აპრეხილი ცხვირი, ფუნთუშა ტუჩები, მკვრივი მკერდი და წვრილი წელი, გრძელი, ზომიერად დაკუნთული ფეხები — აი, ასეთია ანა, ჩემი განყოფილების მედლა. ყელზე საკლდე უკონწიალებს ზედ მკვეთრად ამოტვიფრული ციფრებით. უფროსი მედლა უკვე ასაკოვანია. ისიც ქერაა და მასაც უძირო თვალები, ხშირი წარბები, პატარა აპრეხილი ცხვირი, ფუნთუშა ტუჩები, მკვრივი მკერდი და წვრილი წელი აქვს. ფეხებიც გრძელი და ზომიერად დაკუნთული. ლუჩიას ეძახიან. მაგრამ მათი ერთმანეთში არევა შეუძლებელია: მათ ხომ კისერზე საკლდეები პკილიათ მანათობელი ციფრებით, რომელიც სიბნელეშიც ჩანს.

საბედნიეროდ, ორთავე მედლა ძალიან თავაზიანი და თბილი ადამიანებია. ვერასოდეს ვიფიქრებდი, რომ ციხის სამედიცინო ნაწილში არსებობენ ასეთი მგრძობიარე ქალები. შეიძლება უბრძანეს, მხოლოდ მე მომიტყეოდნენ ასე, რადგანაც უბრალო პატიმარი კი არა ვარ, „მნიშვნელოვანი“ პიროვნება გახლავართ, წარსულში დიდად დაფასებული. რა თქმა უნდა, ეს ილუზიაა, მაგრამ მე მაინც ვებლაუჭები მას. ვცდილობ, ვიპოვო რაღაც დამამშვიდებელი, ჩემს ახლანდელ მდგომარეობაში. ძალიან სუსტი იმედი კია, მაგრამ რას იზამ, კაცი იმედით ცოცხლობს.

— როგორა ხართ, პროფესორო?

ლუჩია დაიხარა ჩემკენ და ბალიში გამისწორა.

— ძალიან ცოტა ხანს მეძინა, — ვუპასუხე.

მე კი უკვე დიდი ხანია ცუდად მიძინავს, ნახევრად ბურანში. როდის გამოვიძინებ გემრიელად უკანასკნელად? ათი წლის წინ, როცა კეთილად დაგვირგვინდა ჩემი აღმოჩენა და სახელი და დიდება მომიტანა. მაშინ ჯერ კიდევ არ მქონდა მოწამლული სიცოცხლე.

— ფიზიკური რძიან ყავას ხომ არ მიირთმევდით? — შემომთავაზა ლუჩიამ.

ყავა არ მინდოდა, მაგრამ თავი დავეუქნიე. რაღაცნაირად ხომ უნდა მომეშორებინა თავიდან. ხანგრძლივი ვიზიტი მელოდებოდა დეიდა კლელიასთან. მას შემდეგ, რაც ჩემი ქორწინება ასე სამწუხაროდ დამთავრდა, დეიდა კლელია ერთადერთი ახლობელი ადამიანი დამრჩა. დეიდა თავს ვალდებულად თვლის. მინახულოს ყოველ სამშაბათსა და პარასკევს. რაღაცნაირი სიტბოც გააჩნია ჩემს მიმართ. მეკი, სიმართლე ვითხრათ, მისდამი არა ვარ სასიკეთოდ განწყობილი. მაგრამ ის ბაბუა არტიერის დაა. ბაბუა არტიერმა ხომ ძალიან შემიწყობი ხელი ახალგაზრდობაში. დამიტოვა ფული. ამ ფულის წყალობით უნივერსიტეტი დავამთავრე და ელექტრონული ფიზიკის ინსტიტუტის დოცენტიც გახვდი.

შედეგი, სამწუხაროდ, ყველაზე სავალალო იყო, მაგრამ ბაბუა არტიერს არ შეეძლო ამის განჭვრეტა, და თანაც, ის დიდი ხანია გარდაიცვალა.

ნაღვლიანი ფიქრებიდან ანას მხიარულმა ხმამ გამომიყვანა:

— ჩვენ სტუმარი გვყავს, პროფესორო! ეს ისაა, დეიდა კლელია. არასოდეს არ აგვიანებს. დეიდა კლელიას ქერა თმები, უძირო თვალები, ხშირი წარბები, პატარა, აპრეხილი ცხვირი, ფუნთუშა ტუჩები, მკვრივი მკერდი, წვრილი წელი და გრძე-

ლი, ზომიერად დაკუნთული ფეხები აქვს. ყელზე საკლდე ჩამოუკონწიალებია.

დეიდა კლელია საწოლზე ჩამოჯდა და ელეგანტურად გადაიღო ფეხი ფეხზე. დღეს ჩვეულებრივზე მხიარულია. ესაუბრა ჩემს ვეჭილს და მან ძალიან დააიმედლა.

— შენ რომ მხოლოდ ჯოვანას ლალატი დაგემტკიცებინა!..

— შენ ხომ მშვენიერად იცი, დეიდა, ჯოვანა არ მლაღობდა.

— მაშინ, ვთქვათ, ერთი-ორჯერ კელულად გაუღიმა სხვა მამაკაცს, ანდა უბრალოდ, თუნდაც მასთან ისაუბრა. სისხლის სამართლის კოდექსი ითვალისწინებს...

განაწყენებულმა ჩაიფრუტუნე. ჩემი კეთილი დეიდა ამას არც შეუტყუებია:

— ვეჭილი ამბობს, რომ ღირსების მოტივით...

— დეიდა კლელია...

— ვიცი, კოდექსის ამ მუხლს დღესაც არა ხვალ, შეცვლიან. ჯერჯერობით არ შეუცვლიათ, და თუ ვეჭილი ამტკიცებს, რომ...

კვლავ არ დავამთავრებინე სიტყვა:

— უმჯობესია ეს მითხრა, ჯოვანა გამოჯანმრთელდა?

— რა თქმა უნდა. ლოყაზე ჭრილობაც შეუხორცდა.

ჯოვანას ბედი უკვე აღარ მაინტერესებდა. იმ შემთხვევაშიც კარგა ხნით აღრე დავერწმუნდი, ნამდვილი სიყვარული ჩვენს შორის არ ყოფილა. ჯოვანა მეტად ქრავფშუტა იყო. ის თუ ჩემში ამბიციებს აღვივებდა და იმედიც ჰქონდა წარმატებისა, არა იმიტობა, რომ ჩემს პატივისცემას იზიარებდა მეცნიერებისადმი. მას სულაც არ აინტერესებდა ეს—თუმცა გულუბრყვილო, მაგრამ გულწრფელი მისწრაფება, გამეუმჯობესებია ადამიანთა ცხოვრება. მას მხოლოდ პატივმოყვარეობა ასულდგმულზედა. ასე რომ, ეშმაკსაც წაუღია ჯოვანას თავი და მისი პრეტენზიებიც! როცა მეხსიერებაში ჯოვანას სახე და ფიგურა ამოტივტივდება, ყოველთვის ვიხსენებ ჩვენი ცოლ-ქმრული ცხოვრების პირველ წლებს. თავი ისევ უნივერსიტეტის დოცენტი მგონია. მიცოცხლდება წლები, ძველი იდილალები, უძილო ღამეები ლაბორატორიაში, როცა ელექტრობოლოგიის საიდუმლოებათა ამოცნობას ვცდილობდი.

კათედრის ხელმძღვანელი მიხვდა, რომ ამოდ არ ვკარგავდი დროს. სრული თავისუფლება მომცა. მინდოდა ელექტრონიკის შემოქმედების გზით შემეცვალა ორგანული უჯრედის შემადგენლობა. ლაპარაკი იყო არა უბრალო ხელოვნურ რეგენერაციაზე, არამედ მოლეკულის სრულ ცვლილებაზე. ამ აღმოჩენას, თუ სუფთა თეორიიდან რეალობად იქცეოდა, შეეძლო უდიდესი ეფექტი მოეცა მთელი რიგი დაავადებების მკურნალობისას.

პირველი სერიოზული შეცდომა ის იყო, ამის შესახებ ბერნარდოს რომ ვუამბე. ყოველივე ეს მისთვის რომ არ ჩამეყაჭა, ახლა პატივცემული მეცნიერი ვიქნებოდი. შეიძლება ძალიან მდიდარი არაა, მაგრამ მიახლოებით ამისი მსგავსი მაინც. რაც მთავარია, არ დაიბადებოდა უმწარესი რწმენა მეცნიერებასა და მთელი ჩემი ცხოვრების ოცნებათა ლალატზე.

ბერნარდო კუალა იყო ჩემი ბავშვობის მეგობარი. ერთ სკოლაში ვსწავლობდით და უნივერსიტეტშიც ერთად მოვეწყვეთ. მან შემდეგ ზურგი შეაქცია მეცნიერებას და ჟურნალისტი გახდა. მაშინ, ამ ათიოდე

წლის წინ. ის საღამოს გაჩეთის რეპორტიორი იყო. მე კი ნამდვილად ვეჭვობდი, რომ ნდობით გამოვლევებმა ისე შევძელი, რომ ჩემი არსება, მეცნიერების განვითარება სხვა აღარაფერზე ვფიქრობდი. ქუჩაში მივდიოდი, ვჭამდი თუ წვერს ვიპარსავდი, სულ ამაზე ვფიქრობდი. მინდოდა ჩემი განწყობილება სხვისთვისაც გადაემდო.

ჯოვანასთან ლაპარაკი არ გამომდიოდა. ელექტრობის ანბანშიც კი ვერ ერკვეოდა ბერნარდომ კი, რაც არ უნდა იყოს, პირველ კურსზე გამოცდები ჩააბარა. ერთხელაც დილით, ქალაქის ცენტრში შეგხვდი. ორთავემ გავიხარეთ ამ შეხვედრით. ბერნარდო აპრატივით გამიმასპინძლდა და მომიყვა თავის ამბავს. რაღაც-რაღაცეები მიკბამოკბამა ჟურნალისტური საქმიანობის შესახებ.

— აბა, შენ რაღას აკეთებ? — მკითხა.

— ვატარებ ყოველგვარ ცდებს, — ვუპასუხე. — თუ ვინდა, უახლოეს დღეებში შემოიარე ჩემთან, ლაბორატორიაში.

და აი, ბერნარდომ შემოიარა ლაბორატორიაში. და მე მოვიქეცი ისე, როგორც დახვეწილი იდიოტი. ვაჭვენე ბიოლოგიური ციკლოტრონის ექსპერიმენტული მოდელი და თუნუქის ნიღაბი.

— ამ ორი ხელსაწყოს საშუალებით მე შემიძლია შევცვალო ადამიანის სხეულის მოლეკულური კავშირები, — ამკარა სიამაყით ვუთხარი მე.

— ესე იგი შენ შეგიძლია ადამიანის სახის ნაკეთების შეცვლა? — ანგარიშმიუცემლად წამოიყვირა მან, განწყობილება, როგორც ჟურნალისტთა უმეტესობას სჩვევია, ყველაფერის გამარტივებისაკენ.

მთელი ორი საათის განმავლობაში ვუხსნიდი, რომ საქმის ვითარება სულაც არ არის ასე. რომ შეიცვალოს თუნდაც ერთი ადამიანის სახის ნაკეთები, ამისათვის საჭირო იქნება ძალისმიერი, ესე იგი, სახიფათო თერაპია. ჩავახედე ჩემს ჩანაწერებში, რომ დამეინტერესებინა პრობლემის სუფთა მეცნიერული მხარით. სულ ამით შრომა გამოვივიდა.

ორი დღის შემდეგ გაჩეთში გაჩნდა ვრცელი სტატია ჩემი ბიოლოგიური ციკლოტრონის შესახებ. დაიბეჭდა ჩემი სტერიოფოტოც (ბერნარდოს ჩემგან მალულად ბეჭდის კინოკამერით გადაღებულ). უზარმაზარი ასოებით აწყობილი სათაური ილუქებოდა: „ულამაზო ქალები აღარ იქნებიან!“ შემდეგ მოდიოდა ტექსტი:

— ჩვენი ქალაქის მევიდრმა, ახალგაზრდა მეცნიერმა ფაბიო მანტინიმ, შექმნა ელექტრონიკის ხელსაწყო, რომლის მეშვეობითაც შეიძლება ადამიანის სახის ნაკეთების გალამაზება და ყველაზე მახინჯის თვალისმომჭრელ მზეთუნახავად გადაქცევა...

მთელი სტატია ასეთი სენსაციური ტონით იყო დაწერილი. მე თავი მოვიავადმყოფე და რამდენიმე დღე უნივერსიტეტში არ მივსულვარ. სახლში ვუბრძანე, არ ეპასუხებ ზარზე. აქ კი მიღალატა ჯოვანამ. ბერნარდოს სტატიაში აამოძრავა მექანიზმი, რომელსაც შეეძლო ჩემი გასროლა. მაგრამ ჩემი ცოლი რომ არაა, ალბათ, შევიძლებდი გამოვმძვრალიყავი ამ ისტორიიდან.

ამასობაში ფრანგულ-ამერიკულმა კოსმეტოლოგებმა ფირმებმა ნაღვლობა მოაწყვეს ჩემზე. მათ არ ეზოგებოდათ ჯოვანასათვის სუნამოები, პომადეოები, პუდრი, ოღონდაც კი მათი მოკავშირე გამხდარიყო. ჩიკაგოში არსებული ფრანკო-ამერიკული ფირმის „მორ ამურ კომპანის“ მრჩეველი



პოლის ცოცხალი

პოლის

ჩემთან შესახვედრად მილანში ჩამოფრინდა. მის მაგალითს მიბაძა ფილადელფიაში დაფუძნებულმა ცნობილმა ფრანგმა მკერავმა. იტალიელ მრეწველებზე ლაპარაკიკ ზედმეტია — მათ მთლიანად ალყაში მომაქციეს. და აი,ერთხელ გაბმულად დარეკა ზარმა. ჯოვანა წარმოუდგენელი სისწრაფით წამოხტა დივანიდან.

— ეს დედა, დედა! ისე ნერვიულობს ჩვენს გამო! — წამოიყვირა.

— წავალ, გავადებ.

ერთი-ორი წუთის შემდეგ ზღურბლზე გამოჩნდა „მონ ამურ კამპანის“ წარმომადგენელი. ხელსაყრელი წინადადება მომცა. თითქოს ასეთ რამეს კიდევ ველოდი, მაგრამ თანხამ გამაოცა — ჩემს ხელფასს ორმოცდაათჯერ მაინც ამეტებდა. ოღონდ მე უნდა დამეხვეწა ციკლოტრონი, რათა ის გამოსადეგი ყოფილიყო კოსმეტიკური მიზნით. და კიდევ: კომერციული გამოყენების ყველა უფლება „მონ ამურ კამპანის“ ხელში გადადიოდა. ძალღონე მოვიკრიბე, აღვიჭურვე მთელი ჩემი გამბედაობით,

მორალური მრწამსითა და, ყინულივით ცივი ხმით მივახალე:

— გაეთრიეთ აქედან!

მან ჩაიღიმა, თავაზიანად დამიკრა თავი და სანამ წავიდი, შემოსასვლელში, კარდაზე დატოვა თავისი სავიზიტო ბარათი. თანაც ჩაილაპარაკა:

— როგორი ლამაზი კარადაა. თუ არ ვცდები, „დე გოლის“ სტილისაა!

რა თქმა უნდა, დამცინა. ვანა მე მაშინ შემექლო ანტიკური ავეჯის შექენა?

საერთოდ, იმ წლებში ძალიან ცოტა რამით ვკმაყოფილდებოდი. ჯოვანა კი მუდამ მაზოლზე მაჭერდა ფეხს. თანაც გულს მიწვრილებდა დაცინვით:

— ჯიუტობს ახალგაზრდა! მისი მეცნიერება წმინდა საქმეა, პირდაპირ იშვიათობა. მე კი ჯერ ჩვენი ძველი ავეჯის გამოცვლაც არ შემიძლია. როცა ვინმე შემოდის, დამიჯერე. სირცხვილით ვიწვი...

და ასე დაუსრულებლად.

გამოჩნდნენ სხვა ფირმის წარმომადგენლებიც. ერთიმეორეზე მომხიბლავი წი-

ნადადებები შემომთავაზეს. ყოველწევამას იმიტომ კი არ ვყვები, საკმაოდ პიტულაცია გავამართლო. ფეხზე აღმდგომი ლაპარაკი, რამდენ ხანს და რა მედგომად ვეწინააღმდეგებოდი მე მათ. მერე თანდათან „მოვრჯულდი“. ჩემი წინააღმდეგობაც უფრო და უფრო სუსტი გახდა. გამიარჯვა ფირმა „მონ პლეზირ კომპანის“ აგენტმა ლოს-ანჯელოსიდან, და გამიარჯვა არა თავისი განსაკუთრებული მჭერმეტყველებით, არამედ იმიტომ, რომ იმ დროისათვის უკვე ისეთ მდგომარეობაში ვიყავი, აღარ შემეძლო უარი მეთქვა.

დაიწყო ახალი ცხოვრება. გაჩნდა კილა ქალაქის ყოფილ ბაღში. „მონ პლეზირ კომპანისთან“ კონტრაქტზე ხელის მოწერისას შევეცადე, დამეთანხმებინა ფირმა ყველა სამეცნიერო გარანტიაზე, შეემნარჩუნებინა რაღაც სერიოზული მიზანი შემდგომ მუშაობაში. ფირმა სიამოვნებით დამეთანხმა და მომცა მთელი რიგი გარანტიები. მაგრამ ძალიან მალე ჩვენი კონტრაქტის ყველა ეს პუნქტი წყალს გაატანეს. როცა ციკლოტრონი დახვეწეწე, წარმოუდგენელი სარეკლამო აურზაურის შემდეგ, ფირმამ ჩემი ხელსაწყო „მომხიბლავ ლამესთან“ ერთად (არის ასეთი სუნამო) გაუშვა გაყიდვაში და მას პინუპტრონი უწოდა — „მხოლოდ პინუპტრონი აქცევს სიყვარულს საოცარ სიზმრად“. წარმოიდგინეთ, როგორი სარეკლამო აფინია ხვდებოდა გამკლულს ყოველ ფეხის ნაბიჯზე მსოფლიოს თითქმის ყველა ქალაქში?

გავაპროტესტო. უკან წავიღო ჩემი თანხმობა? ასეთი მსხვილი თანხის მიძღები, უპირველეს ყოვლისა, ცუდლუტ, არაპატრიოსან პიროვნებად გამოვჩნდებოდი.

პინუპტრონის კომერციული „გამკვიბისათვის“ მიმიწვიეს ამერიკაში, ლოს-ანჯელოსში, სადაც საზეიმო ცეუმონიაში სიტყვით იტალიის ელჩიც გამოვიდა. ორკესტრმა შეასრულა იტალიისა და ამერიკის ნაციონალური ჰიმნები. მინისტრის თანამემწემ თავის სიტყვაში ხოტბა შეასხა მეგობრობას იტალიასა და ამერიკას შორის და მე მიწოდა „ლათინური გენიალობის საყოფი“.

სალამოთი, კალიფორნიის რადიოს მიერ მოწყობილი სტეროვიდეოპროგრამაში მიმიწვიეს მონაწილეობის მისაღებად. ერთერთი ქალთავანი, ულამაზოთა შორის ულამაზო (თუ ამერიკელი ქალი ულამაზოა, ის თითქმის მახინჯია), ამოიყვანეს სცენაზე და მე მრავალ ტელეკამერათა წინაშე, ჩამოვაცვი მას პინუპტრონის ნილაბი. ავირჩიე მოდელი 4-ფ, ნორდიული ტიპის ნატიფი სილამაზე. 45 წამის შემდეგ, მაყურებელი, წინასწარვე შემზადებული, რომ იხილავდა ძლიერ შეცვლილ სახეს, გაოცებისაგან გაშეშდა. ვაისმა მქუხარეტაში, ისტერიული კივილი „ბრაუო!“ საშინლად ულამაზო დიასახლისი გადაიქცა ეშხითა და სილამაზით სავეს ანგელოზ ქალად.

გასაგებია, პირველ თვეებში პინუპტრონი ხელმისაწვდომი იყო მხოლოდ ერთეულებისათვის. ძალიან ძვირი ღირდა და პირველ სტადიაში უმძალესი საზოგადოების პრივილეგიად რჩებოდა. „მონ პლეზირის“ სარეკლამო განყოფილების მეთაურმა მისტერ კოლაგენმა ჩემს ცოლს აჩუქა პინუპტრონუქსი, მთელი ასი მოდელით.

— თქვენთვის ყველაზე უსარგებლო საჩუქარი, რაც კი ამ ქვეყანაზე არსებ-

ობს, — ელეგანტურად განაცხადა მან და ჯოვანას გაუწოდა ფაქიზად შეფუთული პინუპტრონი.

უსარგებლო? ჯოვანა ჭეშმარიტად გრაციოზული ქალი იყო, მაგრამ ყოველგვარი სიახლისაკენ ლტოლვა მისი სისუსტე გახლდათ. ჯოვანამ იმავე საღამოს, ლოს-ანჯელოსის სასტუმროში გასინჯა ერთ-ერთი მოდელთაგანი... და მაშინვე გახდა ოდნავ მაღალი, ცოტა უფრო თეთრი და სრული. შეეცვალა ცხვირის ფორმაცა და თვალების ფერიც.

საერთო ჯამში ის უფრო ლამაზი ჩანდა, მაგრამ მე არ ვიზიარებდი მის აღტაცებას და მხოლოდ თავაზიანობის გამო ვუთხარი, რომ დიახ, ასე უკეთესია-მეთქი. სინამდვილეში კი იმ საღამოს, ლოგინში მწოლიარეს მეჩვენებოდა, რომ მე ჯოვანას ვალაატობდი.

იტალიაში დავბრუნდი. სამუშაო მინიმუმამდე შემცირდა. დღეში ერთი-ორი საათი მხოლოდ პინუპტრონის დახვეწაზე უნდა მეფიქრა, რომ ის ფირმას ნაკლები დაჯდომოდა და ამით გასაყიდი ფასიც შემცირებულიყო.

როცა ზარ-ზეიმების ბურუსი გაიფანტა, განსაკუთრებული სიმწვავეთ ვიგრძენი, რომ ვულაატე მეცნეირებას. ჯოვანას ახირებებიც მიფუჭებდა ხასიათს: ის თითქმის ყოველდღე იცვლიდა მოდელს. ერთხელ დილით, სამსახურიდან მობრუნებულმა კიბესთან ვილაკ უტხო, ქერათმიან ქალს ვუთხარი „გამარჯობა, ლამაზო“. ჩემი ცოლი მეგონა 6-5-ის მოდელით.

ჯოვანას ვეხვეწებოდი, ერთ კვირაში მაინც არ შეეცვალა მოდელი — მისი წამდაუწუმ სხვადასხვაობა ნერვებს მიშლიდა. დაპირდა, მაგრამ რალაც ზერელედ, ავდებულად. ამ დროს, ახალი სარეკლამო ხმაურის შემდეგ, „მონ პლეირმა“ გაუშვა გაყიდვაში პინუპტრონის ეკონომიკური ვარიანტი, სულ ორი მოდელით, განკუთვნილი ყველაზე ღარიბი ქალებისათვის.

ჯოვანამ იმწამსვე განაცხადა, ჭეშმარიტი სინიორა მილიონობით მომხმარებლისაგან შეიძლება გამოირჩეს მხოლოდ და მხოლოდ მოდელთა მთელი კომპლექსის დემონსტრირებით. თვითონ ხომ მთელი ასი ცალი ჰქონდა და რომელიც უნდოდა, იმას ამოირჩევდა.

ხმა აღარ ამოიძლია. იმ დღეებში ძალიან ბევრი სამუშაო მქონდა — ეკონომიკური პინუპტრონის წარმატებამ, ძალიან ბევრი პრობლემა შექმნა. მოდელი სულ ორი იყო ა-1 და ა-2. პირველ ვარიანტში, ეს იყო მუქი ფერის ქალი, მეორეში — ქერა. სხვა დანარჩენი სილამაზის მიხედვით ერთი და იგივე კანონებს ექვემდებარებოდა — უძირო თვალები, ხშირი წარბები, პატარა, აპრეხილი ცხვირი, ფუნთუშა ტუჩები, მკვრივი მკერდი, წვრილი წელი და გრძელი, ზომიერად დაკუთვნილი ფეხები. ასეთი მოდელი იმდენად იაფია, რომ ის შეუძლია იყიდოს უღარიბესმა გლეხის ქალმა. ეს ორი — ა-1 და ა-2 შეიძინა ქალთა უდიდესმა უმრავლესობამ. და ამან სერიოზული სიძნელეები შეუქმნა დაბადების, ქორწინებისა და სიკვდილის სარეგისტრაციო ბიუროებსა და მუნიციპალიტეტებს. საზოგადოებაში, სადაც ქალთა უმრავლესობას ერთნაირი სახე და სხეული აქვს, დოკუმენტები კარგავენ ყოველგვარ მნიშვნელობას. ამან კი შეიძლება გამოიწვიოს ნამდვილი ქაოსი.

პარლამენტის ერთ-ერთმა დეპუტატმა წინადადებაც კი შეიტანა, რომ აკრძალუ-

ლიყო პინუპტრონი. მაგრამ მისმა წარმომებამ ნამდვილად გიგანტურ მასშტაბებს მიაღწია. ასე რომ, მისი აკრძალვა გამოიწვევდა ეკონომიკურ კრიზისს.

ჩვენს ლაბორატორიებში მუშავდებოდა „სამეცტრონი“, პინუპტრონის მამაკაცის ვარიანტი. „მონ პლეირ კომპანი“ იძულებული იყო, დასთანხმებოდა ამ ხელსაწყოს უკიდურესად შეზღუდულად გავრცელებას. სამაგიეროდ მთავრობამ პინუპტრონის განუსაზღვრელი რაოდენობით გაყიდვის ნება მისცა. მართალია, ყველა ქალი ვალდებული იყო ნომრიანი საჭდეტარებინა. ამით საშუალებას იძლეოდნენ, თავიდან აეცილებინათ არევ-დარევა და ყოველგვარი ბოროტგანზრახულობა.

საჭდეტების შემოღებით პინუპტრონის პოპულარობა სულაც არ დაზარალებულა. ქალაქებსა და სოფლებში დღითიდღე იზრდებოდა ძალიან ლამაზი ქერა და წაბლისფერთმიანი ქალების რიცხვი-ა მოდელის მიხედვით. შეუხედავები საერთოდ გაქრნენ, მოხუცები ისე გაახალგაზრდადნენ, ვეღარც კი ცნობდნენ. ცენტრალურსა თუ განაპირა ქუჩებში, სოფლის გზებსა თუ ალპურ ბილიკებზე, მსუბუქად და ძალდაუტანებლად მიაბიჯებდნენ მომხიბლავი ლამაზმანები, რომლებიც ერთმანეთისაგან განირჩეოდნენ მხოლოდ საჭდის ნომრით. ჩემს ცოლს ამ ქალი-ვაჰების მოზღვავება სულაც არ სიამოვნებდა და ჯიბრზე ყოველ დღე იცვლიდა მოდელს. რა თქმა უნდა, ცვლილებები გარკვეულ დრომდე სასიამოვნოცაა, მაგრამ მე ბუნებით ტრადიციის დამცველი ვარ და ჯოვანას გაუთავებელი სახეცვლა მაგიჟებდა. საღამოს, სახლში მობრუნებული, ჩემ წინ დაგოვმანებდა სამხრეთ-ამერიკული ტიპის ფუნთუშა ბრიუნეტი, მეორე დღეს, საღამოთი მაღალი, თეთრი სკანდინავიელი. მესამე დღეს წაბლისფერი სლავური ტიპი მიღებდა კარებს.

ბოლოს, როცა ის მომხიბლავ ეთიოპელად იქცა მოლურჯო-შავი გრუზა თმით, ვეღარ შევიკავე თავი. მაგიდაზე დანაილო, უნებლიეთ ხელი დავავლე და ჯოვანას ლოყა ვადავუსერიე.

შემდეგ სახლიდან გავიქეცი. ამ ფაქტმა სასამართლო პროცესამდე მიმიყვანა — პროკურორი ამტკიცებდა, რომ მე ცოლის მოკვლას ვაპირებდი. სინამდვილეში კი მინდოდა მხოლოდ და მხოლოდ ლოყა ვადამეკაწრა ოდნავ, რომ რალაცით მაინც დამერღვია ამ სრულყოფილი, დამაბრმავებელი სილამაზის სიმეტრია. სახლიდან გაქცეული, დიდხანს და უმიზნოდ დავხეტებოდი ლამაზებით სავსე ქალაქში. ვუყურებდი მათ ყოველგვარი ინტერესის გარეშე. ისე კი მაშინვე ვცნობდი — ეს მოდელი ბ-4-ია, ეს ც-7 (საკმაოდ იშვიათი). აი, ეს, დემეტო ჩემო, მოდელი ა-1 და ა-2 და მთელი ეს სილამაზის ბაქანალია — ჩემი ცდების შედეგი გახლდათ.

როცა დამაპატიმრეს, გამიხარდა კიდევაც ციხიდან თითქმის მაშინვე საავადმყოფოში გადამიყვანეს სერიოზული ნევროზის გამო. იქ ჩემი მოვლა მიანდევს ორ შესანიშნავ მედდას, ანასა და ლუჩიას. მე მათდამი გულწრფელი სიმპატიით განვეწყვე... მაგრამ ეს მოდელი ა-?!

სასამართლოზე ორთავენი ჩემი გულშემატკივრები იყვნენ. როცა გაზეთებში დაიბეჭდა ცნობა, რომ ცოლი გამეყარა, ანამ და ლუჩიამ მაშინვე შემატყობინეს ეს ამბავი. იცოდნენ, რომ მე ძალიან ბედნიერი ვიქნებოდი: თავისუფალი, ბოლოს და ბო-

ლოს თავისუფალი. მშვიდობით ჯოვანა, სამუდამოდ მშვიდობით!

განაჩენი რბილი იყო. ჩემმა კუჩქმა მას იმის საწინააღმდეგოდ, რაც მე უფრო ამაჯობინა მკვლელობის მცდელობის რთიციალური ვერსიისათვის დაეჭირა მხარო. ამისნა, რომ შეძლებს, ადვილად იპოვოს დანაშაულის შემამსუბუქებელი გარემოებანი (მოქმედებდა შელახული ღირსების მოტივით). მან ყველაფერი ზუსტად გაიანგარიშა. თავის სიტყვაში მჭერმეტყველურად განაცხადა, რომ ჯოვანას მუდმივი ცვლა პინუპტრონის მოდელისა, ლალატის ტოლფასოვანია.

— ჯოვანებს შორის რომელი იყო ნამდვილი? — პათოსით წამოიძახა მან. — დღევანდელი თუ გუშინდელი? თუ გუშინდელი, მაშინ ახლა სადღაა ის? შეიძლება საყვარლის მკლავეებში? აი, რატომ აღუძვრებოდა ბრალდებულს მუდმივად საშინელი ექვები, ბატონო მოსამართლევ და ბატონო ნაფიცნო მსაჯულნო! და მაშინ ფარულმა შინაგანმა ძალამ, ჩვენი კეთილშობილი, უძველესი ტრადიციებით შობილმა, და მამაკაცური ღირსების გრძობამ, უბიძგეს მას ამ განუსჯელი საქციელისაკენ. უხილავი ხმა ჩასჩურჩულებდა: დაიცავი შენი შელახული ღირსება, შური იძიე ამ მოლაატებზე!

ვექილის უკანასკნელი სიტყვები ჩაინთქა ტაშის ქუხილში და მე მომისაჯეს მხოლოდ ექვსი თვე პატიმრობა.

ვადის დამთავრებამდე სულ ორი კვირა დარჩა. და რა თქმა უნდა. მთელი ეს დრო საავადმყოფოში დავრჩები. ბოლოს და ბოლოს სიმშვიდე დამიბრუნდა. გაქრა ღამის კომპარი. ერთი კვირის წინ პალატაში შემოვიდა სანიტარი იატაკის გასარეცხად. შევხედე და ელვისებურმა ნახმა ტალღამ სუნთქვა შემიკრა. წელში გაიმართა, და მე შევძელი უფრო კარგად დამეთვალეირებინა საოცარი სანახაობა — ელამი, გრძელი ცხვირით, მიმოდრეცილი ღაწვებით, თმიანი ლოყებით. იშვიათი, გაურკვეველი ფერის თმით, ჩამოშვებული მკერდითა და მსხვილი, მოფამფალეული ფეხებით.

ფრანჩესკა ერქვა. მაშინვე ცოლობა შევთავაზე. საავადმყოფოს უფროსისაგან ნებართვა ავიღე, რომ ყოველ დილით სწორედ ფრანჩესკას გაეღო ჩემი პალატის ფანჯრები.

დილის 7 საათია. გავიღვიძე. მას შემდეგ, რაც ფრანჩესკას სიყვარულმა აზრი მისცა მთელ ჩემს ცხოვრებას, უძილობისაც აღარ მეშინია. ვიცი და ვაყურადებ მის ფეხის ხმას. სულ მასზე ვფიქრობ. თვალწინ მისი შესანიშნავი სახე მიდგას. რა ძვირფასი ხარ ჩემთვის, ჩემო ფრანჩესკა!

აი, ისიც. შემოდის ბნელ პალატაში: — გამარჯობა, ძვირფასო, მე შენ სიურპრიზი მოგიმზადე. ცოტა რალაც დანაზოგი მქონდა.

ფართოდ გამოალო ფანჯარა და დიმილით შემობრუნდა ჩემკენ: ქერა, უძირო თვალები, ხშირი წარბები, პატარა, აპრეხილი ცხვირი, ფუნთუშა ტუჩები...

არა, არ მინდა, არა, არა!

თარგმანა ქეთევან ჩხაიძე.

ლების მარჯვნივ, მისი მხარის გასწვრივ და ხელის მტკვანს ზემოთ თითქოს შეიმჩნევა რაღაც შენობა (ტაძრის მოდელი?) მუქი შეფერილობის საფეხუროვანი გადახურვით.

მავდრებელი მამაკაცის სახის აღმოსავლეთისაკენ სამი მეოთხედით მიბრუნება და თვით მისი ტიპაჟი (სახის მშვიდი, გარინდებული გამომეტყველება, დახვეწილი ნაკვთები, მოკრძოლი თვალი, ნუშისებური ფორმის თვალები, თხელი, სწორი ცხვირი), ვინაიდან, მონატულობის დამატარებელი სხვა ნიშნები არ არსებობს, გაუბედავად, მაგრამ მაინც, გვაფიქრებინებს, რომ პორტრეტი შესრულებულია არა უგვიანეს XIII საუკუნის დასასრულს. ამის დასტური იქნებ ისიც იყოს, რომ საერო პირის პორტრეტული გამოსახულება მოთავსებულია არქიტექტურულად გამოყოფილ (ხუროთმოძღვრის მიერ მისთვის თავიდანვე გამიზნულ) ადგილზე — საღიაკენის ჩრდილო-დასავლეთ კუთხეში, კედლის სწორკუთხა სვეტის წინა ზედაპირზე. XIII საუკუნის მეორე ნახევრით დათარიღებული ტაძრის დარბაზისკენ თავდაპირველად განსნილი საღიაკენის ჩრდილო კედლის ეს ნაწილი კი დღის განმავლობაში ყველაზე დიდხანს იქნებოდა განათებული ჯერ საღიაკენის აღმოსავლეთი და შემდეგ განივი მკლავის სამხრეთ ბოლოში გაჭრილი წყვილი, მაღალი სარკმლებიდან შემოსული სინათლით.

ქართული მმართველი ფეოდალური (სამეფო?) წრის თუ რომელი პირია გამოსახული ამ პორტრეტზე, ან ვისი სახელობისაა და ვისი საფასით არის აკვებული ჰუჯაბის მთავარი ტაძარი, საჭიროებს სპეციალურ კვლევას.

მანამდე კი ჰუჯაბის მონასტრის მოვლის საქმე უნდა მოგვარდეს, რაც ახქერფელებთან მოყვრული (შიდარესპუბლიკური) ურთიერთობის აღდგენას გულისხმობს. ამას თვით სოფლის მცხოვრებთა კეთილი ბუნებაც შეუწყობს ხელს.

ახქერფში პირველად ჩასულებს მეგობრულად შეგვხვდა იქაური მასწავლებელი მიხეილ ალკინიანი, რომელმაც ჩვენი თხოვნით ჯერ მიგვასწავლა გზა ჰუჯაბისკენ, შემდეგ კი თვითონვე შემოგვთავაზა მეგზურობა და, როცა ჩვენმა მანქანამ სოფლის ბოლოს აღმართი ნაწვიმარზე ვერ დასძლია, სხვა ახქერფელის „ვილისით“ აგვიყვანა მონასტერში. წარუშლელი შთაბეჭდილება დაგვრჩა, თუმცა იყო თქორი, ჩამოწოლილი ცა, ბინდმოკული ხეობა, ტაძრის ირგვლივ წელამდე ბალახი...

1978-83 წლებში ყოველი ჩასვლისას თან მიგვყვებოდა ხალისიანი მოხუცი — აკოვ ავაქიანი (მცველი, თუ მცველის მოვალეობის ფაქტორი შემსრულებელი) იგი დიმილით ინსენებდა ხოლმე, რომ ჩვენი სტუდენტები მას „დარდიმანდიანს“ ეძახდნენ.

ჰუჯაბში ჩასვლა უქმ დღეებში ან დღე-სასწაულების დროს გვიწვედა. როგორც წესი, ამ დროს ახქერფში ერევნიდან, ან მეზობელი სომხური რაიონული ცენტრიდან ავტობუსებით ამოსულები აქტიურად მონაწილეობდნენ ახქერფელთა დღესასწაულებსა თუ ხსოვნის დღეებში.

ახქერფი მარნეულის რაიონის უკიდურესი დასახლებული პუნქტია ჩვენი რესპუბლიკის სამხრეთ საზღვართან. ქართველი საზოგადოების უყურადღებობამ ამ სოფელთან განლაგებული ჰუჯაბის ქართული სამონასტრო კომპლექსის მიმართ დღევანდელ მდგომარეობამდე მიგვიყვანა: სომხეთის ძეგლთა დაცვის სამმართველო თავის უფლებებს სრულიად უსაფუძვლოდ ავრცელებს ჰუჯაბზე და მის ახქერფელ მცველს ხელფასაც უხდის. ადრე საქართველოს ძეგლთა დაცვის მთავარი სამმართველოს ხელმძღვანელობა არც უცხოვრებდა ამ ამბავს, შეიძლება იმიტომ, რომ ჰუჯაბის ტერიტორია სომხეთის ფარგლებში ეგულებოდა. როგორც სპეციალისტები თვლიან, ჰუჯაბის სამონასტრო კომპლექსი მდებარეობს. საქართველოს ტერიტორიაზე.

ცნობილი ვახდა, რომ სომხეთის ძეგლთა დაცვის სამმართველო შეუდგა ჰუჯაბში სარესტავრაციო სამუშაოების თადარიგს. თუ ეს სამმართველო თავისი გეგმის განხორციელებას დაიწყებს, ეს იმას ნიშნავს, რომ ქართული ხუროთმოძღვრების შესანიშნავი ნიმუში — ჰუჯაბის მთავარი ტაძარი სავანებო „პლასტიკური ოპერაციის“ შედეგად იერს შეიცვლის: დამახინჯდება, ან გაჭრება საერთოდ ბევრი მოწმობა მისი ქართულობისა!

ჩვენი რესპუბლიკის ხელმძღვანელობამ საზოგადოებრივი აზრის შესაბამისად უკვე დასახა მეზობელი რესპუბლიკის მთავრობასთან შეთანხმების გზით დამიამედებული ღონისძიებანი ჰუჯაბის მონასტერში ქართველი სპეციალისტების მიერ რესტავრაციის ჩასატარებლად.

ამასთან, მინდა გამოვთქვა ჩემი რამდენიმე მოსაზრება:

ახქერფის საშუალო სკოლაში, ვფიქრობ, უნდა ისწავლებოდეს ქართული ენა და ლიტერატურა, საქართველოს ისტორია და საქართველოს გეოგრაფია და ამ საგანთა მასწავლებლობა მიენდოს ახალგაზრდა ქართველ პედაგოგებს.

ასევე ქართველი იყოს ამ სოფელში ქართული, აგრონომი, ვეტერინარი, კლუბის მენეჯერი.

რაც მთავარია, ამოქმედდეს მონასტერი ქართველი რესტავრატორების მიერ აღდგენა-გამაგრების შემდეგ. ამ მიზნით იქ მუდმივად იმყოფებოდეს რამდენიმე ქართველი სასულიერო პირი, რომ ჰუჯაბის მთავარ ტაძარში მღვდელმსახურება ტარდებოდეს მხოლოდ ქართულ ენაზე. „რამეთუ ქართლად ფრიად ქუეყანაა აღიარცხების, რომელსაცა შინა ქართულითა ენითა უამი შეიწირვის და ლოცკა ყოველი აღესრულების“.

თანამედროვე ქართული მონასტერი მეწარმომიდგენია საკვლევო (მაგ. ხელნაწერთა, ან ენათმეცნიერების) ინსტიტუტის მსგავს დაწესებულებად, რომელშიც შეისწავლება, ვთქვათ, ქართული სასულიერო მწერლობა.

ერთდროულად შეიძლება ჰუჯაბის მონასტერმა შეასრულოს თბილისის სახელმწიფო უნივერსიტეტის არმენოლოგიის კათედრის სასწავლო ბაზის ფუნქცია სომხური მოსახლეობის სიახლოვის გამო.

ამას გარდა, შეიძლება ჰუჯაბში, როგორც ქართული ხუროთმოძღვრების მნიშვნელოვან ძეგლზე, საწარმოო ან საღიაკენის პრაქტიკა გაიაროს თბილისის უნივერსიტეტის, თბილისის სამხატვრო აკადემიისა და საქართველოს პოლიტექნიკური ინსტიტუტის ხელოვნების ისტორიისა და თეორიის, ან არქიტექტურის ფაკულტეტების სტუდენტებმა.

ჰუჯაბის მონასტრის ჩრდილოეთით მიმდებარე ფერდობზე აშენდეს მონასტერში მოღვაწე პირებისა და სტუდენტებისათვის შესაფერისი შენობა ცხოვრებისა და მუშაობის თანამედროვე პირობებით.

განხორციელდეს სამონასტრო კომპლექსის სრულყოფილი და დაწვრილებითი ფოტოკინოფიქსაცია ფერად ფირზე. მის შესახებ შეიქმნას სასწავლო და სამეცნიერო ფილმები: გადაღებულ იქნას მხატვრულ-დოკუმენტური ტელეფილმი „ჰუჯაბის მონასტერი“.

განხორციელდეს ამ რეგიონში საქართველოს ტელეგადაცემების მიღება.

ამ ღონისძიებთა გატარება, ვიმედოვნებ, ხელს შეუწყობს იმას, რომ ჰუჯაბის მონასტერი თავისი შემოგარენით დაუბრუნდეს (ახქერფელებთან ერთად) ქართულ სამყაროს.

გულიკო გუჯაბიძე,

ივანე ჯავახიშვილის სახელობის თბილისის სახელმწიფო უნივერსიტეტის ზოგადი ფიზიკის კათედრის დოცენტი.

კანონი

ესპანეთის ქალაქ რიოხიში მცხოვრები 28 წლის საღვადო რუხი არ გამოირჩევა ათლეტური აღნაგობით. მისი სიმაღლე 178 სანტიმეტრია, წონა — 67 კილოგრამი. მიუხედავად ამისა, მან რვა წამის განმავლობაში ხალხით დატვირთული მანქანის ზეწოლას გაუძლო.



საღვადო რუხის ხატრის სამხედრო სახეობების ოსტატი და არაერთი ჩემპიონატისა თუ შეჯიბრების პრიზიორია. იგი თვლის, რომ ამ შედეგებს საკვების მიღების შემცირებით მიაღწია.

ფელიქს ლოიტინგერი საუკუთესო თუ არა, გამძლე მუსიკოსი მაინც არის: შევიცარის ერთ-ერთ რესტორანში იგი აკორდეონზე უკრავდა 108 საათის (ოთხი დღის) განმავლობაში.

რას სვამენ ამერიკელები? ბოლო დრომდე ამ კითხვაზე თავად ამერიკელები ერთხლოვნად უპასუხებდნენ — „ვისკის“. ამჟამად კი სტატისტიკა სხვა ტენდენციას ადასტურებს: 1961 წლიდან ამერიკის შეერთებულ შტატებში გაორმაგდა მინერალური წყლების წარმოება და გამოყენება. საფრანგეთიდან ოკეანის გაღმა გატანილი სხვადასხვა სახეობის 75 პროცენტზე მეტი უაღკოპოლო პროდუქციას შეადგენს.

ამერიკელები ასევე სერიოზულად დაფიქრდნენ თამბაქოს მავნელობაზე. მეოთხედი საუკუნის წინათ ამერიკის შეერთებულ შტატებში დაწეხული კამპანია მწველთა წინააღმდეგ დღეს სასურველ შედეგებს აღწევს. ქვეყანაში მწველთა რიცხვი 14 პროცენტით შემცირდა, რაც ამერიკელთა სამართლიან სიამაყეს იწვევს.

ესპანეთის ქალაქ სან-სებასტიანოს მკვიდრმა ინაკი პეროტონამ გადააკარბა მსოფლიოს მძიმე წონის უველა მძლეოსანთა რეკორდს. მან ასწია 306,1 კილოგრამის წონის ბეტონის პრიზმა.



თამბაქოს წვევა რომ საზიანოა, ეს ყველასათვის ცნობილია. მაგრამ აღმოჩნდა, რომ უფრო მავნებელია მისი ღებვა. ამერიკელი მედიკოსების „დეილი უორდ-ის“ მონაცემებით ამერიკელ ბეისბოლისტთა ერთ მესამედს, ანუ 1000-დან 333-ს, ღებვისას ან უნდასავს თამბაქოს, სერიოზულად დაუზიანდათ.

„გინესის რეკორდების წიგნს“ კონკურენტი გამოუჩნდა. ესპანეთში გამოცა უჩვეულო ამბებითა და საოცრებებით სავსე კრებულის.

აი, ზოგიერთი მათგანი:
1988 წელს ბასკმა ანტონო ანდუაგამ კარნავალის დროს ხელი ჩამოართვა 18610 მოქალაქეს.

ესპანეთის პოლიცია არ თმობს პირველობას ნარკოტიკების კონტრბანდის კონფისკაციის საქმეში.

ანდონი ბასტერეტსეას შეუძლია წუთნახევარში 424 მოლუსკი გადასანსლოს.

მადრიდის მკვიდრი ვალენტინ მუნისი ათი წუთის მანძილზე ოც კილოგრამ ქათმის ხორცს მიირთმევს.

ხოეს კრუხესმა მოამზადა ხუთკილომეტრიანი ხორცის ძეხვი (ბატონი), რომელიც ორმოცი ათასი კაცისათვისაა განგარიშებული.

41 წლის უცხოელ ფელიქს პალილია 29 დღეაღმისა და 31 წუთის განმავლობაში ცეკვავდა დისკოკლუბში საათნახევრიანი შესვენებებით. ამ ხნის მანძილზე იგი იკვებებოდა მხოლოდ მარცხენი, წვეთებით, ბუტერბროდებითა და მწვანელით. ფელიქსი არ ეწევა და არ სვამს ალკოჰოლურ სასმელებს.

90 წლის შვეიცარიელი მარიო ბორადორი მთელი თავისი ხანგრძლივი ცხოვრების მანძილზე ეძებდა საშუალებას სახელმწიფოში გამხდარიყო.

და აი, ახლახან იგი გადმოხტა პარაშუტით 4 ათასი მეტრის სიმაღლიდან. ბორადორის ასაკის გათვალისწინებით ეს ფაქტი შეტანილია „გინესის რეკორდების წიგნში“.

იტალიის ქალაქ მილანში რესტორან — ჰოტელის „ჰილტონის“ ადმინისტრაციამ საკუთარი კლიენტების დროის დაფასების მიზნით ანგარიშსწორების ახალი სისტემა შემოიღო: რესტორანის სტუმარი იხდის არა მენიუში აღნიშნული კერძის საფასურს, არამედ იმ შესაბამის თანხას, რაც კერძის ქამაზე დახარჯა.

მსოფლიოში ყველაზე მსუქანმა ადამიანმა, უოლტერ ჰადსონმა, რომელიც 400 კგ-ზე მეტს იწონის, გადაწყვიტა წონა მოეკლოს.

ნიუ-იორკელი უოლტერის წამება 18 წლის წინათ დაიწყო, როცა იგი 25 წლისა იყო. უოლტერი ქამდა უწყვეტად და მცირეოდენი შესვენებათა კი საშინლად აგრესიულს ხდებოდა. ყოველ დილას ჰადსონი იწყებდა ორი კილოგრამი ღორის ხორცისა და ამავე რაოდენობის შაშხის ქამით, რასაც სამ ლიტრზე მეტ „კოკა-კოლას“ აყოლებდა.

უოლტერი ოთახიდან ვეღარ გამოდიოდა. ერთხელ დაეცა და ვერ აღგა, ვიდრე სახანძრო რაზმი არ გამოიძახეს. ამის შემდეგ მან მტკიცედ გადაწყვიტა გამხდარიყო და შედეგსაც მიაღწია — 240 კგ იწონის. „ახლა მე ვკამ ორ დღეში ერთხელ“ — ამბობს უოლტერი — და ვიმედოვნებ, წეწიწადანახევარში 90 კგ-მდე დავალ“.

გარეკანის პირველ გვერდზე: „შემოდგომის ბარაქა“. ფოტოგრაფიული ბონდო დეალიშვილისა.

მეოთხე გვერდზე: ჰუჯაბის მონასტერი.

თარგუმად: 2. მარადმწვანე მცენარე; 3. სახლის ტიპი, რომელიც გავრცელებულია მესხეთ-ჭავჭავეთში, თრიალეთსა და დასავლეთ საქართველოში; 4. მცენიერება, რომელიც შეისწავლის ადამიანების წინაპრების ნაპარხ ფორმებს; 12. დასარტყმელი ინსტრუმენტი; 13. ერთი და იმავე შინაარსის შემცველი ორენოვანი ტექსტი; 15. სახელმწიფო აღმოსავლეთ აფრიკაში; 17. ფარული დაცინვა; 19. ძველი ქალაქი მცირე აზიაში; 20. მალღობი რუსეთის ვაკის ჩრდილო-დასავლეთ ნაწილში; 22. ნახშირმუცავს მუცეური მარილები; 24. დამხმარე სიტყვა, რომელიც ახლავს არსებით სახელს (ინდოევროპულ ენებში); 25. ადამიანთა სოციალურ-ისტორიული ერთობის ფორმა; 27. ბამბის ქსოვილი; 29. შვეიცარიის დედაქალაქი; 30. მინერალი; 32. ტბა (რსფსრ) ნოვგოროდის ოლქში; 34. მცენიერება, რომელიც შეისწავლის ცოცხალი და არაცოცხალი ბუნების ურთიერთკავშირსა და ურთიერთმოქმედებას; 38. გადაშენების პირას მისული ფრინველის სახეობა საქართველოში; 39. ასტრონომიული სხეული; 40. ქალაქი საქართველოში; 41. უქარობა.

შვეულად: 1. სანათი ხელსაწყო; 2. ხეხილოვანი მცენარე; 4. მრავალწლოვანი ბალახოვანი მცენარეების გვარი შროშანისებრთა ოჯახისა; 5. თევზი კობრისებრთა ოჯახიდან; 7. გაზი; 8. უანგზადის ალტროპიული სახეცვლილება; 9. გამჭვირვალე სხეული, შემოსაზღვრული სინათლის სხივების გარდამტეხი ორი ზედაპირით; 10. ქიმიური ელემენტი — მიეკუთვნება ჰალოგენებს; 11. ახალი ზელანდიის ფულის ერთეული; 14. ტბა შვეციის სამხრეთ ნაწილში; 16. მდინარე საქართველოში; 18. ხელსაწყო წყლისა და ჰაერის გაუფერებლობისათვის; 21. გამოჩენილი რუსი ბუნებისმეტყვეელი, ნიადაგმცოდნეობის ფუძემდებელი; 22. ბლაუა ნაყოფიანი მცენარეთა კრებითი სახელი; 23. სანადირო და სარეწაო ცხოველი; 24. მარჯნის კუნძული; 25. სამონადირო მეურნეობის მუშაკი; 26. მდინარე სამხრეთ-აღმოსავლეთ აზიაში; 28. ელექტრული დენის წყაროს დადებითი ელექტროდი; 31. ობიექტური რეალობის საგანთა და მოვლენათა აზრობრივი წვდომის ფორმა; 33. სიგრძის ერთეული; 35. ლითონი; 36. მცენიერება, რომელიც შეისწავლის ცოცხალ ორგანიზმებსა და გარემოს შორის სტრუქტურულ და ფუნქციურ დამოკიდებულებებს; 37. ესპანელი ფერმწერი, გრაფიკოსი.

შეადგინა ციური ბალაშვილი

მე-9 ნომერში გამოქვეყნებული კროსვორდის პასუხები

თარგუმად: 3. სიო; 6. პერიოდი; 13. ასპირანტი; 16. იზოლატორი; 18. მანდიკაპი; 21. სტიპენდია; 28. ტლანტი; 31. ილი.

შვეულად: 1. ესპარტეტი; 2. კომპოზიტი; 9. კურსივი; 12. აზავერი; 14. სია; 17. როი; 20. იდეოლოგია; 21. ხემინარია.

რბულად: 1. ესტამპი; 2. კომედი; 4. ეტლი; 5. არზა; 7. იარა; 8. რაჭა; 10. იაგო; 11. ხაფანგი; 13. აგარაკი; 15. ნიკე; 18. ჰორაციო; 19. ალოე; 22. აული; 23. მორი; 24. შიქასტა; 25. ატლანტა; 26. დიორამა; 27. იენა; 29. ანძა; 30 რიგა.

გადაეცა წარმოებას 21. 07. 89. ხელმოწერილია დასაბუქდად 26. 09. 89. უე 08413 ქალაქის ზომა 70x108/8. გარეკანი, ჩანართი და ტექსტი იბეჭედა ოფსეტური წესით. ფიზიკური ფურცელი 3, პირობითი ნაბეჭდი ფურცელი 4,2, საადრისცხო-საგამომცემლო თაბახი 5,69. ტირაჟი 50.000 შეკვეთა 1785. ფასი 35 კაპ.

380096, თბილისი, ლენინის ქ. № 14, საქართველოს კვ ცვ-ის გამომცემლობის ტბაში.
Ежемесячный общественно-политический и литературно-художественный журнал «Дроша» («Знамя»), (на грузинском языке). 380096, Тбилиси, ул. Ленина, 14. Типография издательства ЦК КП Грузии. Адрес редакции: 380008, Тбилиси, 8, пр. Руставели, 42.

380008, თბილისი 8, რუსთაველის პრ. 42. ტელეფონები: მთავარი რედაქტორის — 99-54-66, პ/მგ. მდივნის — 99-82-69, განყოფილებათა გამგეების 9328-42, 99-01-39, რედაქციის სამდივნოსი — 99-54-66.

რედაქციაში შემოსული გასალა ავტორის არ უბრუნდება.



4. რსფსრ სახალხო არტისტი ვადიმ იუსოვი და მთავარი ოპერატორი ვადიმ იუსოვი ფილმ „პასპორტი“-ს გადაღებისას.



სურათებზე: 1. დამდგმელი რეჟისორი გიორგი დანელია და მთავარი ოპერატორი ვადიმ იუსოვი ფილმ „პასპორტის“ გადაღებისას.


ქმეები პაპაშვილების ამაღლებულ ისტორია დაედო საფუძვლად ფილმ „პასპორტი“-ს, რომელსაც იღებს დამდგმელი რეჟისორი, სსრკ სახალხო არტისტი გიორგი დანელია. სცენარის ავტორები არიან რეჟო გაბრიაცხე, გიორგი დანელია და ალექსანდრე ჰაიტი. ფილმის პროდიუსერია კონსტანტინე ალექსანდროვი (საფრანგეთი), მთავარი ოპერატორი — ვადიმ იუსოვი.

საფრანგეთის ფირმა „პასპორტი პროდუქციონის“ წარმოების ახალ ფილმში მონაწილეობენ ცნობილი საბჭოთა და ფრანგი მსახიობები: ეტარა დარმონი, რსფსრ სახალხო არტისტი ნატალია გუნდარევა, სსრკ აკვშირის სახალხო არტისტი არმენ

ჯიგარხანიანი, რსფსრ სახალხო არტისტი ოლეგ იანკოვსკი და სხვები.

ცხოვრობდა ორი ნახევარძმა — ქართველი მერაბი და ებრაელი იაშა პაპაშვილები. იაშა ისრაელიდან ვიზას ღებულობს, მერაბი აცილებს მას მოსკოვამდე. შერემეტიოვოს აეროპორტში კი მერაბი შემთხვევით აღმოჩნდება იაშას ადგილას, რომელიც გარეგნულად ძალიან ჰგავს, და მის ნაცვლად მიფრინავს ვენის გავლით ისრაელში, სადაც ხდება ფილმის უმნიშვნელოვანესი კოლოზიები.

ახალი ფილმი 1990 წლის მაისში გამოვა ეკრანებზე, ჯერჯერობით კი გადაშლები ჯგუფი მთელი დაძაბვით მუშაობს თბილისსა და მოსკოვში.



ფოტო ბონლო დეკალივკილისა

646/136

საქართველოს
სამეცნიერო
ფოტოცენტრი

05994140 76056

